

Kalaallit Nunaanni pinerluttulerinermi inatsisip
aamma Kalaallit Nunaanni eqqartuussisarnermik
inatsisip allanngortinneqarnerat pillugit inatsit (Malersuineq akiorniarlugu
suliniutit patajaallisaavigineqarnerat, kinaassutsimik atornerluinerup
pinerluutinngortinneqarnera aamma unnerluussuteqarnissamut
piffissaliussap unitsinneqarnera il.il.)

§ 1

Inatsimmik allanngorneri ilanngullugit nalunaarutiginninneq nr. 1187, 18. september 2023-imeersoq, kingusinnerpaamik inatsisikkut nr. 411-ikkut, 23. april 2024-imi allanngortinneqartoq malillugu, Kalaallit Nunaanni pinerluttulerinermi inatsimmi allannguinerit tulluuttut suliarineqassapput:

1. § 21, *imm.* 5, ima oqaasertaliorneqassaaq:

»*Imm.* 5. Pineqartoq unnerluutiginninneq pillugu ilisimatinneqarpat, imaluunniit suliassamik eqqartuussisutigoortumik suliarinninnissaq aalajangiinissarlu pillugit alloriartoqarnissaanik unnerluussisussaataasut noqqaassuteqarpata, tamatumuuna pineqartoq unioqqutitsineq pillugu unnerluunneqarluni, unnerluussuteqarnissamut piffissaliussaq unitsinneqassaaq. Inatsisitigut pisinnaatitaasup pisussaataitaasullu akisussaanera pillugu, eqqartuussisarnermik inatsimmi § 135 malillugu inatsisitigut pisinnaatitaasoq pisussaataitaasorlu sinnerlugu inummut nalunaarutiginninnernik tigusisinnaasumut, unnerluussuteqarnissamut piffissaliussaq unitsitsineqarsinnaavoq.«

2. § 22, *imm.* 5-*imi*, : »aamma 6« peerneqassaaq.

3. § 88 a-p kingorna ilanngunneqassaaq:

»§ 88 b. Periaaseq, inuup allap eqqissisimaneranik innarliinissamut naleqquttoq atorlugu, systematiskiusumik aamma pineqartumik ataavartumik attaveqarfiginnittoq, malersuisoq imaluunniit allakkuut nakkarsaasoq, malersuisutut eqqartuunneqassaaq.«

4. § 95-p kingorna ilanngunneqassaaq:

»§ 95 a. Inuk pisinnaatitaanani kinaassutsimik atornerluisutut eqqartuunneqassaaq ima pisoqartillugu

- 1) inuk alla pillugu paasissutissanik atuisoq, matumani cpr-normu, ateq aamma asseq ilanngullugit atuilluni pissuserinnerunngitsumik taanaasuusaartoq imaluunniit
- 2) atortussanik ingerlatitseqqittoq, tassani inuk alla pillugu paasissutissat atorpeqarsimallutik, matumani cpr-normu, ateq aamma asseq ilanngullugit atuilluni pissuserinnerunngitsumik inuup taassuma pissusaa pillugu ukapaatitsiniarluni.«

5. § 99, imm. 5 aamma 6, atorunnaarsinneqassapput taarsiulluguli ilanngunneqassaaq:

»Imm. 5. Nikanarsaaneq pillugu unnerluussut tunngavissaqanngippat, eqqunngitsuliorfigineqartup piumasaqaataa malillugu eqqartuussutip naanerani tamanna pillugu oqaaseqaat ilanngunneqassaaq.«

Tamatuma kingorna imm. 6 imm. 7-inngussaaq.

6. § 99 kingorna ilanngunneqassaaq:

»§ 99 a. §§ 94-imik, 95 a-mik aamma 99-imik unioqqutitsinermi eqqartuussummi, oqaaseqaat, nalunaarut imaluunniit asseq il.il., tamanna ajornanngippat, nunguterneqassasoq, tamatuma peqatigisaanik aalajangerneqarsinnaavoq.

Imm. 2. Imm. 1 malillugu pisussaaffik, unioqqutitsinermik eqqartuunneqartup pisussaaffigaa. Taassuma oqaaseqaat, nalunaarut imaluunniit asseq atorsinnaanngippagu, taamatut atuisinnaasumut pisussaaffik pisussaaffinngortinneqarsinnaavoq.«

7. § 160-ip kingorna ilanngunneqassaaq:

»§ 160 a. Inunnut, § 157 malillugu aalajangiinerup malitsigisaanik napparsimavimmi unitsinneqarsimasunut imaluunniit paaqqinniffimmi allami inissinneqarsimasunut, anisinnaatitaanermik il.il. akuersissuteqarnissaq pillugu Naalakkersuisut, social- aamma boligministeri kiisalu indenrigs- og sundhedsministeri isumaqatiginniarfigereerlugit, inatsiseqarnermut ministeri malittarisassanik aalajangersaasinnaavoq. Anisinnaatitaaneq il.il. pillugit akuersissutit nalunaarutigineqarnissaannut utertinneqarnissaannullu piginnaasaqarnerup, tarnikkut napparsimasunut katsorsaavinni nakorsaanermut, aamma social service pillugu inatsimmi § 108 malillugu najugaqarfinni, kommuninit, nunap ilaanit aamma namminersortunit ingerlanneqartuni, aqutsisumut aamma aqutsisup sinniisaanut, suliassiissutigineqarsinnaanera pillugu, tassunga atatillugu

Inatsiseqarnermut ministeri malittarisassanik aalajangersaasinnaavoq. Malittarisassat taakku malillugit aalajangiinerit, allaffissornikkut oqartussaasumut qaffasinnerusumut saqqummiunneqarsinnaannginnerat, inatsiseqarnermut ministerip tassunga atatillugu aammattaaq aalajangersinnaavaa.«

8. § 262, imm. 2, atorunnaarsinneqassaaq.

Tamatuma kingorna imm. 3 imm. 2-nngussaaq.

§ 2

Inatsimmik allanngorneri ilanngullugit nalunaarutiginninneq nr. 1186, 18. september 2023-immersoq, kingusinnerpaamik inatsisikkut nr. 411-ikkut, 23. april 2024-imeersukkut allanngortinneqartoq, malillugu Kalaallit Nunaanni eqqartuussisarnermik inatsimmi allannguinerit tulluuttut suliarineqassapput:

1. § 301, nr. 2-mi, »peqatigiiffimmik imaluunniit« ima allanngortinneqassaaq: »peqatigiiffimmik,«.

2. § 301, nr. 3-mi, »kingornussisinnaassusermik. « ima allanngortinneqassaaq: »kingornussisinnaassusermik imaluunniit«.

3. § 301-imi nr. 4-tut ilanngunneqassaaq

4) Nikanarsaanerit tamanut ammasumik unnerluussutigineqarpata, pinerluttulerinermi inatsimmi § 99, imm. 5 malillugu atortussaajunnaartitsineq, imaluunniit pinerluttulerinermi inatsimmi § 99 a malillugu peqqussuteqarneq.«

4. § 336 b, imm. 1, oqaaseqatigiinni siullerni, »nakuusernemi,« kingorna ilanngunneqassaaq: »malersuinemi,«.

5. § 340 a, imm. 1, nr. 2, litra b-mi, »imaluunniit § 88 a« ima allanngortinneqassaaq: »§ 88 a imaluunniit § 88 b«.

6. § 361, imm. 4-imi oqaaseqatigiinni siullerni, »malittarisassiorsinnaavoq«-p siuliani: »Naalakkersuisut, social-aamma boligministeri kiisalu indenrigs- aamma sundhedsministeri isumaqatigiinniarfigereerlugit« ilanngunneqassaaq.

7. § 436 imm. 6-itut ilanngunneqassaaq:

»Imm. 6. Tamanna allakkut isummerfigineqarsimanngippat, imm. 3 malillugu inunnut, § napparsimavimmi unitsinneqarsimasunut il.il., anisinnaatitaanermik il.il. akuersissuteqarnissaq pillugu Naalakkersuisut, social- aamma boligministeri kiisalu indenrigs- og sundhedsministeri isumaqatiginniarfigereerlugit, Inatsiseqarnermut ministeri malittarisassanik aalajangersaasinnaavoq. Malittarisassat taakku malillugit aalajangiinerit, allaffissornikkut oqartussaasumut qaffasinnerusumut saqqummiunneqarsinnaannginnerat, inatsiseqarnermut ministerip tassunga atatillugu aammattaaq aalajangersinnaavaa.«

§ 3

Inatsit ulloq 1. juli 2025 atuutilersinneqassaaq.

MISSINGIUT

Inatsisissatut siunnersuummut oqaaseqaatit

Oqaaseqaatit nalinginnaasut

Imarisai

<u>1. Aallaqqaasiut</u>	8
<u>2. Inatsisissatut siunnersuummi immikkoortut pingaarnert</u>	11
<u>2.1. Pinerluttulerinermi inatsimmi malersuineq pillugu immikkut ittumik aalajangersagaq</u>	11
<u>2.1.1. Inatsisit atuuttut</u>	11
<u>2.1.2. Inatsiseqarnermut ministereqarfiup isumaliutiginninneri</u>	12
<u>2.1.3. Aaqqissuussineq siunnersuutigineqartoq</u>	14
<u>2.2. Pinerluttulerinermik suliamik suliarinninnermi malersorneqarnermik eqqugaasut pitsaanerusumik illersugaanerat</u>	16
<u>2.2.1. Inatsisit atuuttut</u>	16
<u>2.2.1.1. Illersuisumik ivertitsineq</u>	16
<u>2.2.1.2. Iliuuseqartup iperagaanera isertitsivimmillu aninera pillugit nalunaarutiginninneq</u>	17
<u>2.2.1.3. Video atorlugu killisiuinissamik periarfissaq</u>	18
<u>2.2.2. Inatsiseqarnermut ministereqarfiup isumaliutiginninneri</u>	19
<u>2.2.3. Aaqqissuussineq siunnersuutigineqartoq</u>	20
<u>2.3. Kinaassutisimik atornerluinerup pinerluutinngortinneqarnera</u>	22
<u>2.3.1. Inatsisit atuuttut</u>	22
<u>2.3.1.1. Inunnik paasissutissanik suliarinnittarneq pillugu inatsit</u>	23
<u>2.3.1.2. Pilersitseqqaartutut pisinnaatitaaneq pillugu inatsit</u>	24
<u>2.3.1.3. Tuniniaanissamik nittarsaassineq aamma nalunaaqutsersuisarneq pillugu Inatsisartut inatsisaat (tuniniaanissamik nittarsaassisarnermut inatsit)</u>	24
<u>2.3.1.4. Radiumi tv-milu pilerisaarutit aallakaatitassianilu aningaasalersuisarnerit pillugit Namminersornerullutik Oqartussat nalunaarutaat (piseqqusaarut pillugu nalunaarut)</u>	25
<u>2.3.2. Inatsiseqarnermut ministereqarfiup isumaliutiginninneri</u>	25
<u>2.3.3. Aaqqissuussineq siunnersuutigineqartoq</u>	26

MISSINGIUT

<u>2.4. Oqaaseqaatit, nalunaarutit assit il.il. nunguterneqartarnerat</u>	27
<u>2.4.1. Inatsisiti atuuttut</u>	27
<u>2.4.2. Straffelovråd-ip (Pillaasarnermik inatsit pillugit isumalioqatigiissitat) isumaliutiginninnerat</u>	28
<u>2.4.3. Inatsiseqarnermut ministereqarfiup isumaliutiginninneri aamma inatsisissatut siunnersuutip ilusilersorneqarnera</u>	31
<u>2.5. Unnerluussinissamut piffissaliussap unitsinneqarnerata ilusaa</u>	31
<u>2.5.1. Inatsisiti atuuttut</u>	31
<u>2.5.2. Brydesholt-ip ataatsimiititaliaata isumaliutiginninneri</u>	33
<u>2.5.3. Straffelovråd-ip (Pillaasarnermik inatsit pillugit isumalioqatigiissitat) isumaliutiginninneri</u>	35
<u>2.5.4. Inatsiseqarnermut ministereqarfiup isumaliutiginninneri aamma aaqquissuussineq siunnersuutigineqartoq</u>	36
<u>2.6. Nikanarsaaneq pillugu eqqartuussutip tamanut saqqummiunneqarnerani aningaasartuutunut aningaasat amerlassusaannut takussutissiat atuuttuujunnaarsinneqartarnerat aamma aalajangersarneqartarnerat</u>	36
<u>2.6.1. Inatsisiti atuuttut</u>	36
<u>2.6.2. Straffelovråd-ip (Pillaasarnermik inatsit pillugit isumalioqatigiissitat) isumaliutiginninneri</u>	36
<u>2.6.3. Inatsiseqarnermut ministereqarfiup isumaliutiginninneri aaqquissuussinerlu siunnersuutigineqartoq</u>	38
<u>2.7. Pinerluttulerinermi inatsisip aamma eqqartuussisarnermik inatsisip malitsigisaanik eqqartuussiviit aalajangiineri malillugit inunnut napparsimavimmi il.il. inissinneqarsimasunut anisinnaaneri il.il. pillugit piginnaatitsissutit pillugit malittarisassanik aalajangersaasinnaaneri pilersinneqarnerat</u>	39
<u>2.7.1. Inatsisiti atuuttut</u>	39
<u>2.7.2. Inatsiseqarnermut ministereqarfiup isumaliutiginninneri aamma aaqquissuussineq siunnersuutigineqartoq</u>	43
<u>3. Pisortanut aningaasaqarnikkut kingunissaa aamma atortuulersitsinermut kingunissaa</u>	46
<u>4. Inuussutissarsiornermut il.il. aningaasaqarnikkut allaffissornikkullu kingunissaa</u>	47
<u>5. Innuttaasunut allaffissornikkut kingunissaa</u>	47
<u>6. Silaannaap pissusaanut kingunissaa</u>	47

MISSINGIUT

<u>7. Avatangiisinut- pinngortitamullu kingunissaa</u>	47
<u>8. EU-mi inatsisitigut tunngassuteqartut</u>	47
<u>9. Oqartussat suleqatigiiffiillu il.il. tusarniaaffigineqartut</u>	47
<u>10. Immersugaq eqikkaaffiusoq</u>	48

MISSINGIUT

1. Aallaqqaasiut

Kalaallit Nunaanni qallunaat suliassaqaarfittut akisussaaffigisaasa Naalakkersuisut peqatigalugit ineriartortinneqarnissaat naalakkersuisut kissaatigaat. Kalaallit Nunaanni qallunaat suliassaqaarfittut akisussaaffigisaasa, Danmarkimi Kalaallillu Nunaanni pissutsit assigiinngitsuunerat ataqqillugit, Danmarkimi tamanut atugassianik malinninnissaat, naalakkersuisut Kalaallit Nunaat peqatigalugu sulissutiginiarpaat. Tassunga qallunaat suliassaqaarfittut akisussaaffigisaasa nutarterneqarnissat, naalakkersuisut pingaarnersiuiinermi ingerlaavartumik pingaartinniarpaat.

Tamatumunnga atatillugu, Naalakkersuisut kissaateqarnerisigut, Inatsiseqarnermut ministereqarfiup inatsisissatut siunnersuut manna suliarisimavaat, siunnersuutillu malersuineq akiorniarlugu suliniutit patajaallisaavigissavaa, kinaassutsimik atornerluinerup pinerluutinngortinneqarnissaa naammassissallugu aamma unnerluussutit unitsinneqartarnerannut piffissaliussat pillugit malittarisassat piuminarsassallugit.

Teknikkilerinermik ineriartornerup malitsigisaanik periaatsit nutaat pilersinneqarsimapput, taakkulu atorlugit iliuuseqartut eqqugaasut sakkortuumik malersorsinnaavaat nakkarsarsinnaallugillu, taamaaliorfigineqarnerlu eqqugaasunut timikkut tarnikkullu annertuumik kinguneqarsinnaavoq. Tamatuma saniatigut inuiaqatigiinni digitalinngortitsinerujartornerup malitsigisaanik, kinaassutsimik atornerluinissamat aarlerinaatip annertunerulernera pilersimavoq, taannalu aningaasatigut iluanaarniarneq eqqarsaatigalugu tamatigut pineq ajorpoq, kisianni inummut, kinaassutsiminik atornerluiffigitittumut taamaakkaluartoq innarlerneqartutut misigineqarsinnaalluni. Taamaammat, taama tulleriillutik, malersuineq aamma kinaassutsimik atornerluineq, pillugit pinerluttulerinermi inatsimmi immikkut ittunik aalajangersakkanik ilanngussisoqarnissaa Inatsiseqarnermut ministereqarfiup Naalakkersuisullu isumaat malillugu pisariaqartinneqarpoq.

Tamanna tunngavigalugu pinerluttulerinermi inatsimmi aamma eqqartuussisarnermik inatsimmi allannguinerit tulluuttut siunnersuutigineqarput:

Pinerluttulerinermi inatsimmi malersuineq pillugu immikkut ittunik aalajangersakkamik ilanngussisoqarnissaa *siullertut* siunnersuutigineqarpoq, taassumalu, naak siulingaani qanilleqqusinnginneq, najugaqataasinnaannginneq imaluunniit anisitsisarneq

MISSINGIUT

naalakkiutigineqarsimanngikkaluartoq, iliuuseqartup malersuisutut eqqartuunneqarsinnaanissaa qulakkiissavaa.

Pinerluttulerinermi inatsimmi eqqissisimanermik akornusiinerit nikanarsaanerillu pillugit kapitalimi aalajangersakkamik nutaamik ilanngussisoqarnissaa *aappaattut* siunnersuutigineqarpoq, taassumalu inuup pisinnaatitaanani paasissutissanik, matumani cpr-normumik, atermik aamma assimik atuinera, ileqqorissaarneq malinnagu allaasuusaarnera imaluunniit atortussanik pisinnaatitaanani ingerlatitseqqinnera, tassani paasissutissat taamaattut ileqqorissaarneq malinnagu inuup allap tamanut saqqumineranik uukapaatitsiniutiginninnera, pinerluutinngortissavaa. Kinaassutsimik atornerluinermut inerteqquteqarneq nalinginnaasumik atuutissasoq siunnersuutigineqarpoq, imaappoq atornerluineq internettip iluani avataani pitillugu atuutissalluni.

Pinerluttulerinermi inatsimmi oqaaseqaatit, nalunaarutit imaluunniit assit, inatsimmi §§ 94-imik aamma 99-imik unioqqutitsinernut attuumassuteqartut kiisalu oqaaseqaatit taakku il.il. tikinneqarsinnaanerisa ingerlateqqinneqarsinnaanerisalu akornuserneqarnissaat siunertaralugu § 95 a-tut aalajangersagassatut siunnersuutigineqartumut attuumassuteqartut, nunguterneqartarnerat pillugit § 99 a-mi nutaamik aalajangersakkamik ilanngussisoqarnissaa *pingajuattut* siunnersuutigineqarpoq.

Malersorneqarneq pillugu suliani eqqunngitsuliorfigineqartut eqqartuussisarnermik inatsimmi § 333 malillugu illersuisumik, soorlu assersuutigalugu nakuuserneq pillugu suliani pisartut peqatigisaannik, ivertitsivigineqarnissaat, *sisamaattut* siunnersuutigineqarpoq.

Malersuineramik suliani iliuuseqartup iperagaanerani anineranilu noqqaassuteqarneq malillugu eqqunngitsuliorfigineqartup kalerrinneqarnissamik pisinnaatitaanissaa, *tallimaattut* siunnersuutigineqarpoq.

Malersuineq pillugu suliami, tassani pasineqartoq aamma meeqqap qaniginerpaasarippagu, meeraq imaluunniit meeqqap qaniginerpaasaa eqqunngitsuliorfigineqarsimappat, meeqqat 15-it inorlugit ukiullit video atorlugu killisiorneqartarnissaannut periarfissiinissaq, *arferngattut* siunnersuutigineqarpoq.

Unnerluussuteqarnissamut piffissaliussat unitsinneqartarnerat pillugu pinerluttulerinermi inatsimmi aalajangersakkap allanngortinneqarnissaa, *arfineq aappattut* siunnersuutigineqarpoq, taamaalilluni pinerluttulerinermi inatsimmi § 21, imm. 5-imi aalajangersagaq malillugu ullumikkut

MISSINGIUT

oqartussaasut allat assigalugit unnerluussisussaataasut politiillu piffissaliussap unitsinneqarnissaanut piuminartumik suleriaaseqalissammata.

Qallunaat pillaaasarnermik inatsisaanni immikkoortuni taakkunani allannguinerit sisamat, pillaaasarnermik inatsit pillugu inatsimmi (Pisoqalisootitsisarneq, peqquserluttuliorlutik pillaatisianik atuisut pillarneqartarnerisa sakkortusineqarnerat il.il.) nr. 364-imi, 25. maj 2005-imeersumi, ilaatigullu pillaaasarnermik inatsisip, eqqartuussisarnermik inatsisip, taarsiissuteqarnissamut akisussaaffeqarneq pillugu inatsisip aamma tusagassiuissarnermi akisussaassuseqarneq pillugu inatsisip (Eqqissisimanermik akornusiinerit nikanarsaanerillu il.il.), nr. 1719-imi, 27. december 2018-imeersumi, ilaatigullu pillaaasarnermik inatsisip, eqqartuussisarnermik inatsisip aamma qanilleqqusinnginneq, najugaqataasinnaannginneq aamma anisitsisarneq pillugit inatsisip (Malersuineq akiorniarlugu suliniutit patajaallisaavigineqarnerat) nr. 2600-imi, 28. december 2021-imeersumi, ilaatigullu pillaaasarnermik inatsisip allanngortinneqarnera pillugu inatsisimmi nr. 292, 8. marts 2022-imeersumi (Kinaassutsimik atornerluinerup pinerluutinngortinneqarnera) allannguutit, inatsisissatut siunnersuummi tunngavigineqarput. Pisoqalisootitsisarneq pillugu inatsiseqartitsineq pillugu apeqqutit pillugit, Straffelovråd-ip (Pillaasarnermik inatsit pillugu siunnersuisoqatigiit) isumaliutissiissutaanik nr. 1441/2004-imeersumik, kiisalu immikkut ittumik inatsisit il.il. unioqqutinneqarneranni pillarneqarnissamik akisussaaffeqarnerup pisoqalisootinneqartarnera pillugu aningaasatigut pinerluttuliortarneq aamma paasissutissat pillugit pinerluttuliortarneq pillugit Inatsiseqarnermut ministereqarfiup ataatsimiititaliaata (Brydensholt-ip ataatsimiititaliaata) eqqissisimanermik akornusiinerit nikanarsaanerillu (il.il.) pillugit isumaliutissiissutaanik nr. 1438/2004-meersumik, 2005-imi inatsimmik allannguneq tunngaveqarpoq. Eqqissisimanermik akorsiinerit nikanarsaanerillu pillugit Pillaasarnermik inatsit pillugu isiunnersuisoqatigiit isumaliutissiissutaannit nr. 1563/2017-imit, 2018-imi inatsimmik allannguneq tunngaveqarpoq

Inatsisissatut siunnersuutip saniatigut, qanilleqqusinnginneq, najugaqataasinnaannginneq aamma anisitsisarneq pillugit inatsisip Kalaallit Nunaannut atuutilersinneqarnissaa pillugu peqqussutip, pinerluttulerineq pillugu inatsiseqartitsineq malillugu malersuineq pillugu illersuinerimik imaqartup, nutarterneqarnissaata Inatsiseqarnermut ministereqarfiup aamma aallarnerniarpaa.

Tamatuma saniatigut, pinerluttulerinerimmi inatsit aamma eqqartuussisarnermik inatsit malillugit eqqartuussiviit aalajangiineri

malillugit inunnut napparsimavimmi imaluunniit paaqqinniffimmi inissinneqarsimasunut anisinnaatitaaneq il.il. pillugit allaffissornikkut malittarisassanik aalajangersaasinnaanermut piginnaatitaanerit pisariaqartinneqartut pilersinneqarnissaat siunertaralugu pinerluttulerinermi inatsimmi aamma eqqartuussisarnermik inatsimmi allannguutinik suliaqartoqarnissaa, *arfineq pingajuattut* siunnersuutigineqarpoq.

2. Inatsisissatut siunnersuummi immikkoortut pingaarnerit

2.1. Pinerluttulerinermi inatsimmi malersuineq pillugu immikkut ittumik aalajangersagaq

2.1.1. Inatsisit atuuttut

Malersuineq pillugu pinerluttulerinermi inatsit ullumikkut immikkut ittumik aalajangersakkamik imaqaangilaq.

Kisianni pinerluttulerinermi inatsit aalajangersakkanik allanik arlalinnik imaqarpoq, taakkunanilu kissaatiginngisamik atassuteqarfigineqarnek, malersugaaneq imaluunniit nakkarsarneqarnek ilaatinneqarput.

Inuk inoqutigiinni allap akuuffigisaani ilaasoq qanittumilluunniit attuumassuteqartoq imaluunniit siusinnerusukkut inoqutigiinnut taakkununga taamatut attuumassuteqarsimasoq, aamma piffissap ingerlanerani uteqqiattumik, allamut pineqartumut assuarnartumik aqutsissutitut naleqquttunik, ingasattumik nikassaanermik, ajortumik pinninnermik imaluunniit kannguttaatsuliornermik pissusilersortoq, matumani naqisimanninnikkut, pinngitsaaliinikkut imaluunniit nakuusernikkut nammineq inuuneqarnissamut siunissarlu pillugu nammineq aalajangiisinnaanissamut killilersuineq ilanngullugit, pinerluttulerinermi § 88 a malillugu tarnikkut nakuusersimasutut eqqartuunneqassaaq.

Aammattaaq siorasaarisutut kinaluunniit inummut allamut taassuma allalluunniit inuunerata, peqqissusaata, atugarissaarnissaataluunniit ajoquserneqarnissaanik annilaangatitserujussuartumik iliuuseqarluni pinerluuteqarniarluni sioorasaarisoq eqqartuunneqassasoq, k pinerluttulerinermi inatsimmi § 98, imm. 1-imi takuneqarsinnaavoq.

Qanilleqqusinnginneq, najugaqataasinnaannginneq aamma anisitsisarnek pillugit inatsimmi (qanilleqqusinnginneq pillugu inatsimmi) nr. 112, 3. februar 2012-imeersumi, kunngip peqqussutaatigut nr. 250-ikkut, 20. marts 2017-imeersukkut Kalaallit Nunaannut atuutilersinneqartukkut aamma inatsisikkut nr. 572-ikkut, 10. maj 2022-imeersukkut allanngortinneqartumi, tamanna qanilleqqusinnginnermut, najugaqataasinnaannginnermut

MISSINGIUT

imaluunniit anisitaanermut atatillugu pisimappat, malersuineq annertujaartumik aammattaaq pinerluutinngortinneqarpoq.

Inuk, § 1 malillugu qanilleqqusaanngitsoq, § 3 malillugu najugaqataasinnaajunnaarsinneqartoq imaluunniit § 7 malillugu anisitaasoq, tassannga siunertaqarluni unioqqutitsisoq, pinerluttulerinermi inatsit malillugu pineqaatissinneqassasoq, qanilleqqusinnginneq pillugu inatsimmi § 21, imm. 1-imi taamaalilluni takuneqarsinnaavoq.

2.1.2. Inatsiseqarnermut ministereqarfiup isumaliutiginninneri

Malersuineq tarnikkut, timikkut aamma inooqatigiinnermi eqqugaasut inuunerannut ulluinnaanullu annertulluinnartumik kinguneqarsinnaavoq. Taamaammat malersuineq akiorniarlugu suliniutit nalinginnaasumik patajaallisaavigineqarnissaat pisariaqartinneqarpoq.

Malersuineq qanilleqqusinnginneq pillugu inatsimmi § 21, imm. 1-imi annertujaartumik pinerluutinngortinneqarpoq. Taamaattoq pisuni, taakkunani iliuuseqartoq qanilleqqusinnginnermik, najugaqataasinnaannginnermik imaluunniit anisitaanissamik siusinnerusukkut nalunarfigineqarsimappat, aalajangersagaq taamaallaat atorneqartarpoq.

Teknikkilerinermi ineriartornerup malitsigisaanik kisianni periaatsit nutaat pilersinneqarsimapput, tamatumuuna iliuuseqartut eqqugaasunik sakkortuumik malersuisinnaalerlutik nakkarsaasinnaalerlutillu. Ingammik inoqatinut attaveqaatinik atuinerup annertunerulernerata malersueriaatsit nutaat periarfississimavaat, ilaatigut ilisarititsissutit eqqunngitsut atorlugit, aamma digitaliusumik malersuineq taamaattoq eqqugaasumut sakkortulluinnarsinnaavoq ajoqusersuisinnaallunilu.

Malersuinerup malittarisassat atuuttut naammattumik pinerluttulerineq pillugu inatsiseqartitsinermi sunniuteqarluartumik illersuinngitsut, soorlu aamma pinerluttuliornerup ilungersunassusaanik ersersitsinngitsut, Inatsiseqarnermut ministereqarfik isumaqarpoq. Pinerluttulerinermi inatsimmi malersuineq pillugu immikkut ittumik pinerluttunngortitsineq, sioqqutsisumik qanilleqqusinnginnermik il.il. piumasaaqatitaqanngitsoq, eqqugaasunut iliuuseqartunullu, malersuinerup ilungersunartumik pinerluutaanerani pingaarutilimmik nalunaarutiginnissasoq, taamaalilluni Inatsiseqarnermut ministereqarfik isumaqarpoq.

Malersuineq akiorniarlugu pinerluttulerineq pillugu inatsiseqartitsinermi illersuinerup patajaallisarneqarnissaa pisariaqartinneqartoq, tassani

MISSINGIUT

eqqugaasoq qitiutinneqassalluni, Inatsiseqarnermut ministereqarfik isumaqarpoq.

2011-imi Danmarkimi qanilleqqusinnginneq, najugaqataasinnaannginneq aamma anisitsisarneq pillugit inatsisip ilusilersorneqarneranut atatillugu pillaaasarnermik inatsimmi immikkut ittumik malersuineq pillugu aalajangersakkamik, sioqqutsisumik qanilleqqusinnginnermik il.il. piumasaqaatitaqanngitsumik, ilanngussisoqarnissaa isumaliortersuutigineqarsimammat, Inatsiseqarnermut ministereqarfiup tassunga atatillugu malugeqqaa. Qanilleqqusinnginneq, najugaqataasinnaannginneq aamma anisitsisarneq pillugit isumaliutissiisummini nr. 1526/2011-imi, qupperneq 99-imi siumullu, qanilleqqusinnginneq pillugu inatsimmi massakut aaqqissuussineq Pillaasarneq pillugu inatsiseqartitsineq pillugu ataatsimiititaliap innersuussutigaa, tassami taanna ataatsimiititaliap isumaa malillugu, siusinnerusukkut qanilleqqusaannginneq piumasaqaatiginagu pillaanissamik aalajangersakkamut naleqqiullugu, eqqunngitsuliorfigineqartumik pitsaanerusumik illersuimmat. Pillaammik pillarneqarnissamut naleqqiullugu qanilleqqusinnginnissamik peqqussuteqarnissamut uppernarsaatinut piumasaqaatit appasinnerummata, aamma pillaanissaq pillugu aalajangersakkap ilusilersorneqarnera malillugu inuup pillarneqartussap pissutsinik pillaaassutaasussanik iliuuseqarsimanerminik paasinninnissamik periarfissaqarnissaanut, sioqqutsisumik qanilleqqusinnginnissaq pillugu aaqqissuussineq, tunngaviusumik inatsisitigut isumannaatsuunissamut piumasaqaatinut tulluarnerrummat, matumuuna pillaaasarneq pillugu inatsiseqartitsineq pillugu ataatsimiititaliap ilaatigut pingaartippaa.

Pillaasarnermik inatsimmi § 265-p taamanikkut atuuttup allanngortinneqassaguni allanngortinneqarnissaa pillugu apeqquut pillugu Pillaasarneq pillugu inatsit pillugu siunnersuisoqatigiit nalunaarummi 15. februar 1988-imeersumi, sioqqutsisumik mianersoqqussuteqaqqaarani malersuinerup nakkarsaanerullu pinerluutinngortinneqarnissaat aamma isumaliutersuutigisimagaat, Inatsiseqarnermut ministereqarfiup aammattaaq maluginiarpaa. Sioqqutsisumik mianersoqqussuteqarneq pillaatissiissutaasinnaasunut naleqquttumik killiliisoq, aamma taamaammat qanoq iliornermut pineqartumut pillaatissiinissamut piumasaqaatip akineqarnissaanut tamanna pisariaqartoq, tassunga atatillugu Straffelovråd-i (Pillaasarnermik inatsit pillugu siunnersuisoqatigiit) isumaqarsimavoq.

Qajassuussinerup assinga Kalaallit Nunaanni atuuttoq, Inatsiseqarnermut ministereqarfik isumaqarpoq.

Qanilleqqusinnginneq pillugu inatsit malillugu qanilleqqusinnginnermik, najugaqataasinnaannginnermik imaluunniit anisitsinnermik peqqussuteqarsinnaaneq pillugu massakkut periarfissap attatiinnarneqarnissaa tamanna tunngavigalugu naleqquttuusoq, Inatsiseqarnermut ministereqarfik isumaqarpoq. Qanilleqqusinnginneq pillugu inatsit malillugu inerteqquteqarnermik aaqqissuussineq suli sunniuteqarluartumik sakkusaaq, sakkullu taassuma, taanna pinerluttulerineri inatsimmi, sioqqutsisumik qanilleqqusinnginneq il.il. pillugit piumasaqaatitaqanngitsumik immikkut ittumik malersuineq pillugu aalajangersakkamik ilaneqaruni, inuit malersorneqarnissamut nakkarsarneqarnissamulluunniit illersorneqarnissaannut peqataassasoq sulilu sunniuteqarluarsinnaasoq, Inatsiseqarnermut ministereqarfik taamaalilluni isumaqarpoq. Aaqqissuussinerit taakku marluk – pissutsit erseqqinnerusut apeqqutaatillugit – ataatsikkoortillugit atorneqarsinnaassasut, taama tulleriillutik ingerlatsineq pillugu inatsiseqartitsinikkut aamma pinerluttulerineq pillugu inatsiseqartitsinikkut sammivinni, soorlu aamma taakku aamma imminnut attaveqanngitsumik atorneqarsinnaassasut, assersuutigalugu eqqunngitsuliorfigineqartoq sioqqutsisumik qanilleqqusinnginnissaq il.il. kissaatigissanngippagu, tassunga atatillugu naatsorsuutigineqarpoq.

2.1.3. Aaqqissuussineq siunnersuutigineqartoq

Pinerluttulerineri inatsimmi § 88 b-tut aalajangersakkamik nutaamik ilanngussisoqarnissaa Inatsiseqarnermut ministereqarfiup siunnersuutigaa, tamatumalu kingorna, inuup allap eqqissisimanissaanut naleqquttumik periuseqarluni, systematiskiusumik aamma ataavartumik attaveqartoq, malersuisoq imaluunniit allatut inummik taassuminnga nakkarsaarisooq, malersuisutut eqqartuunneqassaaq.

Iliuseqartup qanoq iliornera eqqunngitsuliorfigineqartup eqqissisimanissaanut innarliinerussasoq, aalajangersagassatut siunnersuummi piumasaqaataavoq. Qanoq iliornerit, nalinginnaasumik eqqissisimanissamut innarliinerussasut, tassunga atatillugu piumasaqaataavoq. Kisianni eqqunngitsuliorfigineqartup pisumi piviusumi tassani innarlerneqartutut misigisimanissaanik piumasaqaatitaqannginnera, aalajangersakkap kinguneraa. Taamaattumik qanoq iliornerup eqqunngitsuliorfigineqartumut tarnikkut assigisaanilluunniit ajoqusiisimanissaa, aalajangersakkap atorneqarnissaanut apeqqutaanngilaq.

Attaveqarneq, malersuineq imaluunniit nakkarsaaneq, eqqunngitsuliorfigineqartup eqqissisimaneranut innarliinnermut naleqquttuunersoq aamma taamaammat aalajangersakkamik

MISSINGIUT

unioqqutitsinertut pissuseqarnersoq, suliami pissutsinik piviusunik ataatsimut naliliinikkut aalajangerneqartussaassaaq.

Suliami ataasiakkaami pineqaatissiinerup aalajangerneqarnissaa, eqqartuussiviup suliami pissutsinik attuumassutilinnik tamanik piviusumik naliliineranik tunngaveqassaaq. Taamaalilluni pineqaatissiinerup aalajangerneqarnissaanut atatillugu, ilaatigut qanoq iliornerup innarliinerusup pissusaa, annertussusaa sivisussusaalu, eqqunngitsuliorfigineqartup iliuuseqartumut atassuteqarnera aamma qanoq iliornerup eqqunngitsuliorfigineqartumut, taamaassappallu taassuma qaniginerpaasaanut, kingunerisai, eqqartuussiviup pingaartissavai.

Unnerluunneqartup siusinnerusukkut malersuisutut imaluunniit qanilleqqusinnginnermik unioqqutitsisimasutut, imaluunniit eqqunngitsuliorfigineqartoq iliuuseqartumut pinngitsaalillugu arlaatigut atassuteqartinneqarsimanera, eqqartuussiviup pineqaatissiisummik aalajangiinerani pissutsitut sukannernerulersitsisut ilaatinneqartariaqarpoq. Iliuuseqartoq eqqunngitsuliorfigineqartup ukiukitsunik meeraanik angajoqqaajunera, imaluunniit eqqunngitsuliorfigineqartup aamma iliuuseqartup suleqatigiinnerat, tassunga assersuutitut taaneqarsinnaapput.

Pineqaatissiisummik qinersinermi aalajangiinermilu, iliuuseqartut ataasiakkaat inuttut atugarisaat, matumani pinerluttulerinermi inatsimmi § 121, imm. 1, nr. 2 malillugu pineqartup pinerluuteqaqqinnginnissaanut pisariaqartinneqartutut naatsorsuutigineqartut ilanngullugit, eqqartuussiviup aammattaaq qajassuutissavai. Kisianni inatsimmik unioqqutitsinerup ingasassusaa, matumani § 121, imm. 1, nr. 1 malillugu iliuutsit pineqartutut ittut akiorneqarneqarnissaannut inuiaqatigiit soqutigisaat ilanngullugit, aamma qajassuunneqassapput.

Qanilleqqusinnginneq, najugaqataasinnaannginneq aamma anisitsisarneq pillugit inatsit kunngip peqqussutaatigut nr. 250-ikkut, 20. marts 2017-imeersukkut, aamma inatsisikkut nr. 572-ikkut, 10. maj 2022-imeersukkut Kalaallit Nunaannut atuutilersinneqarpoq. Qanilleqqusinnginneq, najugaqataasinnaannginneq aamma anisitsisarneq pillugit inatsisip malittarisassai, manna tikillugu periaasiusartut assinginik atorneqartussaasoq, aamma pinerluttulerinermi inatsimmi § 88 b-tut aalajangersagassatut siunnersuutigineqartup unioqqutinneqarnerani aalajangersakkat ataatsimoortillugit eqqartuussisoqarsinnaassasoq naatsorsuutigineqarpoq.

Pinerluttulerinermi inatsimmi § 88 b-tut aalajangersagassatut siunnersuutigineqartoq malillugu politiit unnerluusummik saqqummiussisimappata, qanilleqqusinnginneq pillugu inatsimmi § 15

malillugu ilitersuisussaatitaaneq pillugu eqqunngitsuliorfigineqartup illersorneqarnissaa pillugu politiit eqqarsaatersuuteqarnissamik pissutissaqartut, tassani naatsorsuutigineqarpoq. Pissutsit assigiinngitsut malillugit, taassuma noqqaassuteqarneratigut qanilleqqusinnginneq, najugaqataasinnaannginneq imaluunniit anisitsisarneq pillugit eqqunngitsuliorfigineqartup ilitersorneqarsinnaanissaata naleqquttuusinnaanera, tamatuma kinguneraa.

Aammattaaq inatsisissatut siunnersuummi § 1, nr. 3, tassungalu oqaaseqaatit innersuussutigineqarput.

2.2. Pinerluttulerinermik suliamik suliarinninnermi malersorneqarnermik eqqugaasut pitsaanerusumik illersugaaner

2.2.1. Inatsisit atuuttut

Suliani ilaatigut pinerluttulerinermi inatsimmi, taama tulleriillutik, nakuuserneq aamma tarnikkut nakuuserfigineqarneq pillugit §§ 88-imik aamma 88 a-mik, unioqqutitsinernik tunngassuteqartuni, pinerluttulerinermik suliap pinerluttoqarsimanermik paasiniaaffigineqarnerani aamma suliarineqarnerani, eqqunngitsuliorfigineqartup pisinnaatitaaffii pillugit malittarisassanik arlalinnik, eqqartuussisarnermik inatsit imaqarpoq.

2.2.1.1. Illersuisussamik ivertitsineq

Pinerluttulerinermik suliami eqqunngitsuliorfigineqartumut illersuisumik ivertitsisoqarnissaa pillugu eqqartuussisarnermik inatsimmi § 333 tunngassuteqarpoq. Inatsimmik unioqqutitsineq annikitsumik ilungersunassuseqartutut pissuseqanngippat, imaluunniit illersuisoqartitsineq erseqqissumik pisariaqanngitsutut isigisariaqanngippat, nakuuserneq imaluunniit nakuusernissamik qunusaarineq pineqartillugu, pinerluttulerinermi inatsimmi § 37-imik (pisortat oqartussaatitaanik narrunarsaanermik) unioqqutitsinermik suliani tunngassuteqartuni, § 74-mik (ilaquttatut qanigilluinnakkamik atoqateqarnermik) aamma §§ 77-imiit 81 ilanngullugu unioqqutitsinernik (pinngitsaaliinermik, kinguaassiuutitigut atornerluinermik, kinguaassiuutitigut meeqqamik atoqatiginninnermik, atoqatiginninnissamut saassarinnermik, inuusuttumik akiliilluni atoqateqarnermik), § 84, imm. 1-p (kannguttaatsuliornermik), § 12 (toqutseriarneq) malillugu § 86, imm. 1-imik, §§ 88-imiit 89 ilanngullugu unioqqutitsinerit (nakuuserneq, tarnikkut nakuuserfigineqarneq aamma inuup inuuneranik ilaginnaaneq), § 90, imm. 3-mik (soqutigittaatsumik iliorluni nappaammik toqussutaasinnaasumik nakorsarneqarsinnaanngitsumillu tunillatsittoqarnissaanut navialisitsinermik), § 91-imik (inatsisit

MISSINGIUT

unioqqutillugit pinngitsaaliinermik), § 92-mik (kiffaanngissusiiaanermik), § 93-mik (inunnik nioqquteqarnermik) imaluunniit § 112-imik (ujajaanermik) unioqqutitsinerit pillugit suliani tunngassuteqartuni, inatsisip unioqqutinneqarnerani taassuma noqqaassuteqarneratigut, eqqartuussivik illersuisumik ivertitsissasoq, aalajangersakkap imm. 1-iani takuneqarsinnaavoq. Eqqunngitsuliorfigineqartoq 15-it inorlugit ukioqarpat, suliaq pinerluttulerinermi inatsimmi § 74-imik aamma §§ 77-imiit 81 ilanngullugu unioqqutitsinernik tunngassuteqarpat, eqqunngitsuliorfigineqartoq illersuisumik ivertitsisoqarnissaanik pisinnaatitaavoq.

Eqqunngitsuliorfigineqartumut, imaluunniit pinerluttuliornerup malitsigisaanik eqqunngitsuliorfigineqartoq toqusimappat, eqqunngitsuliorfigineqartup qaniginerpaasaanut illersuisumik ivertitsisoqarsinnaanera pillugu politiit ilitersuissasut, aalajangersakkap imm. 4-aani aammattaaq takuneqarsinnaavoq. Taamatut ilitersuisimaneq suliami saqqumissaaq.

2.2.1.2. Iliuuseqartup iperagaanera isertitsivimmillu aninera pillugit nalunaarutiginninneq

Suliani eqqartuussisarnermik inatsimmik ingasannerusumik unioqqutitsisimaneq pillugu pinerluttulerinermi inatsimmi kapitali 31 malillugu inissiisarfimmi inissiisoqarnissaanik eqqartuussisoqarsimatillugu, tassani nakuuserneq, tarnikkut nakuuserfigineqarneq, qunusaarineq imaluunniit inummut navianaatilimmik pinerluttuliorneq imaluunnit kinguaassiuutitigut pinerluttuliorneq ilaalluni, eqqartuunneqartup ilagineqarani aninissaanut siullermut aamma iperagaanissaanut piffissaq aamma qimaasimappat qimaasimanera pillugu, noqqaassuteqarneq malillugu eqqartuussisarnermik inatsimmi § 336 b, imm. 1-imi oqaaseqatigiit siulliit malillugu eqqunngitsuliorfigineqartoq nalunaarfigineqassaaq. Eqqartuunneqartup eqqartuunneqartinnani tigummigallagaasimanissaa aamma eqqartuussutip nalunaarutigineqarnerani naammassineqarneranilu iperagaasimannginnissaa, aalajangersakkap atorneqarnissaanut piumasaqaataavoq.

Pisuni taamaattuni, aalajangersakkami imm. 1-imi oqaaseqatigiit aappaat malillugu, pinerluuteqartoq pillaatisiamik atuinermi nalaani aamma inissiisarfiup suliassaqarfiani inissiisarfiup ilisimasaqarfigisaanik Kaalaallit Nunaanni aallakaatinneqartussatut sanaartorneqartumi TV-kkut imaluunniit radiokkut aallakaatitassiani peqataappat, tassani pineqartoq pingaarutilimmik atuuffeqarpat, imaluunniit kalaallit aviisianni ullormut saqqummertartumi inuup allaatigineqarnera pillugu apeqqarissaarfigineqarpat,

MISSINGIUT

noqqaassuteqarnikkut eqqunngitsuliorfigineqartoq aammattaaq nalunaarfigineqassaaq. Aalajangersakkami imm. 1-imi oqaaseqatigiit pingajuat malillugu, pisuni taamatut inissiisarfiup suliassa qarfiata avataani TV-kkut radiokkulluunniit aallakaatitassiamik immiussinermi peqataanermi, tassani inissiisarfik aninissamut akuersissuteqarsimalluni aamma taamaaliortoqarnissanut ilisimasaqarluni, tamanna aamma atuuppoq.

Aalajangersakkami imm. 4-imi oqaaseqatigiit sisamaat malillugu, eqqunngitsuliorfigineqartoq toqusimappat, noqqaassuteqarnikkut eqqunngitsuliorfigineqartup qaniginerpaasai nalunaarfigineqassapput. Aalajangersakkami imm. 1-imi oqaaseqatigiit tallimaat malillugu pinerluuteqartumut qajassuussinissat pingaaruteqartutut isigineqarpata, nalunaarutiginninneq itigartinneqarsinnaavoq.

Iliuuseqartoq pinerluttulerineri inatsimmi § 157 malillugu tarnimikkut nappaateqarlutik iliuuseqartunut immikkut ittumik pineqaatissinneqarnermik eqqartuunneqarsimappat, pinerluttulerineri inatsimmi § 161 malillugu tigummigallagassanngorlugu eqqartuunneqarsimappat imaluunniit aalajangersakkami imm. 2 malillugu malittarisassat siusinnerusukkat atuuttut malillugit eqqarsartaatsikkut nappaatillit pillugit ilisimasalimmit aqunneqartumi Danmarkimi pinerluttunik isumaginnittut inissiisarfianni inissinneqartussatut eqqartuunneqarsimappat, imm. 1-imi malittarisassat taamatuttaaq atuutissapput.

Eqqartuussisarnermik inatsimmi § 336 b, imm. 3 malillugu, nalunaarutiginninnissaq pillugu aaqquussinermit malittarisassanik erseqqinnerusunik inatsiseqarnermit ministeri aalajangersaasinnaavoq, tamannalu aneernermi iperagaanermilu il.il. kiisalu TV-kkut radiokkullu aallakaatitsinermi ilisaritinneqarlunilu oqaloqatigineqarni nalunaaruteqartarnissamik Kalaallit Nunaannut nalunaarummi nr. 1560-imi, 19. december 2022-imeersumi pisimavoq.

2.2.1.3. Video atorlugu killisiuinissamik periarfissaq

Ima pisoqartillugu 1) inuk 13-it inorlugit ukioqarpat, 2) inuk 15-it inorlugit ukioqarpat, aamma pinerluttoqarsimaneramik paasiniaaneq a) pinerluttulerineri inatsimmi § 74-imik (ilaquttatut qanigilluinnakkamik atoqateqarneq) imaluunniit kapitali 18-imik (kinguaassiuutitigut pinerluttuliornerit), imaluunniit b) pinerluttulerineri inatsimmi § 86, imm. 1-imik (toqutsineq), § 88-imi oqaaseqatigiinnik siullernik (nakuuserneq) imaluunniit § 88 a-mik (tarnikkut nakuuserfigineqarneq) unioqqutitsinernek tunngassuteqarpat, tassani inuk imaluunniit taassuma qaniginerpaasaa

MISSINGIUT

eqqunngitsuliorfigineqarluni, aamma inuk, pasisaasoq, tassaalluni inuup qaniginerpaasaasa ilaat, eqqartuussisarnermik inatsimmi § 467 a (video atorlugu killisiuineq) malillugu immiussap pingaarnertut isumaqatigiinniarnermi uppersaatitut atorneqarnissaa siunertaralugu, inummik politiit killisiuinerat videokkut immiunneqarsinnaasoq, eqqartuussisarnermik inatsimmi § 340 a-p malitsigaa. Video atorlugu killisiuineq aammattaaq ima pisoqartillugu pisinnaavoq, 3) inuk 18-it inorlugit ukioqarpat, aamma pissutsit immikkut ittut video atorlugu killisiuinissaq pissutissaqartippagu, imaluunniit 4) inuk 18-inik qaangerlugilluunniit ukioqarpat aamma taassuma saniatigut ilungersunartumik tarnikkut nappaateqarpat imaluunniit annertuumik pisinnaanermigut killegarpat, aamma pissutsit immikkut ittut video atorlugu killisiuinissaq pissutissaqartippagu.

Eqqartuussisarnermik inatsimmi § 340 a, imm. 2 malillugu killisiuinermit illersuisoq najuutissaaq. Aalajangersakkami imm. 3 malillugu, kisianni inuup pasineqartup, video atorlugu killisiuineq najuuffigisinnaanngilaa. Taamaattoq pineqartoq illersuisuni peqatigalugu video atorlugu immiussamik piaarnerpaamik misissuisinnaassaaq. Inuup killisiorneqartup killisioqqinneqarnissaa pillugu pasineqartumit imaluunniit taassuma illersuisuanit piumasaqarneq, tamatuma kingorna sapinngisamik piaarnerpaamik saqqummiunneqassaaq.

Aalajangersakkami imm. 4 malillugu, video atorlugu killisiuinerup pingaarnertut isumaqatigiinniarnermi atorneqarnissaa pasineqartup, imaluunniit illersuisup, akerliliiffigissappagu, pineqartup video atorlugu killisiuinerup kingorna kingusinnerpaamik sapaatit akunneri 4 qaangiutsinnagit apeqqut eqqartuussivimmut saqqummiutissavaa. Piffissamik qaangiineq isumakkeerfigineqarsinnaasutut isigineqarpat, piffissaliussap qaangerneqarsimanera eqqartuussiviup isiginiannngitsuusaarsinnaavaa,

2.2.2. Inatsiseqarnermut ministereqarfiup isumaliutiginninneri

Qulaani imm. 2.1.3-mi takuneqarsinnaasutut, malersuineq pillugu pinerluttulerinermi inatsimmi § 88 b-mi aalajangersakkamik nutaamik ilanngussisoqarnissaa, inatsisissatut siunnersuutikkut siunnersuutigineqarpoq.

Pinerluttulerinermi inatsimmi malersuineq pillugu nutaamik aalajangersagaq, malersuineq pillugu pinerluttuliornert pillugit suliani pinerluttoqarsimaneranik paasiniaanerup suliarineqarneratalu nalaani, eqqunngitsuliorfigineqartumut pitsaanerusumik inatsisitigut

inissisimanermik ilaneqartariaqartoq, Inatsiseqarnermut ministereqarfik isumaqarpoq.

Pinerluttulerinermi inatsimmi § 88 b-tut aalajangersagassatut siunnersuutigineqartoq malillugu, malersuineq pillugu suliani – ilaatigut pinerluttulerinermi inatsimmi § 88-imit oqaaseqatigiinnik siullernik unioqqutitsinerit, aamma taama tulleriillutik, nakuuserneq aamma tarnikkut nakuuserfigineqarneq pillugu § 88 a-mik unioqqutitsinernik suliat assigalugit – illersuisussamik ivertitsisoqarnissaa, iliuuseqartup inissiisarfimmit aninera aamma iperagaanera il.il. pillugit aamma pisut ilaanni inuit 15-it inorlugit ukiullit video atorlugu killisiorneqarnerat pillugit eqqunngitsuliorfigineqartumut nalunaaruteqarnissaq pillugu malittarisassanik ilanngussisoqartariaqartoq, taamaammat Inatsiseqarnermut ministereqarfik isumaqarpoq.

2.2.3. Aaqqissuussineq siunnersuutigineqartoq

Malersuineq pillugu suliani eqqunngitsuliorfigineqartoq, assersuutigalugu nakuuserneq pillugu suliani eqqunngitsuliorfigineqartut illersuisoqartinneqartarnerisa assinganik, eqqartuussisarnermik inatsimmi § 333 malillugu illersuisumik ivertitsivigineqassasoq, siunnersuutigineqarpoq. § 88 b-mi aalajangersagassatut siunnersuutigineqartoq, eqqartuussisarnermik inatsisimmi § 333-imi, taassuma pinerluttulerinermi inatsimmi inissinneqareermermi malitsigisaanik, ilaatinneqassaaq.

Eqqartuussisarnermik inatsimmi § 336 b, imm. 1-imi oqaaseqatigiinni siullerni aamma § 340 a, imm. 1, nr. 2, litra b-mi malersuineq pillugu pinerluttulerinermi inatsimmi § 88 b-tut siunnersuutigineqartumut innersuussisoqassasoq siunnersuutigineqarpoq.

Pinerluttulerinermi inatsimmik ingasannerusumik unioqqutitsinermi, tassani malersuineq pinerluttulerinermi inatsimmi § 88 b-tut aalajangersagassatut siunnersuutigineqartoq ilaalluni, kapitali 31 malillugu inissiisarfimmi inissinneqarnissamik eqqartuussisoqarneranut tunngatillugu, tamanna pillugu § 336 b, imm. 1-imi malittarisassat erseqqinnerusut malillugit eqqunngitsuliorfigineqartumut taassumaluunniit qaniginerpaasaanut nalunaarutiginnittoqartassasoq, eqqartuussisarnermik inatsimmi § 336 b, imm. 1-imi oqaaseqatigiit siulliit annertusineqarnissaannut siunnersuutigineqartup kinguneraa. Taamaalilluni, eqqartuunneqartoq eqqartuussut sioqqullugu tigummigallagaasimappat aamma eqqartuussutip nalunaarutigineqarnerata naammassineqarneratalu akornanni iperagaasimangippat, iliuuseqartup siullermeerluni isertitsivimmit aninera iperagaaneralu aamma qimaasimappat, qimaanera pillugu

MISSINGIUT

eqqunngitsuliorfigineqartoq imaluunniit taassuma qaniginerpaasaa, noqqaassuteqarnikkut nalunaarfigineqartussaassapput. Iliuseqartoq pillaammik atuinermi nalaani aamma inissiisarfiup ilisimasaanik inissiisarfiup suliassa qarfianni, tv-kkut imaluunniit radiokkut aallakaatitassiap, Kalaallit Nunaanni aallakaatinneqartussatut suliarineqartup, immiunneqarnerani peqataappat, tassani pineqartoq pingaaruteqartutut inissisimalluni, imaluunniit Kalaallit Nunaanni aviisimi ullormut saqqummertartumi aallaaserineqarluni apeqqarissarfigineqarpat, eqqunngitsuliorfigineqartoq noqqaassuteqarnikkut nalunaarfigineqartussaassasoq, aalajangersakkap annertusineqarnerata aammattaaq kinguneraa. Inissiisarfiup suliassa qarfiata avaataani, tassani inissiisarfik aninissamik akuersissuteqarsimalluni aamma taamaaliortoqarnissaa pillugu ilisimasaqarluni, taamatut tv-kkut radiokkulluunniit aallakaatitassiat immiunneqarneranni peqataa nermit tamassuma assinga aamma atuutissaaq. Iliuseqartumut qajassuussinissat tamanna pissutissaqartippassuk, nalunaarutiginninneq itigartinneqarsinnaavoq.

Inuk imaluunniit taassuma qaniginerpaasaa eqqunngitsuliorfigineqartuuppat aamma inuk, pasisaasoq, inuup qaniginerpaasarippagu, pinerluttulerinermit inatsimmi § 88 b-tut siunnersuutigineqartup unioqqutinneqarnerani pinerluttoqarsimanerani paasiniaaneq pillugu inunnik 15-it inorlugit ukiulinnik video atorlugu killisiuineq suliarineqarsinnaasoq, eqqartuussisarnermik inatsimmi § 340 a, imm. 1, nr. 2, litra b-p annertusineqarnissaanik siunnersuutigineqartup kingunerissavaa.

Eqqunngitsuliorfigineqartumut nalunaarutiginnittarneq aamma video atorlugu killisiuineq pillugit eqqartuussisarnermik inatsimmi aalajangersakkat atorneqarnissaannut suliassa qarfiup annertusineqarnissaanut siunnersuutigineqartutigit, pinerluttulerinermit inatsimmi § 88 b-tut siunnersuutigineqartoq, suliani ilaatigit pinerluttulerinermit inatsimmi § 88-imi oqaaseqatigiinni siullerni, aamma taama tulleriillutik, nakuuserneq aamma tarnikkut nakuuserfigineqarneq pillugit § 88 a malillugu malersuineq pillugu suliani inatsisitigit inissisimanerup assigisaanik, matumuuna eqqunngitsuliorfigineqartut pitsaanerusemik inatsisitigit inissisimalernissaat qulakkeerneqarpoq.

Aalajangersakkat pineqartut malillugit inatsiseqartitsinermit pissutsinik allakkut allannguisoqarnissaa, inatsisissatut siunnersuutikkut siunertarineqanngilaq.

Aammattaaq inatsisissatut siunnersuummi § 2, nr. 4 aamma 5, taakkunungalugu oqaaseqaatit innersuussutigineqarput.

2.3. Kinaassutsimik atornerluinerup pinerluutinngortinneqarnera

2.3.1. Inatsisit atuuttut

Kalaallit Nunaanni eqqartuussisarnermi kinaassutsimik atornerluineq pinerluutinngortinneqanngilaq. Taamaattoq aningaasatigut assigisaanilluunniit iluanaaruteqarnissaq anguniarlugu inuup allap kinaassusaanik atornerluineq pillugu pinerluutinngortitsisunik, pinerluttulerinermi inatsimmi aalajangersakkanik arlalinnik peqarpoq.

Assersuutigalugu pisinnaatitaanani aningaasatigut iluanaaruteqarnissaq siunertaralugu atornerluineq pisimappat, assersuutigalugu allaasuusaarluni aningaasanik attartornermi imaluunniit pisinermi, tassungalu atatillugu eqqunngitsuliorfigineqartumut pisuussutinik annaasaqarnermik kinguneqartunik, peqquserluttuliorneq pillugu pinerluttulerinermi inatsimmi § 104 uani pineqarpoq. Unioqqutitsilluni qarasaasiap programmianut pulanerit imaluunniit allakkat isertuunneqarnerat pillugu unioqqutitsineq pineqarpat, pinerluttulerinermi inatsimmi § 94, nr. 1 aamma 5 aammattaaq uani pineqarput.

Inuup assersuutigalugu inoqatinut attaveqaatini eqqunngitsumik ilisarititsissummik pilersitsineratigut, tassani pineqartoq inuup piviusup kinaassusaa atornerlullugu taannaasuusaarluni, kinaassutsimik atornerluineq aamma pisinnaavoq. Tassunga atatillugu inuup pineqartup inuk alla taanna pillugu paasissutissat ingerlateqqippagit, pissutsit assigiinngitsut malillugit, tamanna inuup allap namminerisamik inuunermi atugai pillugit pisinnaatitaanani nalunaarutinik il.il. ingerlatseqqinneq pillugu pinerluttulerinermi inatsimmi § 95-mik unioqqutitsinerusinnaavoq. Iliuuseqartoq nalunaarutit imaluunniit assit inuup allap namminerisamik atugarisai pillugit pisinnaatitaanani ingerlatitseqqippat imaluunniit allakkut pineqartup assiinik, pissutsini tamanit takuneqartussaannnginnerannik erseqqissumik piumasaqaateqarfigineqarsinnaasuni ingerlatitseqqiffiusuni, pinerluttulerinermi inatsimmi § 95 taamaalilluni atorneqassaaq.

Inuk assersuutigalugu ilisarititsissut taanna atorlugu inuup taassuma isumaginngisaanik isummanik ingasaassisunik isummersortillugu, inuup allap ajortumik saqqummiuppagu, nikanarsaaneq pillugu pinerluttulerinermi inatsimmi § 99-ip unioqqutinneqarnera uani aamma pineqarsinnaavoq.

Allagaatinik uppersaatissanik atornerluineq pillugu pinerluttulerinermi inatsimmi § 61 aamma tillinneq pillugu pinerluttulerinermi § 102 pissutsit assigiinngitsut malillugit aamma naleqquttuusinnaapput, assersuutigalugu siusinnerusukkut allagaatinik uppersaatissanik atornerluinerup imaluunniit tillinnerup tulliusumik kinaassutsimik atornerluinissaq periarfissaalersippagu.

Inuup allap kinaassusaanik atornerluinerit tamarmik kisianni pinerluttulerinermi inatsimmi malittarisassiuunneqanngillat. Assersuutigalugu allaasuusaarneq, inoqatinut attaveqaatini ilisarititsissummik, inuk allaasutut saqqumisumik pilersitsineq, nammini pinerluttulerinermi inatsimmik unioqutitsinerunngilaq.

2.3.1.1. Inunnik paasissutissanik suliarinnittarneq pillugu inatsit
Inunnik paasissutissanik suliarinnittarneq pillugu inatsit (inunnik paasissutissanik suliarinnittarneq pillugu inatsit) kunngip peqqussutaatigut nr. 1238-ikkut, 14. oktober 2016-imeersukkut Kalaallit Nunaannut atuutilersinneqarpoq, taannalu peqqussutikkut nr. 898-ikkut, 26. juni 2023-imeersukkut allannagortinneqarsimavoq.

Inunnik paasissutissanik suliarinnittarnermut inunnik paasissutissanik suliarinnittarnermut inatsit ilaatigut atuuppoq, taakkulu tamakkiisumik ilaannakoortumilluunniit elektroniskiusumik assersuutigalugu qarasaasiakkut internettikkullu paasissutissanik suliarinninnermi, aamma inunnik paasissutissanik elektroniskiunngitsumik suliarinninnermut, nalunaarsuutini imarineqartunik imaluunniit imarineqartussaasunik atuupput.

Inunnik paasissutissanik suliarinnittarneq pillugu inatsimmi § 5-imi inunnik paasissutissanik suliarinnittarnernut tamanut tunngaviusumik piumasaqaatit arlallit aalajangersarneqarput, matumani paasissutissanik suliarinninnermi pitsaasumik ileqqoqarnissamut naapertuuttumik suleriaaseqarnissat ilanngullugu.

Inunnik paasissutissanik suliarinnittarneq pillugu inatsimmi § 6-imi qaqugukkut paasissutissanik nalinginnaasunik qajassuussassaannngitsunik suliarinninnissaq aalajangersarneqarpoq. Inummit paasissutissanut tunngassuteqartumit (inummit nalunaarsorneqarsimasumit) akuersissummik peqqaarluni, imaluunniit inatsisitigut akuerineqartumik soqutigisat inatsimmi § 6, imm. 1, nr. 2-miit 7 ilanngullugu erseqqinnerusumik taaneqartuni minnerpaamik ataatsip qajassunneqarnissaanut pisariaqartinneqarpat, suliarinninneq aatsaat inatsisit malillugit pisinnaasoq, aalajangersakkap ilaatigut malitsigaa. Assersuutigalugu internettikkut ilisarititsissutitut eqqunngitsunut inuup

allap atianik aamma/imaluunniit assianik atorluni pilersitsinermut atatillugu tamanna pisimappat, tamanna aalajangersakkamik unioqutitsinerusinnaassaaq.

Inunnik paasissutissanik suliarinnittarneq pillugu inatsimmi §§ 65 aamma 66 malillugit inunnik paasissutissanik suliarinnittarneq pillugu inatsimmik unioqutitsinermi, pinerluttulerinermi inatsit malillugu pineqaatissiinermik eqqartuussisoqarsinnaavoq.

2.3.1.2. Pilersitseqqaartutut pisinnaatitaaneq pillugu inatsit

Kunngip peqqussutaatigut nr. 1342-ikkut, 11. december 2019-imeersukkut, pilersitseqqaartutut pisinnaatitaaneq pillugu inatsit Kalaallit Nunaanut atuutilersinneqarpoq.

Inuk, pilersitseqqaartutut pisinnaatitaaneq pillugu inatsimmi §§ 1 aamma 2 malillugu, atuakkiamik imaluunniit eqqumiitsuliamik suliaqarsimasoq, suliamut pilersitseqqaartutut pisinnaatitaavoq aamma taamaammat aallaaviatigut taassuminnga kisermaassilluni atuisinnaalluni.

Inatsimmi § 70 malillugu inuk assimik assiliisoq (assiliisoq), assip assimik arlalinngorlugu suliarinissaanut aamma tamanut tikiqqarsinnaasunngortinnissaanut kisermaassilluni atuisinnaavoq. Taamaattoq inatsimmi § 60 malillugu, inuup assinganik inniminnikkamik inniminniisoq akuersiteqqaarnagu, pilersitseqqartoq atuisinnaanngilaq.

Pilersitseqqaartutut pisinnaatitaaneq pillugu inatsimmi § 76 malillugu, inuk piaraaluni imaluunniit ingasattumik mianersuaalliorluni inatsimmi § 2-mik imaluunniit § 70-imik unioqutitsisoq, akiliisitsissummik akileeqqullugu eqqartuunneqassaaq imaluunniit pisut ilaanni, siunertaqarluni aamma immikkut ittumik pissutsit sakkortussuseqartillugit, inissiisarfimmi ukioq 1 aamma qaammatit 6 tikillugit inissinneqarnissamik eqqartuunneqarsinnaalluni.

2.3.1.3. Tuniniaanissamik nittarsaassineq aamma nalunaaqutsersuisarneq pillugu Inatsisartut inatsisaat (tuniniaanissamik nittarsaassisarnermut inatsit)

Inuussutissarsiutillit atuisut qajassuullugit, tuniniaanissamik nittarsaassinermi pitsaasumik ileqqoqarnissaat pillugu, tuniniaanissamik nittarsaassinermut inatsimmi § 3 piunasaqaammik imaqarpoq. Tamanna assersuutigalugu tuniniaanissamik nittarsaassinermi pitsaasumik ileqqoqarnissaaq pillugu malittarisassanut akerliusumik pisinnaatitaanani assimik atuinnermut atatillugu pisinnaavoq. Assimi takuneqarsinnaasunit inunnit akuersissummik taamaaliornissamut akuersissummik

MISSINGIUT

nalunaaruteqartoqarsimatinnagu, taamaalilluni inuit allat assinginik atuinissaq inerteqqutaavoq.

Iliuutsit inatsimmik akerliusut, eqqartuussinikkut inerteqqutigineqarsinnaasut, tuniniaanissamik nittarsaassisarnermut inatsimmi § 38, imm. 1-p malitsigaa.

Tuniniaanissamik nittarsaassisarnermut inatsimmi § 39, imm. 1 malillugu, § 39 malillugu inerteqquteqarnermik unioqqutitsisoq, akiliisitsisummik akileqqullugu eqqartuunneqarsinnaavoq.

2.3.1.4. Radiumi tv-milu pilerisaarutit aallakaatitassianilu aningaasalersuisarnerit pillugit Namminersornerullutik Oqartussat nalunaarutaat (piseqqusaarut pillugu nalunaarut)

Radiomi fjernsynimilu piseqqusaarutini, sioqqutsisumik akuersissut pissarsiarineqarsimatinnagu, inuit, taakku namminerisaminnik imaluunniit pisortatigut piginnaasaqarneri, assilineqassanngitsut imaluunniit innersuussutigineqassanngitsut, piseqqusaarut pillugu nalunaarummi § 12-imi takuneqarsinnaavoq.

Piseqqusaarut, sioqqutsisumik akuersissut pissarsiarineqarsimatinnagu, periaaseq inuttut innersuussinertut misigisaqarnermik saqqummersitsisoq atorlugu, inuit pigisaanik assitaqassanngillat imaluunniit aamma innersuussissanngillat.

Piseqqusaarut pillugu nalunaarummi § 37, imm. 1 malillugu, nalunaarummi § 12-p unioqqutinneqarnera, akiliisitsisummik tunineqarnermik kinguneqarsinnaavoq.

2.3.2. Inatsiseqarnermut ministereqarfiup isumaliutiginninneri

Kalaallit Nunaanni eqqartuussisarnermi kinaassutsimik atornerluineq pinerluutinngortinneqanngilaq, aamma taamaammat inuup allap kinaassusaanik atornerluinerit pillugit pisut amerlasuuni pinerluttulerinermi inatsit pineqaatissiissutaaneq ajorpoq. Assersuutigalugu inoqatini attaveqaatini, tassani allaasuusaarluni, pilersitsineq immini pinerluttulerinermi inatsimmik unioqqutitsinerussanngilaq.

Immitsinnut atassuteqarnissatsinnut periaaserput internettip allanngortitsiveqataaffigisimavaa, aamma kalaallit ulluinnaanut annertuumik taamatut atassuteqartarnek ilaalluinnaalersimavoq.

Tamatuma peqatigisaanik kalaallit amerlanersaasa akornanni ulluinnarni inoqatinut attaveqaatit annertunerujussuarmik inissisimalersimapput,

MISSINGIUT

matumani pingaarnertut kinguaariit inuussunnerusut akornanni, taakkumi tusagassiuutini nutaani takussaasorujussuupput. Tusagassiuutit taakku aamma nunarsuarmi avatangiisiminni pisut pillugit paasissutissanik pingaarnertut annertusiartortumik inuusuttunit aallerfiusarput. Taamaattoq inoqatinut attaveqaatit isummanik avitseqatigiiffittut aamma nutaarsiassanik paasissutissiiffittut taamaallaat atornerqarneq ajorput. Inunnut amerlasuunut inoqatinut attaveqaatit inooqatigiinni inuunerminni pingaarutilittut peqataapput, ilatigut ilaquttanik ikinngutinillu attaveqarnermut kiisalu susassareqatigiinni assinganillu isumaqatigiiffigisani ataatsimoorfinni atornerqartarlutik.

Inoqatinut attaveqaatit digitalinngortinneqarnerat siammarneqarnerallu aammattaaq unammilligassanik nutaanik kinguneqarpoq, matumani ilaatigut inuit allat atiinik assiinillu atornerluinissaq malunnarnerusumik periarfissaalersimavoq. Tassunga atatillugu inoqatinut attaveqaatini il.il. inuinnaat nalinginnaasumik annertunerujartortumik ilisarititsissutitik atornerlunneqartut misigisarpaat.

Tamanna tunngavigalugu suliassaqarfimmi annertunerusumik malittarisassaliortoqarnissaa pisariaqartoq, Inatsiseqarnermut ministereqarfik isumaqarpoq, taamaalilluni immikkoortumut tassunga inatsisiliorneq piffissamut atukkatsinnut malinnaanissaa qulakkeerneqassammat. Tamanna ingammik internettimut tunngatillugu atuuppoq, matumani inoqatinut attaveqaatinut aamma aappassarsiorfittut saqqummiussiviit ilanngullugit, tassami kinaassutsimik atornerluineq annertuumik internettimik atuinermi malunnarnerpaammat, kisianni aamma pisuni kinaassutsimik atornerluineq internettikkuunngitsoq pisuni pisarpoq.

Taamaammat Inatsiseqarnermut ministereqarfiup isumaa malillugu, kinaassutsimik atornerluinerup digitaliusumik pinerani, aamma tamanna tigussaasumik silarsuatsinni pisillugu, kinaassutsimik atornerluinerup pinerluutinngortinneqarnera atuuttariaqarpoq.

2.3.3. Aaqqissuussinissatut siunnersuutigineqartoq

Pinerluttulerinermi inatsimmi § 95 a-mi aalajangersakkamik nutaamik ilanngussisoqarnissaa siunnersuutigineqarpoq, tassani naak tassunga uiggiullugu pinerluttuliornermik iliuuseqartoqanngikkaluartoq, aalajangersakkap kinaassutsimik atornerluinerup inerteqqutinngortinneqarnera atulersissavaa.

Inuk pisinnaatitaanani inuk alla pillugu paasissutissanik atuisoq, matumani cpr-normu, ateq aamma asseq ilanngullugu, ileqqussaannngitsumik

taannaasuusaarluni, kinaassutsimik atornerluisutut eqqartuunneqassaaq. Inummut pisinnaatitaanani atortussanik ingerlatitseqqittumut, tassani inuk alla pillugu paasissutissat atorneqarsimallutik, matumani cpr-normu, ateq aamma asseq ileqqussaannigitsuliorluni inuup taassuma saqquminerata uukapaatitsissutigineqarnera ilanngullugit, tamanna aamma atuuppoq.

Kinaassutsimik atornerluinerup aalajangersimasumik siunertaqarluni pisimanissaa, assersuutigalugu inuit isumaanni ajoqusiinissaq imaluunniit aningaasatigut iluanaaruteqarnissaq siunertaralugu, pinerluutinngortitsinermi piumasagaataanngilaq. Kinaassutsimik atornerluinermi ilutsit taakku taamaalillunik aallaaviatigut ullumikkut nikanarsaaneq aamma peqquserluttuliorneq pillugit pinerluttulerinermi inatsimmi aalajangersakkanik unioqquitsineroreerput.

Pineqaatissiinerмик toqqaanermi sivisussusiliinermilu, iliuuseqartut ataasiakkaat inuttut atugarisaat, matumani pinerluttulerinermi inatsimmi § 121, imm. 1, nr. 2 malillugu pineqartup inatsisinik unioqquitseqqinninnissaanut pisariaqartutut naatsorsuutigineqartut ilanngullugit, eqqartuussiviup pingaartissavai. Kisianni inatsimmik unioqquitsinerup ingasassusaa aamma pingaartinneqassaaq, matumani § 121, imm. 1, nr. 1 malillugu iliuutsit pineqartut akiorneqarnissaat pillugit inuiaqatigiit soqutigisaat ilanngullugit.

Soorlu qulaani imm. 2.3.1.1-imi taaneqartoq, kinaassutsimik atornerluineq aammattaaq inunnik paasissutissanik suliarinnittarneq pillugu inatsimmik, kunngip peqqussutaatigut nr. 1238-ikkut, 14. oktober 2016-meersukkut Kalaallit Nunaannut atuutilersinneqartumik, peqqussutikkullu nr. 898-ikkut, 26. juni 2023-meersukkut allanngortinneqartumik, unioqquitsinerusinnaammat maluginiarneqassaaq.

Aammattaaq inatsisissatut siunnersuummi § 1, nr. 4, tassungalu oqaaseqaatit innersuussutigineqarput.

2.4. Oqaaseqaatit, nalunaarutit assit il.il. nunguterneqartarnerat

2.4.1. Inatsisit atuuttut

Eqqartuunneqarsimasut imaluunniit allat, eqqartuussummut uiggiullugu oqaaseqaammik, nalunaarummik imaluunniit assimik il.il., pinerluttulerinermi inatsimmi §§ 94-imik, 95 a-mik aamma 99-imik unioqquitsinermut atassuteqartumik, nungutitsinnissamik pisussaaffilerneqarnissaat pillugu ullumikkut pinerluttulerinermi inatsimmi aalajangersakkamik imaqanngilaq.

MISSINGIUT

Pinerluttulerinermi inatsimmi § 166, imm. 2, aamma § 167, imm. 2 malillugit, paasissutissat inuup inatsimmik unioqqutitsisumik akisussaasuusup, piginnittutut atuisutulluunniit paasissutissat atorsinnaasaaniippata, pissutsit assigiinngitsut malillugit, pisinnaatitaanani paasissutissanik internettikkut ingerlatitseqqinneq pillugu eqqartuussut, paasissutissanik arsaarinninneq pillugu aalajangersakkamik imaqarsinnaassaaq. Taamaattoqassappat suliap suliarineqarnerani pissutsit assigiinngitsut malillugu eqqartuussisarnermik inatsimmi kapitali 37-imi malittarisassat malillugit arsaarinnissuteqartoqarsinnaassaaq.

Inunnik paasissutissanik suliarinnittarneq pillugu inatsit (inunnik paasissutissanik suliarinnittarneq pillugu inatsit) kunngip peqqussutaatigut nr. 1238-ikkut, 14. oktober 2016-imeersukkut Kalaallit Nunaannut atuutilersinneqarpoq, taannalu peqqussutikkut nr. 898-imi, 26. juni 2023-imi allanngortinneqarpoq.

Inuk nalunaarsorneqarsimasoq tamanna pillugu noqqaassuteqarpat, paasissutissat, eqqunngitsutut imaluunniit kukkusumik paasissutissiissutaasutut paasineqartut imaluunniit assigisaanik inatsit imaluunniit aalajangersakkat inatsisip malitsigisaanik atulersinneqarsimasut unioqqutillugit suliarineqarsimasut, inuup, paasissutissat pillugit akisussaasuusup, paasissutissat naqqissagai, nungutissagai imaluunniit mattutissagai, inuunnik paasissutissanik suliarinnittarneq pillugu inatsimmi § 37, imm. 1-p aalajangersarpaa. Tamatuma saniatigut inunnik paasissutissanik suliarinnittarneq pillugu inatsimmi § 5-imi tunngaviusumik piumasaqaatit isiginiarneqassapput. Inunnik paasissutissanik suliarinninneq ima aaqqissuunneqassasoq, paasissutissanik nutarterineq pisariaqartinneqartoq suliarineqassalluni, aamma paasissutissat eqqunngitsut imaluunniit salloqittaataasut suliarineqannginnissaat qulakkeerniarlugu pisariaqartinneqartumik nakkutilliisoqarnissaa, tamatuma ilaatigut malitsigaa. Inuit pillugit paasissutissat, eqqunngitsuusut imaluunniit salloqittaataasut paasineqarpata, piaarnerpaamik taakku peerneqassapput imaluunniit naqqinneqassapput. Aammattaaq inuit pillugit paasissutissat katersorneqarsimasut, inuit pillugit paasissutissat suliarineqarnissaannut siunertarineqartut eqqarsaatigalugit piffissamit pisariaqartinneqartumit sivilisunerusumik, nalunaarsorneqarsimasuup kinaassusersineqarnissaanut periarfissiisumik, inuit pillugit paasissutissat toqqorneqassanngillat.

2.4.2. Strafferetsråd-ip (Pillaasarnermik inatsit pillugu siunnersuisoqatigiit) isumaliutiginninnerat

MISSINGIUT

Pillaasarnermik inatsisip, eqqartuussisarnermik inatsisip, taarsiissuteqarnissamut akisussaaffeqarneq pillugu inatsisip aamma tusagassiuissarnermi akisussaassuseqarneq pillugu inatsisip (Eqqissisimanermik akornusiinerit nikanarsaanerillu) allanngortinneqarneri pillugit inatsisikkut nr. 1719-ikkut, 27. december 2018-imeersukkut, pillaasarnermik inatsimmi oqaaseqaatit, nalunaarutit imaluunniit assit il.il., inatsimmi §§ 264-imik, 267-imik imaluunniit 268-imik unioqqutitsinnermut attuumassuteqartut, tikinneqarsinnaanissaasa aamma oqaaseqaatit il.il. taakku annertunerusumik siaruarterneqarnissaasa akornuserneqarnissaat siunertaralugu, pillaasarnermik inatsimmi oqaaseqaatit, nalunaarutit imaluunniit assit nungutinneqartarnerat pillugu § 271-imi aalajangersakkamik nutaamik ilanngussisoqarpoq.

Pillaasarnermik inatsisip allanngortinneqarnera pillugu inatsisikkut nr. 292-ikkut, 8. marts 2022-imeersukkut (Kinaassutsimik atornerluinerup pinerluutinngortinneqarnera) kinaassutsimik atornerluineq pillugu pillaasarnermik inatsimmi § 264 e-mut innersuussummik ilanngussisoqarpoq.

2018-imi inatsimmik allannguneq eqqissisinnermik akornusiinerit nikanarsaanerillu il.il.) pillugit isumaliutissiisummi nr. 1563/2017-imi Straffelovråd-ip (Pillaasarnermik inatsit pillugu siunnersuisoqatigiit) isumaliutiginninnerannik tunngaveqarpoq.

Internettikkut pisinnaatitaanani paasissutissanik ingerlatitseqqinnermi imaluunniit internettikkut nikanarsaanermik siammarterinnermi inatsisinik atuutitsinerup sakkuutit pioreersut imalluunniit nutaat atorlugit patajaallisaavigineqarsinnaanersoq, matumani taakku internettikkut siaruarterneqartillugit, eqqissisimanermik akornusersuinerit-nikanarsagaanerillu pisut pitsaanerpaamik qanoq ilillutik sillimaaffigineqarsinnaanersut, Straffelovråd-ip (Pillaasarnermik inatsit pillugu siunnersuisoqatigiit) isumaliutissiisumminni isumaliutigisimavaat.

Oqaaseqaatit, nalunaarutit imaluunniit assit, pillaasarnermik inatsimmi §§ 264 d-mik, 267-imik imaluunniit 268-imik akerliusumik ingerlateqqinneqarsimasut pillugit nungutitsisarneq pillugu pillaasarnermik inatsimmi aalajangersakkamik ilanngussinissaq naleqquttuusoq, Straffelovråd-ip (Pillaasarnermik inatsit pillugu siunnersuisoqatigiit).

Internettip siaruariartornerata malitsigisaanik aalajangersagaq taamaattoq pisariaqaleraluttuinnartoq, tassani assersuutigalugu ilanngutassiaq, tassani nikanarsaaneq siammarterneqartoq peerneqarsinnaalluni, tamatumali peqatigisaanik ilanngutassiap taamaattup assersuutigalugu aviisimi naqitami peerneqarsinnaannginnera, siunnersuisoqatigiit maluginiarpaat.

MISSINGIUT

Internettimut atatillugu nungutitsinissamik pisariaqartitsineq annertuneruvoq, tassanimi oqaaseqaat il.il. tikinneqarsinnaammat aamma ajornanngitsumik ujarneqarsinnaalluni, tamatumali peqatigisaanik siusinnerusukkut aviisimi ilanngutassiap naqitaasup ujarneqarnera ajornarnerusoq, tassunga ilaavoq.

Aalajangersagassatut siunnersuutigineqartup atuuffissaanut tunngatillugu, inunnut suliffeqarfinnulluunniit il.il., oqaaseqaammut il.il. ima atuisinnaasunut, taakku nunguterinissamik periarfissaqarlutik, aalajangersagaq taamaallaat atorineqarsinnaassasoq, Straffelovråd-ip (Pillaasarnermik inatsit pillugu siunnersuisoqatigiit) taavaa. Allanut, tassani nungutitsinissap suliarinissaanut pisariaqartinneqartumik, internettikkut nittartakkamik il.il. atuisinnaasunut, aalajangersakkap aamma atorineqarsinnaanissaa siunnersuisoqatigiit aammattaaq maluginiarpaat.

Aalajangersakkap pisuni tamani atorineqarsinnaannginnissaanik imaluunniit inatsisip atortuutinneqarnissaannut, pisuni piviusuni naleqquttumik aamma inatsisitigut ajornartorsiutit, arlaqarsinnaasut, Straffelovråd-ip (Pillaasarnermik inatsit pillugu siunnersuisoqatigiit) ilisimasimavaa. Aalajangersagaq – naak inunnut nunguterinissamik peqquneqarsinnaasunut tunngatillugu atituumik aalajangersagaq oqaasertaliorneqaraluartoq – eqqissisimanermik akornusiinerit- nikanarsaanerillu unioqqutinneqarnerinik oqaatsit sunniuteqarluartumik internettimit peerneqarnissaannik kinguneqarnaviannngitsoq, Straffelovråd-ip (Pillaasarnermik inatsit pillugu siunnersuisoqatigiit) aammattaaq ilisimasimavaa. Aalajangersakkamik taamaattumik siunnersuuteqartoqarnissaanut taamaatitsinissamut pissutsit taamaattut imminni naammanngitsut, siunnersuisoqatigiit isumaqarput. Illuatungaani ingammik inuk eqqartuunneqarsimasoq, kisianni aamma allat, tamanna periarfissaatillugu oqaaseqaatinik il.il. pillaatissiissutaasinnaasunik peersitsinissamut pisussaatinneqarnissaat pissusissamisoorluinnartoq, siunnersuisoqatigiit isumaqarput.

Oqaaseqaatit, paasissutissat il.il. suut aalajangersakkami ilaatinneqartariaqarnersut, Straffelovråd-ip (Pillaasarnermik inatsit pillugu siunnersuisoqatigiit) aammattaaq isumaliutigisimavaa. Aalajangersakkami – aalajangersakkap paasissutissat illersorneqarnissaat pillugu peqqussummit ilaneqartussaassanera eqqarsaatigaluguluunniit – oqaaseqaatit, nalunaarutit imaluunniit assit, imminni pillaatissiissutaasinnaasut, imaappoq taakku ima pissuseqarlutik, taakku pillaaarnermik inatsimmi §§ 264 d-mi, 267-imi imaluunniit 268-imi ilaatinneqarlutik, taamaallaat ilaatinneqartariaqartut, tassunga atatillugu siunnersuisoqatigiit isumaqarput.

Nungutitsisarneq pillugu aalajangersagaq pillugu Straffelovråd-ip (Pillaasarnermik inatsit pillugu siunnersuisoqatigiit) isumaliutiginninneranut siunnersuutaannullu Inatsiseqarnermut ministereqarfik isumaqataasimavoq, taamaammallu Straffelovråd-ip (Pillaasarnermik inatsit pillugu siunnersuisoqatigiit) missingiutaanut naapertuuttumik 2018-imi inatsimmik allannguneq ilusilersorneqarsimavoq.

Aammattaaq isumaliutissiisummi quppernerit 183-imiit 196 ilanngullugu innersuussutigineqarput.

2.4.3. Inatsiseqarnermut ministereqarfiup isumaliutiginninnera aamma inatsisissatut siunnersuutip ilusilersorneqarnera

Eqqissisimanermik akornusiinerit, nikanarsaaneq aamma kinaassutsimik atornerluineq pillugu aalajangersagassatut siunnersuutigineqartoq pillugit pinerluttulerinermi inatsimmi aalajangersakkat inatsisitigut atortuutinneqarnissaasa patajaallisaavigineqarnissaannik pisariaqartitsineq pillugu Straffelovråd-ip (Pillaasarnermik inatsit pillugu siunnersuisoqatigiit) isumaliutiginninnera aamma pinerluttulerinermi inatsimmi atortuusooq, Inatsiseqarnermut ministereqarfik isumaqarpoq.

Paasissutissat, matumani oqaaseqaatit, nalunaarutit assit il.il., §§ §§ 94-imut aamma 99-imut kiisalu § 95 a-mi aalajangersagassatut siunnersuutigineqartumut pisariaqartinneqartumik attuumassuteqartut ilanngullugit, nungutinneqarnissaannut peqqussuteqarnissamik periarfissap ilanngunneqarnissaa naleqquttuuvoq, tamanna tunngavigalugu Inatsiseqarnermut ministereqarfik isumaqarpoq.

Aammattaaq inatsisissatut siunnersuummi § 1, nr. 6, tassungalu oqaaseqaatit innersuussutigineqarput.

2.5. Unnerluussuteqarnissamut piffissaliussap unitsinneqarnerata ilusaa

2.5.1. Inatsisit atuuttut

Taamaallaat akiliisitsisoqartussaattillugu imaluunniit arsaarinnittoqartussaattillugu aamma, pisortani akileraarutit aamma akitsuutit, tassani akilersuutit pisortanit tiguniarneqarnissaannut, imaluunniit inatsimmik unioqqutitsisoqarnerata kingorna, suliap ingerlanera ima sivistutisumik ingerlareersimatillugu, inatsisip matuma pingajorarterutaa (pineqaatissiissutit) malillugu, inatsimmik unioqqutitsinerup unitsinneqarneraniit pineqaatissiissutit aallartinneqarnissaannut piumasaqaatit atuukkunnaarsimasut nalilerneqarneqartillugit, unnerluussineq pissanngitsoq, pinerluttulerinermi inatsimmi § 21, imm. 1-p malitsigaa.

MISSINGIUT

Eqqartuussinermi alloriarnerni tamani, tassani pineqartoq inatsimmik unioqqutitsinermut unnerluunneqarluni, unnerluussuteqarnissamut piffissaliussaq unitsinneqassasoq, § 21, imm. 5-imi oqaaseqatigiit siulliit malitsigaat. Aalajangersagaq ima nassuiarneqassaaq, tassani taamaallaat eqqartuussiviup iliuusai ilaatinneqassanatik, kisianni aamma alloriarnerit, unnerluussisussaataitasut tamanna pillugu aallartitaat, assersuutigalugu eqqartuussiviup allakkamik unnerluussummik tigusinera imaluunniit pinerluttoqarsimaneranik paasiniaanermut atatillugu killisiuineq pillugu nalunaarummik tigusinera, tassani ilaatinneqassallutik. Pinerluttoqarsimaneranik paasiniaanerup nalaani eqqartuussivimmi alloriarnerit unnerluussuteqarnissamut piffissaliussamik unitsitsisinnaapput, assersuutigalugu inatsit tunngavioq naapertorlugu killisiuinerimi imaluunniit uppersaatissanik ujaasinissap qinnutigineqarnerani.

Illersuisumik ivertitsinissamik noqqaassuteqarneq aammattaaq piffissaliussamik unitsitsinertut eqqartuussivimmi alloriarnerusinnaavoq, matumani pisoq, tassani illersuisumik ivertitsineq pasineqartup kissaateqarneratigut aallartinneqarnera ilanngullugu. Taamaattoq noqqaassuteqarneq inummit pissutissalimmik pasineqartumit saqqummiunneqarpat, tamanna taamaallaat atuuppoq. Inummut »kingusinnerusukkut pasineqartunngortussamut imaluunniit pissutissalimmik pasineqartussanngortussamut«, assersuutigalugu video atorlugu killisiuisoqarnerani illersuisumik ivertitsisarneq pillugu eqqartuussisarnermik inatsimmi § 321 a malillugu, piffissaliussamik unitsitsissutaanngilaq. Inuk kinaassusersisaq aalajangersimasoq pinerluummut unnerluunneqartillugu, eqqartuussinermi alloriarnissamik noqqaassuteqarneq saqqummiunneqartoq, piffissaliussamut unitsitsissutaavoq.

Eqqartuussivimmi alloriarnerni piffissaliussat unitsinneqartarneri pillugit pingaarnertut malittarisassami, pinerluttulerinermi inatsimmi § 21, imm. 5-imi oqaaseqatigiit aappaat aamma pingajuat, ilaatitsinnginnernik marlunnik imaqarpoq. Ilaatitsinnginnerit taakku marluk sulianut, akiliisitsissummik aalajangerneqarsinnaasunut, sammitinneqarput.

Ilaatitsinnginneq siullesq, sulianut eqqartuussisarnermik inatsit malillugu politiinit suliarineqartumik pillaatitut akileeqqusissutitut aalajangiiffigineqarsinnaasunut tunngassuteqarpoq. Pisuni taakkunani unnerluunneqartup saqqummiunneqartumik ilisimatinneqarnerani, unnerluussuteqarnissamut piffissaliussaq unitsinneqassaaq.

Ilaatitsinnginnerup aappata pisut allat ilaatippai, tassani inatsisinik unioqqutitsinermi pinerluttulerineq pillugu inatsiseqartitsineq malillugu akisussaaffik eqqartuussinertaqanngitsumik oqartussanit peqqussutigineqarsinnaalluni. Uani pineqartup unioqqutitsineq pillugu pissutissalimmik pasineqarnera pillugu ilisimatinneqarnerani, unnerluussuteqarnissamut piffissaliussaq unitsinneqassaaq.

Ilaatitsinnginneq kingullertut taaneqartoq oqaasertani malillugit, tassani allaffissornikkut oqartussaq akiliisitsisummik akiliisoqarnissaanik »peqqussuteqarnissamik« periarfissaliisummik peqartillugu, pisunut tunngassuteqarpoq. Sulisaatsimi aalajangersagaq ima nassuiarneqartarpoq, taanna aamma pisuni, oqartussaasut aalajangiinikkut akiliisitsisummik »saqqummiussisinnaatillugit« atorneqarsinnaavoq, tamannalu nalitsinni pisumi inatsisiliornermi periarfissaliissutaavoq nalinginnaanerpaq.

2.5.2. Brydesholt-ip ataatsimiititaliaata isumaliutiginninneri

Pillaasarnermik inatsisip allanngortinneqarnera pillugu inatsisikkut (Pisoqalisootitsisarneq, peqquserluttuliorlutik pillaatisianik atuisut pillarneqartarnerisa sakkortusineqarnerat il.il.) nr. 364-ikkut, 24. maj 2005-imeersukkut, pisoqalisootitsisarnermut piffissaliussat unitsinneqartarneri pillugu pillaasarnermik inatsimmi aalajangersakkap allanngortinneqarnera suliarineqarpoq, taamaalilluni unnerluussisussaataasut politiillu, pillaasarnermik inatsimmi § 94, imm. 5-imi taamanikkut aalajangersagaq malillugu pisortani oqartussaasut allat assigalugit pisoqalisootitsisinissap unitsinneqarnissaanut ajornaatsumik suleriaaseqalissammata.

Pisoqalisootitsisarneq pillugu inatsiseqartitsinerup ilaani apeqqutit pillugit Straffelovråd-ip (Pillaasarnermik inatsit pillugu siunnersuisoqatigiit) isumaliutissiissutaanik nr. 1441/2004-imik kiisalu aningaasatigut pinerluttuliortarneq aamma paasissutissat pillugit pinerluttuliortarneq pillugit Inatsiseqarnermut ministereqarfiup ataatsimiititaliaata (Brydesholt-ip ataatsimiititaliaata) immikkut ittumik inatsisit il.il. unioqqutinneqarneranni pillarneqarnissamik akisussaaffeqarnerup isumaliutissiissutaanik 1438/2004-imik allannguneq tunngaveqarpoq.

Taamanikkut aaqqissuussinermi, tamatuma kingorna pillaasarnermik inatsimmi § 94, imm. 5-imi oqaaseqatigiit siullianniit pingajuat ilanngullugu, pisoqalisootitsisarnermik piffissaliussap unitsinneqarnissaa pillugu ilutsit pingasuupput, taakkulu naleqqutinngitsut, Brydesholdt-ip ataatsimiititaliaata paasivaa. Brydesholdt-ip ataatsimiititaliaa malillugu pisoqalisootitsisarneq pillugu piffissaliussaq unitsinniarlugu, matumani suliani, taakkunani suliap allaffissornikkut aalajangerneqarsinnaanissaa

MISSINGIUT

periarfissaalluni, kisiannili nalunarluni, allaffissornikkut suliap eqqartuussivimmut tunniunneqartussaasariaqarnera pitsaasuunngilaq. Pinerluttoqarsimaneranik paasiniaanerup eqqartuussivik peqataatinnagu pisarnerata suli nalinginnaaleraluttuinnarnerata, pisoqalisootitsisarnermik unitsitsisarnerup politiinut inissinneqarnissaa tunngavissaqartikkaa, ataatsimiititaliap aammattaaq paasivaa.

Tamanna tunngavigalugu suliani tamani nalinginnaasumik pingaarnertut malittarisassaq tassaasariaqartoq, pineqartup unnerluussummik ilisimatinneqarnera, siunnersuisoqatigiit isumaqarput. Nalinginnaasumik pineqartup aatsaat pisoqalisootitsinissamut piffissaliussap naaneernerani pillaasarnermik suliap ingerlanneqarneranik ilisimatinneqarnissaata periarfissaannginnissaa, unnerluunneqartumut qajassuussinissap aamma tunngavissaqartippaa.

Unnerluussisussaataitasut eqqartuussivimmi alloriartoqarnissaanik noqqaassuteqarpata, qinigassatut allatut pisoqalisootitsinissamut piffissaliussaq unitsinneqarsinnaasoq, ataatsimiititaliap aammattaaq paasivaa.

Politiit unnerluussisussaataitasullu pillaasarnermik inatsimmi § 94, imm. 5-imi taamanikkut aalajangersagaq malillugu pisortani oqartussaasut allat assigalugit pisoqalisootitsinissap unitsinneqarnissaanut ajornaatsumik suleriaaseqalissasut, ataatsimiititaliap siunnersuutaata kingunerisimavaa.

Tamanna unnerluussisussaataitasut noqqaassutigippassuk, inatsiseqartitsinermi pissutsinut atuuttunut akerliusumik illersuisumik ivertitsineq piffissaliussamik unitsitsissutaasinnaasoq, siunnersuisoqatigiit aammattaaq paasivaat. Taamaallaat pineqartup illersuimik ivertitsisoqarnissaanik noqqaassuteqarnerani, unnerluunneqartup inatsisitigut inissisimanera taamaalilluni ajornerulersinneqassanngilaq. Pineqartoq pissutissalimmik pasineqartoq, illersuisumik ivertitsinermi piunasaqaataammat, unnerluunneqartup illersuisumik ivertitsisoqarnissaanik noqqaassuteqarnerani, pisoqalisootitsinissaq ilisaqqunnartumik unitsinneqassaaq. Unnerluunneqartup qinnuteqaatai pineqartillugit inatsiseqartitsinermi pissutsit allanngortinneqarnissaat pillugu siunnersuisoqatigiit siunnersuutaat, taamaammat sulisaatsimi pisuni, tassani siusinnerusukkut unnerluussutigineqartut pisoqalisootitsinissamut ilumut naammannersoq pillugu nalornisoqarnerani pingaaruteqarsinnaassaaq.

Unnerluussut pisoqalisootitsinissamik unitsitsisoq, piviusumik unnerluussutaasoq, tassungalu atassuteqartunik inatsisitigut kinguneqartitsinernik tamanik kinguneqartariaqartoq, naggataagut

MISSINGIUT

siunnersuisoqatigiit taavaat. Pineqartoq illersorniarlugu inatsisitigut inissisimanermik tunineqarnera, tassani pisortatigoortumik unnerluussuteqartoqartinnagu inatsisitigut kinguneqarnerisa ilai atorneqarneri, siunnersuisoqatigiit isumaat malillugu naammangilaq.

Brydensholt-ip ataatsimiititaliaata isumaliutiginninneri pillugit erseqqinnerusumik isumaliutissiisummi nr. 1438/2004-imi qupperneq 72 siumullu innersuussutigineqarput.

2.5.3. Straffelovråd-ip (Pillaasarnermik inatsit pillugu siunnersuisoqatigiit) isumaliutiginninneri

Pisoqalisootitsisarnerup unitsinneqartarnera pillugu malittarisassat allanngortinneqarnissaat pillugit Brydensholt-ip ataatsimiititaliaata isumaliutiginninneri, pillaasarnermik inatsit pillugu ataatsimiititaliap isumaqatigaa. Unnerluussisussaataasut politiillu matumuuna pillaasarnermik inatsimmi § 94, imm. 5-imi taamanikkut aalajangersagaq malillugu pisortani oqartussaasut allat assigalugit pisoqalisootitsinissap unitsinneqarnissaanut ajornaatsumik suleriaaseqalissammata, ataatsimiititaliap ilaatigut innersuussutigaa.

Illersuisumik ivertitsisoqarnissaanik noqqaassuteqarnerup malitsigisaanik pisoqalisootitsinissamut piffissaliussap unitsinneqarnera, illersuisumik ivertitsineq unnerluussisussaataasunit aallartinneqartillugu taamaallaat atuuttariaqartoq, Straffelovråd-ip (Pillaasarnermik inatsit pillugu siunnersuisoqatigiit) aammattaaq akuerisinnaavaa.

Taamanikkut § 94, imm. 5-imi oqaaseqatigiit siullerniit pingajuat ilanngullugu aalajangersakkamut taarsiullugu, aalajangersakkamik ilanngussisoqartariaqartoq, tamatumalu kingorna pineqartoq unnerluussummik ilisimatinneqarpat, imaluunniit unnerluussisussaataasut eqqartuussivimmi alloriarnernik noqqaassuteqarpata, tassuuna pineqartoq inatsimmik unioqqutitsinermut unnerluunneqarluni, pisoqalisootitsinissamut piffissaliussaq unitsinneqassasoq, tamanna tunngavigalugu siunnersuisoqatigiit siunnersuutigaat.

Straffelovråd-ip (Pillaasarnermik inatsit pillugu siunnersuisoqatigiit) isumaliutiginninnera erseqqinnerusumik isumaliutissiisummi nr. 1441/2004-imi, qupperneq 56-imiit siumullu innersuussutigineqarput.

Pisoqalisootitsisarnerup unitsinneqartarnera pillugu Brydensholt-ip ataatsimiititaliaata aamma Pillaasarnermik inatsit pillugu siunnersuisoqatigiit kiisalu siunnersuisoqatigiit siunnersuutaat, Inatsiseqarnermut ministereqarfiup akueraa.

2.5.4. Inatsiseqarnermut ministereqarfiup isumaliutiginninneri aamma aaqqissuussineq siunnersuutigineqartoq

Pisoqalisootitsinissamut piffissaliussat unitsinneqartarnerat pillugit assigiissaarinissamik pisariaqartitsineq aamma malittarisassanik piuminarsaanissaq pillugit Brydensholt-ip ataatsimiititaliaata Straffelovråd-ip (Pillaasarnermik inatsit pillugu siunnersuisoqatigiit) isumaliutiginninnera aamma pinerluttulerinermi inatsimmi atuuttoq, Inatsiseqarnermut ministereqarfik isumaqarpoq.

Unnerluussisussaataasut politiillu, § 21, imm. 5-imi aalajangersagaq malillugu, pisortani oqartussaasut allat assigalugit pisoqalititsisoornissaq unitsinniarlugu piuminarsakkamik taamaalillutik periaaseqalerniassammata, tamanna tunngavigalugu unnerluussuteqarnissamut piffissaliussat unitsinneqartarnerat pillugit pinerluttulerinermi inatsimmi aalajangersakkap allanngortinneqarnissaa naleqquttuusoq, Inatsiseqarnermut ministereqarfik isumaqarpoq.

Aammattaaq inatsisissatut siunnersuummi § 1, nr. 1, aamma tassunga oqaaseqaatit innersuussutigineqarput.

2.6. Nikanarsaaneq pillugu eqqartuussutip tamanut saqqummiunneqarnerani aningaasartuutitut aningaasat amerlassusaannut takussutissiat atuuttuujunnaarsinneqartarnerat aamma aalajangersarneqartarnerat

2.6.1. Inatsisit atuuttut

Eqqartuussutip naammassiniarneqarnerani nikanarsagaasup nikanarsaaneq pillugu unnerluussut tunngavissaqannginnerarlugu eqqunngitsuliorfigineqartup piumasaqaataa malillugu eqqartuussutip naanerani tamanna pillugu oqaaseqaat ilanngunneqarsinnaasoq (takussutissiat atortuujunnaarsinneqarnerannik taaneqartartoq), pinerluttulerinermi inatsimmi § 99, imm. 5 aalajangersakkamik imaqarpoq. Eqqartuussutip tamanut saqqummiunneqarnerani aningaasartuutit matussuserneqarnissaannut aningaasat atorneqartussat aalajangerneqarnissaat pillugit aalajangersakkami imm. 6 aalajangersakkamik imaqarpoq.

2.6.2. Straffelovråd-ip (Pillaasarnermik inatsit pillugu siunnersuisoqatigiit) isumaliutiginninneri

Pillaasarnermik inatsisip, eqqartuussisarnermik inatsisip, taarsiissuteqarnissamut akisussaaffeqarneq pillugu inatsisip aamma

MISSINGIUT

tusagassiuissarnermi akisussaassuseqarneq pillugu inatsisip (Eqqissisimanermik akornusiinerit nikanarsaanerillu) allanngortinneqarneri pillugit inatsisikkut nr. 1719-ikkut, 27. december 2018-imeersukkut, eqqartuussutip tamanut saqqummiunneqarneranut aningaasartuutit matussuserneqarnissaannut aningaasat amerlassusaanik aalajangiineq pillugu pillaasarnermik inatsimmi § 272, imm. 2, atorunnaarsinneqarpoq. Tamatuma saniatigut takussutissiat atortuujunnaarsinneqartarnerat pillugit pillaasarnermik inatsimmi § 271, imm. 1, nutaamik oqaasertaliorneqarpoq, § 270-imullu nuunneqarluni.

Eqqissisimatitaanermik akornusiinerit- nikanarsaanerillu il.il. pillugit Straffelovråd-ip (Pillaasarnermik inatsit pillugu siunnersuisoqatigiit) isumaliutississusaanik nr. 1563/2017-imik inatsisissatut siunnersuut tunngaveqarpoq.

Takussutissianik atuuttuujunnaarsitsisarneq pillugu pillaasarnermik inatsimmi § 273, imm. 1 pisariaqanngitsutut atorunnaarsinneqassanersoq, Straffelovråd-ip (Pillaasarnermik inatsit pillugu siunnersuisoqatigiit) isumaliutissiisummi isumaliutigisimavaa, tassami aalajangersagaq ilaatigut § 267-ip unioqquatinneqarnerani eqqartuussummut aalajangiisuusumut tunngatillugu ilanngussinngimmat, aamma tamatuma peqatigisaanik pillaatissiinissamik piumasaqaammik saqqummiussinissaq kissaatigineqanngippat, ilaatigut inatsisip tunngaviginagit takussutissiamik atuuttuujunnaarsitsineq atorneqarsinnaammat.

Kisianni tamanna tunngavissaqanngitsoq Straffelovråd-ip (Pillaasarnermik inatsit pillugu siunnersuisoqatigiit) paasivaa, tassami inatsisitigut aalajangigaanngitsumik tunngavik assingusoq suli atuuttussaattillugu, aalajangersakkap erseqqissup atorunnaarsinneqarnissaa naleqquttuusutut isigineqarsinnaanngimmat. Naak aalajangersagaq aamma inatsisitigut aalajangigaanngitsumik tunngavik ilaatigut assigiinngitsunik atuuffeqaraluartut, tamanna atuuppoq.

Aammattaaq isumaliutissiisummi qupperit 160-imiit 162 ilanngullugu innersuussutigineqarput.

Eqqartuussutit inernerisa tamanut saqqummiunneqartarneri pillugit pillaasarnermik inatsimmi § 273, imm. 2-mi aalajangersagaq ingerlateqqinneqartariaqarneris, matumani nikanarsaanerup piffigisimasaani tusagassiuutini tamanut saqqummiunneqarnissaa pillugu tusagassiuissarnermi akisussaassuseqarneq pillugu inatsimmi § 54-p saniatigut tamanna pisariaqarneris, Pillaasarnermut inatsit pillugu siunnersuisoqatigiit aammattaaq isumaliutigisimavaat.

MISSINGIUT

Aalajangersagaq eqqartuusseriaatsimi atuuttumi atorneqartarsimavoq, aamma taanna malillugu aningaasat amerlassusaannik annertungaatsiartunik saqqummiussassanik tunniussisoqartarsimavoq. Aalajangersagaq ilaatigut ullumikkumut naleqqutinngitsutut aamma ilaatigut pisariaqanngitsutut atorunnaarsinneqartariaqartoq, Straffelovråd-i (Pillaasarnermik inatsit pillugu siunnersuisoqatigiit) isumaqarpoq. Digitaliusumik ineriartornerup kingunerisaanik eqqunngitsuliorfigineqartup pisuni amerlasuuni aningaasartuutaanngitsumik eqqartuussutip inerniliussaa internettikkut tamanut saqqummiussinnaammagu, Straffelovråd-ip (Pillaasarnermik inatsit pillugu siunnersuisoqatigiit) tunngavilersuutigaa. Suliassaqaqfinni tusagassiuisarnermi akisussaassuseqarneq pillugu inatsimmit suliassaqaqfiusumi, inatsisip taassuma eqqartuussutip imaluunniit eqqartuussutip ilaata tusagassiummi nikanarsaasumi tamanut saqqummiunneqarnissaa annertujaartumik periarfississavaa.

Aamattaaq isumaliutissiissummi quppernerit 162-imiit 163 ilanngullugu innersuussutigineqarput.

Pillaasarnermik inatsit siunnersuisoqatigiit isumaliutissiissutaat aamma pillaasarnermik inatsimmi § 273-ip allannguutai taamaammat Straffelovråd-ip (Pillaasarnermik inatsit pillugu siunnersuisoqatigiit) missingiusiaanut naapertuuttumik ilusilersorneqarput.

2.6.3. Inatsiseqarnermut ministereqarfiup isumaliutiginninneri aaqqissuussinerlu siunnersuutigineqartoq

Pillaasarneq pillugu siunnersuisoqatigiit pillaasarnermik inatsimmi § 273-ip allanngortinneqarnissaanik pisariaqartitsineq pillugu isumaliutiginninnerat aamma pinerluttulerinermi inatsimmi atuuttoq, Inatsiseqarnermut ministereqarfik isumaqarpoq.

Takussutissiat atuuttuujunnaarsinneqartarnerat pillugu pinerluttulerinermi inatsimmi § 99, imm. 5-ip nutaamik oqaasertaliorneqarnissaa, kiisalu nikanarsaanerit pillugit eqqartuussummik tamanut saqqummiussinermi aningaasartuutit matussuserneqarnissaannut aningaasat amerlassusissaannik aalajangiineq pillugu pinerluttulerinermik inatsimmi § 99, imm. 6-ip atorunnaarsinneqarnissaa, tamakku tunngavigalugit naleqquttuusoq, Inatsiseqarnermut ministereqarfik isumaqarpoq.

Ilaatigut pinerluttulerinermi inatsimmi § 99, imm. 6-ip atorunnaarsinneqarnissaa pillugu siunnersuummi § 1, nr. 5-ip kingunerisaanik, aammattaaq pinerluttulerinermi inatsimmi § 262, imm. 2-ip atorunnaarsinneqarnissaa siunnersuutigineqarpoq, tamatumalu kingorna § 99,

imm. 6 malillugu aalajangiineq, eqqartuunneqartup toqunerata kingorna naammassineqarsinnaavoq.

Aammattaaq inatsisissatut siunnersuummi § 1, nr. 2, 5 aamma 8, kiisalu § 2, nr. 1-imiit 3 ilanngullugu, taakkununngalu oqaaseqaatit innersuussutigineqarput.

2.7. Pinerluttulerinermi inatsisip aamma eqqartuussisarnermik inatsisip malitsigisaanik eqqartuussiviit aalajangiineri malillugit inunnut napparsimavimmi il.il. inissinneqarsimasunut anisinnaanerit il.il. pillugit piginnaatitsissutit pillugit malittarisassanik aalajangersaasinnaanerit pilersinneqarnerat

2.7.1. Inatsisit atuuttut

Pinerluttulerinermi inatsit aamma eqqartuussisarnermik inatsit malillugit pissutsit assigiinngitsut malillugit, inummik Kalaallit Nunaanni Danmarkimiluunniit napparsimavimmi paaqqinnittarfimmiluunniit inissinneqarnissamik imaluunniit unitsinneqarnissamik kinguneqartunik eqqartuussivimmit aalajangiineri aalajangiisoqarsinnaavoq.

Pinerluttuliortoq inatsimmik unioqqutitsinerup nalaani tarnimigut nappaateqarpat imaluunniit tassunga naligiissinneqarluinnartumik qanoq issuseqarpat, imaluunniit eqqarsartaatsikkut kinguarsimasuuppat, inatsimmi § 156, imm. 1 malillugu pinerluttuliortup suli allanik inatsisinik unioqqutitsinissaa pitsaaliorniarlugu tamanna pisariaqartinneqarpat, pinerluttuliortunut tarnimikkut nappaatilinnut pineqaatissiissutit immikkut ittut pillugit pinerluttulerinermi inatsimmi kapitali 33 malittarisassanik imaqarpoq, ilaatigullu taakku aalajangersimasumik pillaatissiissutaasinnaapput.

Suli allanik inatsisinik unioqqutitsinerit pitsaaliorniarlugit tamanna siunertarisamut naleqquttutut isigineqarpat, eqqartuussaq Kalaallit Nunaanni Danmarkimiluunniit napparsimavimmi paaqqinniffimmiluunniit inissinneqassasoq, pinerluttulerinermi inatsimmi § 157, imm. 1 malillugu eqqartuussiviup aalajangersinnaavaa.

Pissutissalimmik pasisap tigummigallagaanissaa pillugu eqqartuussisarnermik inatsimmi kapitali 35 malittarisassanik

MISSINGIUT

imaqarpoq. Tigummigallagaanissamut piumasaqaatit atuuppata, kisianni tigummigallaanissap siunertaa qanoq iliornissamut piareersaammik annikinnerusumik akuliunnertalimmik atuilluni anguneqarsinnaappat, pissutissalimmik pasineqartoq akuersissuteqaqqaartillugu, eqqartuussivik tamanna pillugu aalajangiissasoq, tassunga atatillugu inatsimmi § 361, imm. 1-p malitsigaa. Taamaattoq pissutissalimmik pasineqartoq akuersissuteqaqqaartinnagu eqqartuussivik tamanna pillugu qaqutigunnaq aalajangiisinnaavoq.

Pissutissalimmik pasisap angerlarsimaffimmi imaluunniit paaqqinnittarfirmi naleqquttumi najugaqarnissaa (nr. 3), imaluunniit tarnikkut nappaatiminik katsorsartinnissaa imaluunniit pisariaqarpat napparsimavimmi imaluunniit immikkut ittumik paaqqinniffimmi imigassamik, ikiaroornartumik assigisaanilluunniit pinngitsuuisinnaannginnerminut katsorsarneqarnissaa (nr. 4), qanoq iliornissamut piareersaatitut annikinnerusumik akuliunneq, § 361, imm. 2, nr. 3 aamma 4 malillugit eqqartuussiviup aalajangersinnaavaa.

Rigsadvokatimit nalunaarutini, Kaajallaasitaq nr. 9873-imi, 13. oktober 2023-imeersumi immikkoortumi Pinerluttuliortut tarnimikkut immikkoortullit – Kalaallit Nunaat, imm. 2.4 malillugu, § 361, imm. 2, nr. 3 aamma 4 malillugit tigummigallagaanissamut taarsiullugu allami inissiinikkut tigummigallaasoqarnerani, sulisaatsimi amerlanertigut pineqartup Danmarkimi paaqqinniffimmi napparsimavimmiluunniit inissinneqarneratigut pisarmat, tassunga atatillugu maluginiarneqassaaq.

Pissutissalimmik pasisap inuttut misissorneqarnissaa pillugu eqqartuussisarnermik inatsimmi § 436 malittarisassanik imaqarpoq. Suliap aalajangiiffiqineqarnissaanut tamanna pingaaruteqartutut isigineqarpat, aamma misissuinnermut atasumik ajoqut imaluunniit aningaasartuutit, suliap qanoq issusaanut aamma ingasassusaanut naapertuuppata, § 436, imm. 2 malillugu pissutissalimmik pasineqartoq tarnikkut misissorneqassaaq. Pissutissalimmik pasisaq tigummigallagaasimappat imaluunniit misissuinissamut pissutissalimmik pasisaq erseqqissumik akuersissuteqarsimanngippat,

eqqartuussiviup aalajangiineratigut misissuineq taamaallaat pisinnaavoq. Aalajangiineq aalajangiinertut aalajangiiffigineqassaaq, taannalu tunngavilersorneqassaaq.

Pissutissalimmik pasisap Kalaallit Nunaanni avataaniluunniit napparsimavimmi imaluunniit paaqqinniffimmi assingusumi tarnikkut misissorneqarnissaa pisariaqartutut isigineqarpat, tamanna pillugu eqqartuussivik aalajangissasoq, § 436, imm. 3-p aammattaaq malitsigaa. §§ 362-imiit 366 ilanngullugu taamatuttaaq atorneqassapput.

Rigsadvokatimit nalunaarutini, Kaajallaasitaq nr. 9873, 13. oktober 2023-imeersumi immikkoortumi Pinerluttuliortut tarnimikkut immikkoorutillit – Kalaallit Nunaat, imm. 3.1.5 malillugu § 436, imm. 3 malillugu uninngatilluni tarnikkut misissorneqarneq, sulisaaseq malillugu Danmarkimi napparsimavimmi suliarineqartarmat, maluginiarneqassaaq.

Pinerluttulerinermi inatsimmi § 157, imm. 1-p, imaluunniit eqqartuussisarnermik inatsimmi § 361, imm. 2, nr. 3-p imaluunniit 4-p, imaluunniit § 436, imm. 3-p malitsigisaannik inunnut napparsimavimmi paaqqinniffimiluunniit inissinneqarsimasunut anisinnaatitaaneq il.il. pillugit immikkut ittumik malittarisassanik peqanngilaq.

Tassunga allakkut isummertoqarsimatinnagu, inunnut § 361-imi imm. 2, nr. 3-p imaluunniit 4-p malitsigisaanik paaqqinniffinni imaluunniit napparsimavinni il.il. inissinneqarsimasunut, eqqartuussisarnermik inatsimmi § 361, imm. 4 malillugu anisinnaatitaaneq il.il. pillugit akuersissutit nalunaarutigineqarnissaannut malittarisassanik inatsiseqarnermut ministeri aalajangersaasinnaammat, taamaattoq maluginiarneqassaaq. Tassunga atatillugu aalajangiinerit, malittarisassat taakku malillugit aalajangerneqartut, allaffissornikkut oqartussanut qaffasinnerusunut saqqummiunneqarsinnaannginnerat, Inatsiseqarnermut ministerip aalajangersarsinnaavaa.

Qallunaat eqqartuussisarnermik inatsisaanni § 765, imm. 6-imut § annikitsualuit pingaaruteqanngitsut eqqaassanngikkaanni 361, imm.

MISSINGIUT

4-imi aalajangersagaq assingulluinnarpoq, qallunaalli malittarisassaanni taamaattoq piginnaatitsissut pineqartoq malillugu, social-, aamma indenrigsministeri (ullumikkut social- aamma boligministeri) aamma sundheds- aamma ældreministeri (ullumikkut indenrigs- aamma sundhedsministeri) isumaqatigiinniarfigereerlugit inatsiseqarnermut ministeri malittarisassanik aalajangersaassasoq, erseqqissumik aalajangersarneqarpoq. Folketingstidende 2007-08, ilanngussaq A, L 34 saqqummiunneqarsimasoq, qupperneq 1463 malillugu, eqqartuussisarnermik inatsimmi § 361, imm. 4-mut piareersaataasumik suliani taassuma pissuseqataanik, § 361, imm. 4 piareersaataasumik suliat malillugit malittarisasanik atulersitsinissaq sioqqullugu Naalakkersuisut isumaqatigiinniarfigineqassasut naatsorsuutigineqarpoq, tassami isumaginninnermut-peqqissutsimullu suliassaqarfiit Namminersorlutik Oqartussat ataaniimmata. Aalajangersagaq malillugu malittarisassanik atulersitsisoqarsimanngilaq.

Inunnut pinerluttulerinermi inatsimmi § 157, imm. 1, imaluunniit eqqartuussisarnermik inatsimmi § 361, imm. 3 imaluunniit 4, § 436, imm. 3 malillugit eqqartuussivimmit aalajangiineq malillugu napparsimavimmi il.il. inissinneqarsimasunut imaluunniit unitsinneqarsimasunut, pillaaarneq pillugu inatsiseqartitsineq malillugu aalajangiinerup imaluunniit navianassuseq pillugu peqqussutip, nalunaarutikkut nr. 1184-ikkut, 6. december 2012-imeersukkut (tulliusuni qallunaat anisinnaatitaaneq pillugu nalunaarutaannik taaneqartoq) allanngortinneqarsimasup, malitsigisaanik inunnut napparsimavimmi paaqqinniffimmiluunniit inissinneqarsimasunut anisinnaaneq il.il. pillugit apeqqut sulisaatsimi, nalunaarummi nr. 200-imi, 25. marts 2004-imeersumi tunngaviit malillugit anisinnaanermut akuersissutit il.il. ingerlanneqartarput.

Nalunaarummi § 1 malillugu, qallunaat pillaaasarnermik inatsisaanni §§ 68, 69 aamma 73 malillugit eqqartuussutip malitsigisaanik, imaluunniit qallunaat eqqartuussisarnermik inatsisaanni § 765, imm. 2, nr. 3 imaluunniit 4, imaluunniit § 809, imm. 2 malillugit aalajangiineq malillugu, inunnut napparsimavimmi paaqqinniffimmiluunniit inissinneqarsimasunut imaluunniit

unitsinneqarsimasunut, anisinnaatitaaneq pillugu qallunaat nalunaarutaat ilaatigut ilaatigut atuuppoq.

2.7.2. Inatsiseqarnermut ministereqarfiup isumaliutiginninneri aamma aaqqissuussineq siunnersuutigineqartoq

Soorlu qulaani imm. 2.7.1-imi taaneqartoq, inunnut, pinerluttulerinermi inatsimmi § 157, imm. 1, imaluunniit eqqartuussisarnermik inatsimmi § 361, imm. 2, 3 imaluunniit 4, § 436, imm. 3 malillugit eqqartuussivimmit aalajangiineq malillugu napparsimavimmi il.il. inissinneqarsimasunut imaluunniit unitsinneqarsimasunut, anisinnaaneq il.il. pillugit apeqqut pillugu immikkut ittunik malittarisassanik peqanngilaq, kisianni sulisaatsimi qallunaat anisinnaatitaaneq pillugu nalunaarutaat malillugu suliassaqarfik ingerlanneqarpoq.

Inunnut Kalaallit Nunaanni eqqartuussivimmit aalajangiineq malillugu Kalaallit Nunaanni Danmarkimiluunniit napparsimavimmi paaqqinniffimmiluunniit inissinneqarsimasunut anisinnaatitaaneq il.il. pillugit inatsisitigut tunngaviit annertunerusumik erseqqissaavigineqarnissaat pisariaqartinneqartoq, Inatsiseqarnermut ministereqarfik isumaqarpoq. Taamaalilluni inunnut taakkununga anisinnaatitaanermut akuersissutit il.il. pillugit immikkut ittunik malittarisassat, tamanna pillugu qallunaat anisinnaatitaaneq pillugu nalunaarutaanni malittarisassanut assingusut, sulisaatsimi ingerlasinermut atorneqareersut, pissarsiarineqartariaqartut, Inatsiseqarnermut ministereqarfik isumaqarpoq.

Ilaatigut qallunaat pillaasarnermik inatsisaanni § 73 a aamma qallunaat eqqartuussisarnermik inatsisaanni § 765, imm. 5 (massakkut imm. 6-iusoq), aamma § 811, imm. 2 malillugit qallunaat anisinnaatitaanermik malittarisassaat atulersinneqarmat, tamatumali peqatigisaanik pinerluttulerinermi inatsit aamma eqqartuussisarnermik inatsit Kalaallit Nunaanni piginnaatitsineq pillugu aalajangersakkat assinginik imaqanngimmat, eqqartuussisarnermik inatsimmi § 361, imm. 4-mi piginnaatitsissut atuuttoq, ilanngussinnginnerit ilaat minillugit, qallunaat eqqartuussisarnermik inatsisaannut § 765, imm. 6-imut assingummat, taamaattoq maluginiarneqassaaq.

MISSINGIUT

Inunnut Kalaallit Nunaanni eqqartuussivimmit aalajangiineq malillugu napparsimavimmi paaqqinniffimmiluunniit inissineqarsimasunut, anisinnaatitaanermut akuersissutit il.il. pillugit allaffissornikkut malittarisassat aalajangersarneqarsinnaanissaat siunertaralugu pisariaqartinneqartumik piginnaatitsineq pillugu aalajangersakkat, taama tulleriillutik, pinerluttulerinermi inatsimmi aamma eqqartuussisarnermik inatsimmi pilersinneqarnissaat pisariaqartinneqartoq, tamanna tunngavigalugu Inatsiseqarnermut ministereqarfiup nalilerpaa.

Inunnut, pinerluttulerinermi inatsimmi § 157, imm. 1, imaluunniit eqqartuussisarnermik inatsimmi § 436, imm. 3 malillugu eqqartuussivimmi aalajangiineq malillugu Kalaallit Nunaanni Danmarkimiluunniit inissineqarsimasunut, anisinnaatitaaneq il.il. pillugit inatsiseqarnermut ministerip allaffissornikkut malittarisassanik aalajangersaasinnaaneranut pisariaqartinneqartumik piginnaatitsissutip pilersinneqarnissaa siunertaralugu, pinerluttulerinermi inatsimmi § 160 a-kkut nutaakkut aamma eqqartuussisarnermik inatsimmi § 436-imi nutaamik immikkoortukkut, aalajangersakkanik nutaanik eqqussisoqarnissaa, tamanna tunngavigalugu siunnersuutigineqarpoq.

Kalaallit Nunaanni eqqartuussisarnermik inatsimmi § 361, imm. 4-imi piginnaatitsineq pillugu aalajangersagaq atuuttoq pineqartillugu allanngortitsinissaq siunnersuutigineqarpoq, tamatumalu kingorna ataanittut malillugit, siumut isigisumik piginnaatitsinermi Naalakkersuisut, social- aamma bolig- ministerip kiisalu indenrigs- aamma sundhedsministerip isumaqatigiinniarnissaat naatsorsuutigineqarpoq. § 361, imm. 2, nr. 3 imaluunniit 4 malillugit eqqartuussivimmit aalajangiineq malillugu inunnut, Kalaallit Nunaanni imaluunniit Danmarkimi napparsimavimmi paaqqinniffimmiluunniit inissineqarsimasunut, anisinnaatitaanermut il.il. akuersissutit pillugit malittarisassat aalajangersarneqarnissaannut pisariaqartinneqartumik piginnaatitsissutip qulakkeerneqarnissaa, taamatuttaaq allannguutissatut siunnersuutigineqartumi siunertarineqarpoq.

MISSINGIUT

Pingaarnertut qallunaat pillaaasarnermik inatsisaanni § 73 a-mi, aamma qallunaat eqqartuussisarnermik inatsisaanni § 765, imm. 6-imi, aamma § 811, imm. 2-mi piginnaatitsineq pillugu aalajangersakkat imaasa assinginiq aalajangersakkat imaqalernissaat, pinerluttulerinermi inatsimmi aamma eqqartuussisarnermik inatsimmi piginnaatitsineq pillugu aalajangersakkat allanngortinneqarnissaannut siunnersuutikkut aallarnerniarneqarpoq.

Taamaattoq inunnut Kalaallit Nunaanni eqqartuussivimmit aalajangiineq malillugu napparsimavimmi il.il. inissinneqarsimasunut imaluunniit unitsinneqarsimasunut, anisinnaatitaanermut akuersissutit nalunaarutigineqarnissaat pillugu malittarisassanik inatsiseqarnermut ministerip aalajangersaanissaanut, Naalakkersuisut, social- aamma boligministerip kiisalu indenrigs- aamma sundhedsministerip isumaqatigiinniartiginerisigut pissasoq, allannguutissatut siunnersuutitigut aallarnerniarneqarpoq.

Naalakkersuisut pineqartillugit, pinerluttulerinermi § 240, imm. 1 aamma 2 malillugit pinerluutulerinermi inatsimmi kapitali 33 malillugu inuit tarnimikkut napparsimasut imaluunniit inuit taamatut naligiissinneqartut, aamma eqqarsartaatsikkut kinguarsimasut inissinneqartarnerannut katsorsarneqartarnerannullu akisussaaffik, Namminersorlutik Oqartussat ataanni, taama tulleriillutik, peqqinnissaqarfimmiinnera aamma isumaginnittoqarfimmiinnera eqqarsaatigalugit isiginiarneqassaaq.

Social- aamma bolig- ministerip kiisalu indenrigs- aamma sundhedsministerip isumaqatigiinniarneqarneranni taakku immikkut piginnaasaqarfiannut isumaqatigiinniarnep killilerneqarnissaa naatsorsuutigineqarpoq.

Siunnersuut akuerineqassappat, – Kalaallit Nunaanni Namminersorlutik Oqartussat, social- aamma boligministerip kiisalu indenrigs- aamma sundhedsministerip siunnersuut malillugu isumaqatigiinniarnissaat peqqussutigineqartoq nangaassutigalugu – pinerluttulerinermi inatsimmi § 157, imm. 1 imaluunniit eqqartuussisarnermik inatsimmi § 361, imm. 2, nr. 3 imaluunniit 4, § 436, imm. 3 malillugu eqqartuussivimmit aalajangiineq malillugu,

MISSINGIUT

inunnut napparsimavimmi il.il. inissinneqarsimasunut, anisinnaatitaaneq il.il. pillugit nalunaarummik atulersitsisoqassasoq, naatsorsuutigineqarpoq.

Piginnaatitsineq pillugu aalajangersagassatut siunnersuutigineqartut malitsigisaannik, nalunaarut takkuttussaq qallunaat anisinnaatitaaneq pillugu nalunaarutaannut, Kalaallit Nunaanni pissutsinut naleqqussaanerit ilanngullugit, pingaarnertut assingusunik imaqarnissaa tassunga atatillugu siunertarineqarpoq. Taamaalilluni inunnut, pinerluttulerinermi inatsimmi § 157, imm. 1, imaluunniit eqqartuussisarnermik inatsimmi § 361, imm. 2, 3 imaluunniit 4, § 436, imm. 3 malillugit eqqartuussivimmit aalajangiineq malillugu napparsimavimmi il.il. inissinneqarsimasunut imaluunniit unitsinneqarsimasunut, anisinnaaneq il.il. pillugit apeqqut pillugu sulisaatsimi ingerlatsinermut tunngatillugu pingaarutilinnik allannguisoqarnissaa siunertarineqanngilaq, tassami ullumikkut qallunaat anisinnaatitaaneq pillugu nalunaarutaanni tunngaviit malillugit ingerlatsisoqareermat.

Aammattaq inatsisissatut siunnersuummi § 1, nr. 7, aamma § 2, nr. 6 aamma 7, taakkungunngalu oqaaseqaatit innersuussutigineqarput.

3. Pisortanut aningaasaqarnikkut kingunissaa aamma atortuulersitsinermit kingunissaa

Suliat amerlanerulernerannik atasumik, inatsisissatut siunnertuut politiinut unnerluussisussaataitaasunullu kiisalu eqqartuussivinnut aningaasartuuteqarnerunernik killilinnik kinguneqarnissaa naatsorsuutigineqarpoq. Maanga aamma pinerluttunik isumaginnittunut ukiumut 0,7-imiit 4,0 mio.kr.-it missaat aningaasartuutaanerussasut naatsortuutigineqarpoq, taakkulu Kalaallit Nunaanni Pinerluttunik Isumaginnittuni inissinneqartunut amerlanerusunut atassuteqarsinnaapput.

Pisortanut inatsisissatut siunnersuut atortuulersitsinissamut kinguneqassanngilaq.

4. Inuussutissarsiornermut il.il. aningaasaqarnikkut allaffissornikkullu kingunissaa

Inuussutissarsiornermut il.il. aningaasaqarnikkut allaffissornikkullu tunngasunik kinguneqassanngilaq.

5. Innuttaasunut allaffissornikkut kingunissaa

Innuttaasunut inatsisissatut siunnersuut allaffissornikkut kinguneqassanngilaq.

6. Silaannaap pissusnaanut kingunissaa

Silaannaap pissusnaanut inatsisissatut siunnersuut kinguneqassanngilaq.

7. Avatangiisit- pinngortitarlu pillugit kingunissaa

Avatangiisit pillugit inatsisissatut siunnersuut kinguneqassanngilaq.

8. EU-mi inatsisitigut tunngassuteqartut

Inatsisissatut siunnersuut EU-mi inatsisitigut tunngasunik isiginniffinnik imaqqanngilaq.

9. Oqartussat suleqatigiiffiillu il.il. tusarniaaffigineqartut

Inatsisissatut siunnersuummut missingiut piffissami ulloq 24. maj 2024-imiit ulloq 21. juni 2024-imut oqartussaasunut suleqatigiiffinnullu il.il. tulluuttunut tusarniutigalugu nassiunneqarpoq:

Advokatrådet, Advokatsamfundet, Amnesty International, Avannaata Kommunian, Dansk IT, Dansk Socialrådgiverforening, Danske Advokater, Danske Handicaporganisationer, Danske Regioner, Datatilsynet, Den Danske Dommerforening, Politiit pillugit Naammagittaalliuuteqartarfik Arlaannaannulluunniit Attuumassuteqanngitsoq, Det Kriminalpræventive Råd, Direktoratet for Kriminalforsorgen, Dommerfuldmægtigforeningen, Domstolsstyrelsen, Foreningen af Advokater og Advokatfuldmægtige, Foreningen af Offentlige Anklagere, Foreningen af Offentlige Anklagere i Grønland, Foreningen af Statsadvokater, Forsvarerforeningen i Grønland, Grønlandske Advokater, Grønlands Landsret, Grønlands Politiforening, Grønlands Råd for Menneskerettigheder, Kalaallit Illuutaat, Institut for Menneskerettigheder, Justitia, Kommune Qeqertalik, Kommuneqarfik Sermersooq, Kommune Kujalleq, Kommunernes Landsforening, Eqqartuussisut peqatigiiffiat, Kriminalpolitisk Forening (KRIM), Landsforeningen af Forsvarsadvokater, Landsforeningen SIND, Nunatta Illersuisuunera, Lægeforeningen, Nunatsinni Advokatit, PiSiu (Kalaallit Nunaanni Pitsaaliuinnermut Siunnersuisoqatigiit), Politiforbundet i Danmark, Psykiatrifonden, Retspolitisk Forening, Nunatsimmi Eqqartuussivik,

MISSINGIUT

Rigsadvokati, Rigspolitiet, Østre Landsret, Vestre Landsret aamma Qeqqata Kommunia.

10. Immersugaq eqikkaaffiusoq

	Pitsaasumik sunniutissai/aningaasartuutikinneruneri (angeruit, annertussusaa allaguk/Naaggaaruit allaguk »Soqanngilaq«)	Ajortumik sunniutissai/aningaasartuutikinneruneri teqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut immikkoortuinut aningaasaqarnikkut kingunerisut	Soqanngilaq	Suliat amerlanerulernerannik atasumik, inatsisissatut siunnertuut politiinut unnerluussisussaataas unullu kiisalu eqqartuussivinnut aningaasartuuteqarneru nernik killilinnik kinguneqarnissaa naatsorsuutigineqarpoq . Maanga aamma pinerluttunik isumaginnittunut ukiumut 0,7-imiit 4,0 mio.kr.-it missaat aningaasartuutaaneruss asut naatsortuutigineqarpoq, taakkulu Kalaallit Nunaanni Pinerluttunik Isumaginnittuni inissinneqartunut amerlanerusunut atassuteqarsinnaapput.

MISSINGIUT

		Pisortanut inaarutaasumik aningaasaqarnikkut kingunissaasut erseqqissarneqarsinnaa ssapput.
Naalagaaffimmut, kommuninunallu immikkoortuinuatuutilersitsinerup kinguneri	Soqanngilaq	Soqanngilaq.
Inuussutissarsiortunut aningaasaqarnikkut kinguneri	Soqanngilaq.	Soqanngilaq.
Inuussutissarsiortunut allaffissornikkut kinguneri	Soqanngilaq.	Soqanngilaq.
Innuttaasunut allaffissornikkut kinguneri	Soqanngilaq.	Soqanngilaq.
Silap pissusaanut tunngatillug kingunissaa	Soqanngilaq.	Soqanngilaq.
Avatangiisinut-pinngortitamullu tunngassuteqartumik kingunissaa	Soqanngilaq.	Soqanngilaq.
EU-mi inatsisitigut tunngassuteqartut		
EU-mi inuussutissarsiornermu sammititamik malittarisassiornermi tunngaviusut tallimaasut atortuulersinneqarnissaannut akerliuvoq/EU-mi malittarisassiuinermi minnerpaamik piumasaqaatini qaangiivoq (X-ileruk)	Aap	Naagga X

*Inatsisissatut siunnersuummi aalajangersakkanut ataasiakkaanut
oqaaseqaatit*

§ 1-imut

Nr. 1-imut

Eqqartuussivimmi allorinarnerit suugaluartulluunniit tiguneqartillugit, taamaaliornikkut pineqartup inatsimmik unioqquitsineq pillugu unnerluunneqarluni, unnerluussuteqarnissamut piffissaliussaq unitsinneqassasoq, pinerluttulerinermi inatsimmi § 21, imm. 5-imi oqaaseqatigiit siulliit malitsigaat.

Pinerluttulerinermi inatsimmi § 21, imm. 5-imi oqaaseqatigiit aappaat pingajuallu, eqqartuussivimmi alloriarnernik tiguisoqarnerani piffissaliussap unitsinneqartarnera pillugu pingaarnertut malittarisassaq marlunni ilaatitsinnginnernik marlunnik imaqarpoq. Ilaatitsinnginnerit taakku marluk, sulianut akiliisitsissummik akiliisitsinikkut aalajangerneqarsinnaasunut sammitinneqarput.

Eqqartuussisarnermik inatsit malillugu politiit suliarisaannik allaffissornikkut akiliisitsinissamik akuersissutigalugit, aalajangiiffigineqarsinnaasunut, ilanngussinnginneq siulleq tunngassuteqarpoq. Pisuni taakkunani marlunni unnerluussuteqarnissamut piffissaliussaq, pineqartup inatsimmik unioqquitsinermut pissutissalimmik pasineqarnera pillugu ilisimatinneqarnerani, unnerluussuteqarnissamut piffissaliussaq unitsinneqassaaq.

Ilaatitsinnginnerup aappaa pisunut allanut ilaatitsivoq, tassani unioqquitsitsinermut oqartussamit allaffissornikkut pinerluttulerineq pillugu inatsiseqartitsinermi akisussaaneq peqqussutigineqarsinnaalluni. Uani pineqartup inatsimmik unioqquitsinermut pissutissalimmik pasineqarnera pillugu ilisimatinneqarnerani, unnerluussuteqarnissamut piffissaliussaq unitsinneqassaaq.

Pinerluttulerinermi inatsimmi unnerluussuteqarnissamut piffissaliussat unitsinneqartarnerat pillugu aalajangersakkap allanngortinneqarnissaa siunnersuutigineqarpoq, taamaalilluni pinerluttulerinermi inatsimmi § 21, imm. 5-imi aalajangersagaq malillugu ullumikkut oqartussaasut allat assigalugit unnerluussisussaataasut politiillu piffissaliussap unitsinneqarnissaanut piuminartumik suleriaaseqalissammata.

§ 21, imm. 5-imi oqaaseqatigiinni siullerni aalajangersagassatut siunnersuutigineqartoq malillugu, pineqartup pissutissalimmik pasineqarnini pillugu ilisimatinneqarnerani, imaluunniit unnerluussisussaataasut eqqartuussivimmi alloriartoqarnissaanik noqqaassuteqarneranni, tassani pineqartoq inatsimmik unioqqutitsinermut pissutissalimmik pasineqarluni, unnerluussuteqarnissamut piffissaliussaq unitsinneqassaaq.

21, imm. 5-imi aalajangersagaq malillugu ullumikkut oqartussaasut allat assigalugit unnerluussisussaataasut politiillu piffissaliussaq unitsinneqarnissaanut piuminartumik suleriaaseqalernissaat, aalajangersagassatut siunnersuutigineqartup kinguneraa. Taamaalilluni pineqartup pissutissalimmik pasineqarnerminik ilisimatinneqarnerani, unnerluussuteqarnissamut piffissaliussaq unitsinneqassaaq. Aammattaaq unnerluussisussaataasut eqqartuussivimmi alloriartoqarnissaanik noqqaassuteqarneranni, tassani pineqartoq inatsimmik unioqqutitsinermut pissutissalimmik pasineqarluni, unnerluussuteqarnissamut piffissaliussaq unitsinneqassaaq.

Akileeqqussutip pissutissalimmik pasisap e-boks-ianut apuussimanerata, pisoqalisootitsinerup unitsinneqarnissaanik kinguneqartoq, Østre Landsret-ip 27. september 2023 aalajangiinermigut aalajangersimammagu maluginiarneqassaaq.

Inatsisit atuuttut akerliannik, pisoqalisootitsinissamik unitsitsinissamik kinguneqartumik, eqqartuussivimmi alloriarnissamik eqqartuussivimmut noqqaassuteqarnek, unnerluussisussaataasut suliniuteqarneratigut pissaaq. Unnerluussisussaataasut qinnuteqaammik eqqartuussivimmut ingerlatitseqqippata, inuup pineqartup illersuisussamik iverititsisoqarnissanik qinnuteqarnera, immini pisoqalisootitsinissamik unitsitsinissamik kinguneqassanngilaq.

Eqqartuussivimmi alloriarnissamik noqqaassuteqarnek, tassuunakkullu pineqartoq unioqqutitsinermut pissutissalimmik pasineqarluni, pisoqalisootitsinissap unitsinneqarnissaanik kinguneqarpoq. Assersuutigalugu eqqartuussisarnermik inatsimmi kapitali 36 malillugu oqarasuaatip naalaarneqarnissaa pillugu imaluunniit eqqartuussisarnermik inatsimmi kapitali 37 malillugu uppersaatissanik ujaasineq imaluunniit arsaarinnikkallarnek pillugu aalajangiinerit pillugit noqqaassuteqarnek taamaattoq unnerluussuteqarnissamut piffissaliussamik unitsitsinnaavoq. Eqqartuussisarnermik inatsimmi § 321 a malillugu inummut, kingusinnerusukkut pasineqarsinnaasumut imaluunniit pissutissalimmik

pasisaasumut, illersuisussamik ivertitsisoqarnissaanik noqqaassuteqarnerup, kisianni unnerluussuteqarnissamut piffissaliussamik unitsitsisinnaanngilaq.

Eqqartuussivimmi alloriarnissaq pillugu noqqaassuteqarneq tassaavoq immini unnerluussuteqarnissamut piffissaliussamik unitsitsissaaq. Qaagukkut aamma tamanna eqqartuussinermik kinguneqassanersoq, imaluunniit eqqartuussiviup noqqaassummik itigartitsinissani aalajangerneraa, tassani apeqqutaanngilaq.

§ 21, imm. 5-imi oqaaseqatigiit aappaattut aalajangersagassatut siunnersuutigineqartoq malillugu, inatsisitigut pisinnaatitaasumut pisussaatitaasumullu, inummut, inatsisitigut pisinnaatitaasoq pisussaatitaasorlu sinnerlugu, eqqartuussisarnermik inatsimmi § 135 malillugu nalunaarutiginninnernik tiguisisinnaasumut, unnerluussuteqarnissamut piffissaliussaq unitsinneqarsinnaavoq.

Inatsisitigut pisinnaatitaasut pisussaatitaasullu pineqartillugit inatsisitigut pisinnaatitaasup pisussaatitaasullu pissutissalimmik pasisaanerani unnerluussissuteqarnissamut piffissaliussap unitsinneqarnissaa taamaallaat pisinnaasoq, aalajangersagassatut siunnersuutigineqartup kinguneraa. Inunnut kikkunnut inatsisitigut pisinnaatitaasumut pisussaatitaasumullu sunniutilimmik piffissaliussamik unitsitsisoqarsinnaanera, aalajangersakkami tamatuma peqatigisaanik malittarisassiuunneqarpoq.

Aalajangersagassatut siunnersuutigineqartoq malillugu piffissaliussamik unitsitsineq inunnut, eqqartuussisarnermik inatsimmi § 135 malillugu inatsisitigut pisinnaatitaasoq pisussaatitaasorlu sinnerlugu nalunaarutiginninnernik tiguisisinnaasunut pissaaq. Sulisaatsimi inuit amerlasuut, assersuutigalugu sulisitat, aalajangersakkami ilaatinneqassapput.

Akileeqqussutip pissutissalimmik pasisap e-boks-ianut apuussimanerata, pisoqalisootitsinerup unitsinneqarnissaanik kinguneqartoq, Østre Landsret-ip 27. september 2023 aalajangiinermigut aalajangersimammagu maluginiarneqassaaq.

Aammattaaq inatsisissatut siunnersuummi nalinginnaasumik oqaaseqaatini imm. 2.5 innersuussutigineqarpoq.

Nr. 2-mut

§ 99, imm. 6-p atorunnaarsinneqarnissaa pillugu § 1, nr. 5-imi siunnersuutip kingunerisaanik, § 22, imm. 5-imi § 99, imm. 6-imut innersuussineq peerneqassasoq siunnersuutigineqarpoq.

Aammattaaq inatsisissatut siunnersuummi nalinginnaasumik oqaaseqaatini imm. 2.6 innersuussutigineqarpoq.

Nr. 3-mut

Malersuineq pillugu immikkut ittumik aalajangersakkamik ullumikkut pinerluttulerinermi inatsit imaqanngilaq.

Qanilleqqusinnginneq, najugaqataasinnaannginneq aamma anisitsisarneq pillugit inatsit (qanilleqqusinnginneq pillugu inatsit) peqqussutikkut nr. 250-ikkut, 20. marts 2017-imeersukkut Kalaallit Nunaannut atuutilersinneqarpoq taannalu inatsisikkut nr. 572-ikkut, 10. maj 2022-immersukkut allanngortinneqarpoq.

Qanilleqqusinnginneq pillugu inatsit malillugu qanilleqqusinnginnerup, najugaqataasinnaannginnerup imaluunniit anisitsisarnerup unioqquatinneqarnerani qanilleqqusinnginneq pillugu inatsimmi § 21, imm. 1 malillugu kisianni pinerluttulerinermi inatsit malillugu pineqaatissiisoqarsinnaavoq.

Pinerluttulerinermi inatsimmi nutaamik § 88 *b-mik* ilanngussisoqarnissaa siunnersuutigineqarpoq, tamatumalu kingorna, inuup allap eqqissisimaneranik innarliinissamut naleqquttumik periaaseqarluni, systematiskiusumik aamma ataavartumik attaveqarnera, malersuina imaluunniit allatut iliorluni pineqartumik nakkarsaana, inuk malersuisutut eqqartuunneqassaaq.

Iliuuseqartup qanoq iliornera, eqqunngitsuliorfigineqartup eqqissisimaneranik innarliissasoq, aalajangersagassatut siunnersuutigineqartumi piumasaqaataavoq. aalajangersakkami qanoq iliornerit, eqqissisimanissamik innarliinissamut nalinginnaasumik naleqquttut aalajangersakkami ilaatinneqarnissaat, tassunga atatillugu piumasaqaataavoq. Taamaammat eqqunngitsuliorfigineqartup eqqissisimanini innarlerneqartoq misigissagaa, qanoq iliornermi amerlanertigut akuussaaq. Kisianni eqqunngitsuliorfigineqartup pisumi piviusumi innarlerneqartutut misigisimanissaata piumasaqaataanissaa,

MISSINGIUT

aalajangersakkap kingunerinnigilaa, matumani qanoq iliornerup eqqunngitsuliorfigineqartumut tarnikkut imaluunniit assigisaatigut ajoqusiisimanagera ilanngullugu.

Qanoq iliornerup eqqunngitsuliorfigineqartup eqqissisimaneramik innarliissutaasutut naleqquttuunerata nalilerneqarnerani, qanoq iliornerup erseqqissumik pissusaa pingaartinneqassaaq, matumani akuusut imminnut atassuteqarnerat, aamma qanoq iliorneq imaqarnermigut, ilutsimigut aamma akulikissutsimigut eqqissisimannginnermik pilersitsinissamut, nuanniitsumiititsinissamut imaluunniit akornusersuinissamut naleqquttuunersoq – imaluunniit taamatut sunniuteqarniarnersoq, ilanngullugit.

Eqqissisimanissamik innarliineq, aalajangersagassatut siunnersuutigineqartumi ilaatinneqarnersoq pillugu iliuutsip nalinginnaasumik isigineqarnera pingaaruteqartariaqanngilaq, kisianni pissutsit piviusut, qanoq iliornermiittut pingaartinneqassallutik. Taamaalilluni qanoq iliorneq, immiini peqqusersuitsutut ajoqutaanngitsutullu isigineqarsinnaavoq, kisianni ataqatigiissumik isiginninnermi aamma inuup iliuuseqartup eqqunngitsuliorfigineqartullu ataatsimut oqaluttuassartaannut tunngatillugu, iliuuseq qunulersitsilluinnartutut misigineqarsinnaavoq.

Iliuuseqartumit eqqunngitsuliorfigineqartumut saaffiginninnerit ataasiakkaat ataatsimut qanoq iliornermut naleqquttumik aamma aalajangersimasumik pisartumik systemeqartut, kisianni eqqissisimanissamut innarliinertut nalilerneqartut, pissutsit assigiinngitsut malillugit pissutissaqarsinnaassammata, maluginiarneqassaaq. Suliat ataasiakkaat piviusumik naliliiffigineqarnerat tassani apeqqutaassaaq, kisianni assersuutigalugu pisuni, tassani iliuuseqartoq aamma eqqunngitsuliorfigineqartoq ataatsimoorussaminnik meeraqarpata, aamma attaveqatigiinneq meeqqanut pitsaanerususannut tunngassuteqarpat, tamanna atuussinnaavoq.

Taamaalilluni qanoq iliorneq naleqquttumik sivilissusilik, sakkortussuseqartoq taamaammallu ingasassusilik ataatsimut isigalugu uani pineqassaaq.

Tassunga atatillugu assersuutigalugu eqqunngitsuliorfigineqartoq iliuuseqartup qanoq iliornerata kingunerisaanik ileqquminik allanngortitsisimanagersoq pingaartinneqassaaq, matumani suliarternerni aqqummik allamik atuinera imaluunniit oqarasuaatimi normuanik,

MISSINGIUT

najukkaminik allannortitsisimanera il.il. pingaartinneqassallutik. Eqqunngitsuliorfigineqartup killissarititami qaangerneqarnerannik misiginera qanoq iliorfigineqarnerani innarliinerusumi, ilisaqunnartutut akuussaaq, matumani assersuutigalugu qunusaarinerit malunnartut toqqaannanngitsulluunniit ilanngullugit. Qulaani taaneqartutut, eqqunngitsuliorfigineqartoq pisuni piviusuni innarlerneqartutut misigisimanissaa taamaattoq piumasaqaataanngilaq, matumani qanoq iliornerup eqqunngitsuliorfigineqartumut tarnikkut assigisaanilluunniit ajoqusiisimanera ilanngullugu.

Eqqunngitsuliorfigineqartumut eqqissisimanissaanik innarliineq assersuutigalugu tassaasinnaavoq, iliuuseqartup eqqunngitsuliorfigineqartumut systematiskiusumik aamma ataavartumik malersuineranut imaluunniit nakkarsaanageranut atatillugu, qanilleqqusinnginnermik inatsimmi § 1-imik, § 3-mik imaluunniit § 7-imik siunertaqarluni qanilleqqusinnginnermik, najugaqataasinnaannginnermik imaluunniit anisitsinnermik siunertaqarluni unioqqutitsinera. Aalajangersakkap atorineqarnissaanut qanilleqqusinnginnerup unioqqutinneqarsimanera immini naammannngilaq (imaluunniit pisariaqannngilaq), kisianni eqqissisimanissamik innarliineq pineqarnerseq pillugu naliliinnermi, pissuseq taanna pingaartinneqarsinnaavoq.

Attaveqarneq, malersuineq imaluunniit qanoq iliorneq, allatut nakkarsaanagerusutut taaneqarsinnaasoq pineqassasoq, aalajangersakkap atorineqarnissaanut aammattaaq piumasaqaataavoq.

»Attaveqarneq« iliuuseqartumit eqqunngitsuliorfigineqartumut saaffiginninnertut, inuttut, allakkatigut, oqarasuaatikkut aamma/imaluunniit digitaliusumik atassuteqarnertut paasineqassaaq. Toqqaannartumik aamma toqqaannanngitsumik imaluunniit oqaatsinik atuinngikkaluarluni atassuteqarnerit aalajangersakkami ilaatinneqarput. Inuttut attaveqarnermi iliuuseqartup assersuutigalugu eqqunngitsuliorfigineqartup najugaanut, suliffianut imaluunniit sumiiffinnut allanut takkunnera, tassani iliuuseqartoq eqqunngitsuliorfigineqartup sumiinneranik ilisimasaqarluni, inuttut attaveqarnermi ilaatinneqarput. Kisianni pisut, tassani iliuuseqartoq, nalaatsornerinnakkut aamma sivikitsumik assersuutigalugu eqqunngitsuliorfigineqartumik aqqusinnermi naapitsinera, tassani iliuuseqartoq sunniivigeqatigiinnissamik aallarniinani, inuttut attaveqarnermi ilaatinneqannngillat.

Allakkatigut attaveqarnerni allakkat imaluunniit digitaliunngitsumik attaveqatigiinnermut ilutsit assingusut ilaatinneqarput, tamatumalu peqatigisaanik oqarasuaatikkut attaveqarnermi attaveqarnerit, oqarasuaatikkut attaveqatit atorlugit ingerlanneqartut, matumani allakkamik-imaluunniit assimik oqariartuutitalimmik nassiussineq (assersuutigalugu sms-it aamma mms-it) ilanngullugit. Iliuseqartup assersuutigalugu eqqunngitsuliorfigineqartup attaveqarfiginissaa anguniarlugu, oqarasuaatip akisartuani oqariartuuteqarpat, oqarasuaatikkut attaveqarneq pineqassaaq.

Naggataagut attaveqarnerit suugaluartulluunniit, internetti paasissutissat siammarterneqarnissaannut systemi assigisaaluunniit atorlugu ingerlasut, digitaliusumik attaveqarnermi ilaatinneqarput. Assersuutitut taaneqarsinnaapput e-mail-it, internettikut chatternerit, internettikut oqaloqatigiinnerit aamma inoqatinut attaveqaatit, matumani Facebook, Instagram aamma Twitter ilanngullugit. Attaveqarnernut Skype, Facetime, WhatsApp, Viber aamma sianernissamut programmit assigisaat atorlugit ingerlanneqartunut, internettilu aqqutigalugu videokkut sianernernut, tamanna aamma atuuppoq.

Attaveqarnernut assersuutaasinnaapput internettip atorneqarneratigut imaluunniit paasissutissanik siammarterinissamut systemimik assigisaanik atuinikkut attaveqarnerit pisut, tassani iliuseqartoq elektroniskiusumik naatsumik allakkamik, mail-imilluunniit nassiussisimalluni imaluunniit Facebook-imi oqariartuuteqarsimalluni. Mail-i imaluunniit elektroniskiusumik naatsumik allataq, teknikkikkut ajornartorsiuteqarneq pissutigalugu, imaluunniit pingajuusumut saaffiginnerup eqqunngitsuliorfigineqartumut ingerlateqqinneqannginnera pissutigalugu, eqqunngitsuliorfumut apuutinngippat, pisut taakku pissutsit assigiinngitsut malillugit malersueriarnertut nalilerneqarsinnaapput. Kisianni, saaffiginnineq eqqunngitsuliorfigineqartumut sammitivinneqartutut isigineqarsinnaanissaa, soorlu aamma piffissami nassiussiffiusumi saaffiginnissutip eqqunngitsuliorfigineqartumit paasineqarnissaa iliuseqartup siunertarisimassagaa, pisuni taamaattuni piumasaqaataavoq.

Toqqaannanngitsumik attaveqarnermut assersuutaasut, ilaatinneqarsinnaasut tassaapput saaffiginninnerit, inuk qanigisaasoq pingajuusoq aqqutigalugu saqqummiunneqartut, imaluunniit saaffiginninnerit, tamanut ammasumik allagarsiussinikkut saqqummiunneqartut, assersuutigalugu inoqatinut attaveqaatigiiffinni. Iliuseqartup tunissutini imaluunniit sumik tigussaasunik allanik eqqunngitsuliorfigineqartup najugarisaanut suliffianulluunniit nassiussinera imaluunniit ilisinera, taamaaliorneralu

MISSINGIUT

eqqunngitsuliorfigineqartumut oqariatuutitut siunertaqarluni,
assersuutigalugu toqqaannanngikkaluamik qunusaarinerulluni,
asanninnermik nalunaarutiginninnerulluni assigisaaluunniit
oqariatuuteqarluni, aammattaaq toqqaannanngikkaluamik
attaveqarnerussaaq. Toqqaannanngikkaluamik attaveqarnek inuk
pingajuusoq atorlugu pippat, pissutsit assigiinngitsut malillugit taanna
pinerluttulerinermi inatsimmi § 13 malillugu, aalajangersagassatut
siunnersuutigineqartumik taassuminnga unioqqutitsinermik peqataasutut
eqqartuunneqarsinnaavoq.

Iliuuseqartoq qanillivinngikkaluarluni eqqunngitsuliorfigineqartumik
malinnittoq, isiginnaartoq imaluunniit nakkutilliisoq, taamaalilluni qanoq
iliorneq attaveqarnernut qulakkiivillugu taaneqarsinnaanani, »malersuineq«-
tut paasineqassaaq.

Pisut iliuuseqartup – digitaliunngitsumik imaluunniit digitaliusumik –
eqqunngitsuliorfigineqartup qanoq iliornera pillugu paasissutissanik
katersiniarnera – assersuutitut taaneqarsinnaapput.

Digitaliunngitsumik malersuineq taamaalilluni assersuutigalugu
iliuuseqartup najuunermigut eqqunngitsuliorfigineqartup najugaanik
nakkutiginninnera imaluunniit eqqunngitsuliorfigineqartup najukkani
suliffiniluunniit qimappagu, eqqunngitsuliorfigineqartup malersuineranik
nakkutiginninneranillu kinguneqarsinnaavoq.

Digitaliusumik atortut, assersuutigalugu GPS-it, eqqunngitsuliorfigineqartup
angallataanut ikkunneqartut atorlugit, imaluunniit
eqqunngitsuliorfigineqartup namminerisaminik inuunera pillugu qanorlu
iliornera pillugit paasissutissanik katersinissaq siunertaralugu,
eqqunngitsuliorfigineqartup oqarasuaataani anngallattakkami, qarasaasiaata
assiliissutaani, e-mail-iani, messenger-iani, aningaaserivimmi nuussinerani
assigisaanilluunniit, akuerisaanngitsumik pulanerani, malersuineq aamma
pisinnaavoq.

Aammattaaq eqqunngitsuliorfigineqartup namminerisaminik inuunera
pillugu qanorlu iliornera pillugit paasissutissanik katersinissaq
siunertaralugu, iliuuseqartup eqqunngitsuliorfigineqartup ilaqutaanut,
ikinngutaanut imaluunniit pisortani oqartussanut saaffiginnissuteqarnera,
tassaasinnaavoq malersuineq.

Qanoq iliornerit, pissutsit assigiinngitsut malillugit attaveqavinnertut artorsartitsissutaasinnaasut pineqarnersut, malersuinerup aalajangersakkatut siunnersuutigineqartumut ilaatinneqarnissaanut pingaartuupput.

Oqariartaaseq »allatut iliorluni nakkarsaaneq« atituumik paasineqassaaq aamma iliuutsit suussusaat tamarmik ilaatinneqarsinnaapput, matumani timikkut ersersitsinerit aamma attaveqatigiinnerit assigiinngitsunik ilusillit ilanngullugit.

Pissutsit assigiinngitsut malillugit nakkarsaanerusinnaasut, eqqunngitsuliorfigineqartup pigisaanik aseruinerut imaluunniit eqqunngitsuliorfigineqartoq pillugu paasissutissanik siammarterinertut, matumani eqqunngitsuliorfigineqartup nammineq pillugu paasissutissanik tamanut saqqummiussineq kiisalu ingutsissutinik siaruarterineq aamma eqqunngitsunik unnerluutiginninneq ilanngullugit, assersuutitut taaneqarsinnaapput.

Eqqunngitsuliorfigineqartoq pillugu ingutsinerit siaruarterniarlugit iliuuseqartup eqqunngitsuliorfigineqartup suliffianik, ilaqutaanik, ikinngutaanik il.il. attaveqarnera, paasissutissanik kukkusunik pisortani oqartussanut tunniussinera, matumani politiinut eqqunngitsunik nalunaarutiginninnerit ilanngullugit, eqqunngitsuliorfigineqartup namminerisamik assiutaanik nassiussinera (taakku pinerluttulerinermi inatsimmi § 95-imik unioqqutitsinerat apeqqutaatinnagu), nioqqutissanik amerlasoorujussuarnik eqqunngitsuliorfigineqartunut tunniunneqartussanik inniminniinera, imaluunniit eqqunngitsuliortumut sumiinneranik ilisimasaqarneq pillugu akulikitsunik eqqunngitsumut oqariartuut ilanngullugit, uani pineqarsinnaapput. Iliuuseqartup iliuutsit nammineq sinnerluni allanut iliuusereqqullugit naalakkiutigisimappagit, aalajangersagaq aamma atorneqarsinnaassammat, maluginiarneqassaaq.

Taamaalilluni ulluinnarni qanoq iliorneq nalinginnaasoq, kisianni ataatsimut naliliineq tunngavigalugu, matumani ingammik iliuuseqartup eqqunngitsuliorfigineqartullu siuniani immikkut atassuteqarnerat aamma qanoq iliornerup akulikissusaa ilanngullugit nakkarsaanertut pissuseqalernera, uani pineqarsinnaavoq.

Qanoq iliorneq »systematiskiusoq aamma ingerlaavartoq« pineqassasoq, aalajangersagassatut siunnersuummi aammattaaq piumasaqaataavoq. Qanoq iliorneq, uteqattaarneqartoq aamma nalinginnaasumik iluseqartutut isigineqartoq pineqassasoq, oqaatsip imarisaata kinguneraa. Innarliinerit

ataasiakkaat, assersuutigalugu sianerneq nakkarsaanermik imalik imaluunniit eqqunngitsuliorfigineqartup nammineerluni najugaqarfigisaani imaluunniit suliffimmut aqutaani taassuminnga ataasiarluni attaveqarneq il.il., taamaalilluni aalajangersakkap atuuffissaata avataaniippoq. Innarliinerit ilungersunartorujussuit pineqarpata, taamaattoq pisuni ikittuinnarni ataatsimut naliliineq aallaavigalugu taakku naammassinnaapput. Systematiskiusumik aamma ataavartumik qanoq iliorneq pillugu piumasagaatip, qanoq iliornerup innarliinernik assigiimmik suussusilinnik pinngitsoorani innarliinerunissaanik kinguneqanngilaq.

Qanoq iliornerup ataavartuunera pineqassappat, aammattaaq qanoq iliorneq taanna piffissap ingerlanerani pisimasariaqarpoq. Piffissap taassuma qanoq sivistiginissaa pillugu, ataatsimut piviusumik naliliineq apeqqutaatinneqassaaq. Tassani ilaatigut qanoq iliornerup sakkortussusaa aamma ajoquserneqarnermik kingunerisinnaasaa ilaatinneqassapput. Pisut akuttunngitsut imaluunniit sivistunngitsut pineqarpata, naak piffissap sivikitsuarakasiup, aalajangersagassatut siunnersuutigineqartup atorneqarnissaa, kingunerisinnaavaa.

Pinerluttulerinermik inatsimmi § 11 malillugu, pisariaqartumik siunertaqartoqarsimanissaa, aalajangersagassatut siunnersuutigineqartup unioqqutinneqarnerani pineqaatissinneqarnermik eqqartuunneqarnissamut piumasagaataavoq. Kinaassusersiunngitsumik pissutaaqataasunut tamanut tunngatillugu, iliuuseqartoq siunertaqassaaq.

Qanilleqqusinnginneq pillugu inatsimmi § 1, § 3 imaluunniit § 7 malillugu, pinertup qanilleqqusinnginneq, najugaqataasinnaannginneq imaluunniit anisitsineq pillugu nalunaarfigineqarnerata kingorna, iliuuseqartoq atassuteqarpat, malersuippat imaluunniit allakkut eqqunngitsuliorfigineqartumut nakkarsaappat, siunertaqarneq aallaaviatigut pisimassaaq. Pisumi tassani pinerluttulerineq pillugu inatsiseqartitsineq malillugu akisussaaffimmik, qanilleqqusinnginneq pillugu inatsimmi § 21, imm. 1-imut ataatsimoortillugu pisuutitsisoqarsinnaavoq. Eqqunngitsuliorfigineqartup aalajangersagassatut siunnersuutigineqartup unioqqutinneqarsimanera pillugu politiinut nalunaarutiginnissimanera imaluunniit qanilleqqusinnginneq pillugu inatsit malillugu inerteqquteqarnissamik noqqaassuteqarsimanera, iliuuseqartup ilisimalerpagu, aamma iliuuseqartoq piffissap taassuma kingorna attaveqarpat, malersuippat imaluunniit allatut eqqunngitsuliorfigineqartoq nakkarsarpagu, nalinginnaasumik siunertaqarneq assigisaanik pissaaq.

Pissutsit assigiinngitsut malillugit, pinerluttulerinermi inatsimmi § 88 b malillugu politiinut nalunaarutiginnittoqarsimanngikkaluartoq imaluunniit qanilleqqusinnginneq il.il. pillugit noqqaassuteqartoqarsimanngikkaluartoq, politiit suliami akuliuppata, siunertaqarluni piaarineq aamma pisinnaavoq. Tamanna assersuutigalugu pisuni, tassani politiit malersuisoq nakkarsaasorluunniit, oqaaqqissaarinertut ilusilerlugu ilitersorpasuk (imaappoq qanoq iliorneq nangeqqinneqarpat, politiit pineqartumut qanilleqqusinnginnermik, najugaqataasinnaannginnermik imaluunniit anisitsinnermik pineqartumut tunniussisinnaanerat pillugu pisortatigoortuunngitsumik mianersoqqussuteqarneq) kiisalu qanilleqqusinnginnerup, najugaqataasinnaannginnerup imaluunniit anisitsinerup kingunerisai pillugit ilisimatitsissutigippasuk pisinnaavoq.

Naggataagut assersuutigalugu eqqunngitsuliorfigineqartup erseqqissumik paatsuugassaannngitsumillu – oqaatsitigut iliuuseqarnermigulluunniit – iliuuseqartumut qanoq iliorneq takutinneqartoq kissaatigineqanngitsoq nalunaarutigippagu, aamma siunertaqarluni piaarineq pisisinnaassaaq.

Qanoq iliorneq sioqqullugu eqqunngitsuliorfigineqartoq iliuuseqartorlu arlaannaatigulluunniit imminnut attaveqarsimanngippata, iliuuseqartumit saaffiginninnerit amerlasuut, assersuutigalugu tunissutinik, allakkanik, oqariartuutinik nassiussinerit imaluunniit timikkut attaveqarnerit, toqqaannanngikkaluamik malunnartissinnaassavaat, qanoq iliorneq eqqunngitsuliorfigineqartup eqqissisimaneranik innarliinissamut naleqquttuusoq, tamannalu iliuuseqartup paasisimassavaa. Eqqunngitsuliorfigineqartoq iliuuseqartorlu siusinnerusukku aappariilersimappata- imaluunniit aappariittut inuusimappata, aamma aappariinnerup pissusaata, eqqunngitsuliorfigineqartup iliuuseqartumik atassuteqarnissaminik ilimanoluinnartumik kissaateqannginneranik kinguneqarpat, tamanna aamma pisinnaavoq. Taamaattoq eqqunngitsuliorfigineqartup attaveqarnissamik kissaateqannginnera iliuuseqartup ilisimasimasimaneraa pillugu, suliami piviusumi pissutsit erseqqinnerusut apeqqutaassapput.

Eqqunngitsuliorfigineqartumut saaffiginninneq iliuuseqartumit aallarneqarsimanersoq, pisuni tamani pingaaruteqarpoq. Eqqunngitsuliorfigineqartoq nammineerluni iliuuseqartumut atassuteqarsimappat, qanoq iliorneq taamaalilluni aallaaviatigut eqqunngitsuliorfigineqartup eqqissisimaneranik innarliinissamut naleqquttuussanngilaq. Eqqunngitsuliorfigineqartup – oqaatsitigut iliuutsikkulluunniit – qanoq iliorneq pineqartoq erseqqissumik aamma

MISSINGIUT

paatsuugassaanngitsumik piumanngikkini takutissimappagu, assersuutigalugu akuusut siusinnerusukkut aappariilersimappata imaluunniit aappariittut inuusimappata, aamma aappariinnerup naanerani pissutsit, eqqunngitsuliorfigineqartup iliuuseqartumik attaveqarnissamik kissaateqannginneranik sakkortuumik ilimasulersitsippata, tamanna ingammik pingaartinneqarsinnaavoq.

Eqqunngitsuliorfigineqartup qanoq iliornerata, taassuma iliuuseqartumik attaveqarnissanik kissaatiginngikkaa, erseqqissumik paatsuugassaanngitsumillu paasinarsisinngippagu, taamaattoqarnerata, iliuuseqartup pisariaqartitsisumik siunertaqarnerannut tunngatillugu pissutsit assigiinngitsut malillugit akerliusinnaavoq. Assersuutigalugu eqqunngitsuliorfigineqartoq attaveqarfigineqarnissaq piumanagu oqarsimappat, kisianni tamatuma kingorna nammineerluni iliuuseqartoq attaveqarfigippagu tamanna pisinnaassaaq.

Taassuma attaveqatigiinnissaq kissaatiginagu, eqqunngitsuliorfigineqartumit siuliani nalunaarutiginninnerit, iliuuseqartup pisariaqartinneqartumik siunertaqarsimanissaannut piumasaqaataanngillat. Iliuuseqartumut siuliani inuttut atassuteqarsimanngitsumik inummik malersuineq imaluunniit attaveqarneq il.il., taamaammat pissutsit assigiinngitsut malillugit aamma aalajangersakkap atuuffissaanut ilaatinneqarsinnaassapput.

Qanoq iliorneq ima sivisussuseqarpat, sakkortussuseqarpat aamma ingasassuseqarpat, iliuuseqartumut eqqunngitsuliorfigineqartup eqqissisimanissaanik innarliineq pineqartoq, iliuuseqartumut erseqqilluni, siunertaqarneq pissutsit assigiinngitsut malillugit aamma pisut taakku avataanni pisinnaavoq.

Taamaalilluni suliami piviusumi, pisariaqartinneqartumik siunertaqarneq pisimanersoq, pissutsit erseqqinnerusut apeqqutaatinneqassapput.

Suliani ataasiakkaani pineqaatissiinerup aalajangerneqarnera, suliami pissutsit attuumassuteqartut tamaasa eqqartuussivimmit nalilersuiffigineqarnerisigut tunngaveqartinneqassaaq. Taamaalilluni pineqaatissiinerup aalajangerneqarnissaanut atatillugu ilaatigut qanoq iliornerup suussusaa, annertussusaa aamma sivisussusaa, eqqunngitsuliorfigineqartup iliuuseqartumut atassuteqarnera aamma eqqunngitsuliorfigineqartumut taamaattoqarsimappallu taassuma qanigisaanut, qanoq iliornerup kinguneru, eqqartuussiviup pingaartissavai.

MISSINGIUT

Pineqaatissiisummik eqqartuussiviup aalajangiineranut atatillugu, unnerluunneqartup siusinnerusukkut malersuineq pillugu imaluunniit qanilleqqusinnginnermik unioqqutitsineq pillugu eqqartuunneqarsimanera, imaluunniit eqqunngitsuliorfigineqartoq pisumi iliuuseqartumut arlaatigut attaveqarnissamik pinngitsaalineqarsimanera, pissutsit sukannernerulersitsisutut ilaatinneqartariaqarpoq. Iliuuseqartoq eqqunngitsuliorfigineqartup meeraanut ukiukitsunut angajoqqaajuppat, imaluunniit eqqunngitsuliorfigineqartoq iliuuseqartorlu suleqatigiippata, tassunga taakku assersuutitut taaneqarsinnaapput.

Pineqaatissiissutip toqqarneqarneranut aamma sivisussusilerneqarneranut, iliuuseqartup inuttut atugarisai, matumani pinerluttulerinermi inatsimmi § 121, imm. 1, nr. 2 malillugu pineqartup inatsisunik unioqqutitseqqinnginnissaasut pisariaqartinneqartutut naatsorsuutigineqartut ilanngullugit, eqqartuussiviup qajassuutissavai. Kisianni aamma inatsimmik unioqqutitsinerup ingasassusaa, matumani § 121, imm. 1, nr. 1 malillugu iliuuserineqartup pineqartup akiorneqarnissanut inuiaqatigiit soqutigisaat ilanngullugit, qajassuunneqassapput.

Pinerluttulerinermi inatsimmi § 88 b-mi aalajangersagassatut siunnersuutigineqartumi, pissutsit assigiinngitsut malillugit qanoq iliornerit, siulianili namminneq pinerluutinngortinneqareersut, matumani assersuutigalugu pinerluttulerinermi inatsimmi § 88 a malillugu tarnikkut nakuusernerit ilanngullugit, ilaatinneqarsinnaassammata maluginiarneqassaaq.

Ingammik aalajangersagassatut siunnersuutigineqartup aamma § 88 a-p akornanni pissutsit pineqartillugit, § 88 b-mi aalajangersagassatut siunnersuutigineqartoq malillugu pineqaatissiinermi – pinerluttulerinermi inatsimmi § 88 a-p akerlianik – iliuuseqartoq eqqunngitsuliorfigineqartup inoqutigiinni ilaaffigisaani attaveqarnera imaluunniit attaveqarsimanera, piunasaqaataanngimmat maluginiarneqassaaq. Assersuutigalugu arnaatigisimasamut/angutaatigisimasamut qanoq iliornerit, iliuuseqartup najugaqatigisimanngisaanut, aamma suleqatigisamut, inummut tusaamasasumut assigisaannulluunnit, qanigisatut isigineqarsinnaanngitsumut qanoq iliornerit, aamma pinerluttulerinermi inatsimmi § 88 a malillugu eqqartuussutigineqarsinnaassanngitsut, taamaalilluni aalajangersagassatut siunnersuutigineqartumi ilaatinneqarsinnaassapput.

Pinerluttulerinermi inatsimmi § 88 a-p atorpeqarnissaanut qanoq iliorneq ileqqussaangitsumik allamut aqutsinissamut naleqquttuunissaa piumasaqaataammat maluginiarneqassaaq. Iliuuseqartup qanoq iliornera eqqunngitsuliorfigineqartup aqunneqarnissaasut naleqquttuunissaa, pinerluttulerinermi inatsimmi § 88 b-tut aalajangersagassatut siunnersuutigineqartup atorpeqarnissaanut piumasaqaataangilaq. Eqqissisimanissamik innarliineq nakkarsaataasoq, kisianni iliuuseqartup eqqunngitsuliorfigineqartumut tunngatillugu pissaaneqalernissaanut naleqqutinngitsoq, taamaalilluni pineqarpat, pinerluttulerinermi inatsimmi § 88 a-mut ilaatinneqanngikkaluarluni, pissutsit assigiinngitsut malillugit atassuteqarneq aalajangersagassatut siunnersuutigineqartumi ilaatinneqarsinnaassaaq. Taamaalilluni unioqqutitsineq § 88 a-mi aamma § 88 b-tut siunnersuutigineqartumi ilaatinneqarpat, ataatsimoortillugit eqqartuussutigineqarsinnaassapput, aamma taamaaliornikkut pineqaatissiineq ataatsimut uuttortarneqassaaq.

Taassuma saniatigut pinerluttuliornernut ilutsit allat, malersuinermtu atillugu pinerluutigineqartut, assersuutigalugu pinerluttulerinermi inatsimmi § 58 malillugu eqqunngitsumik unnerluutiginninneq, § 59 malillugu pinerluttuliorneq pillugu pisortani oqartussanut eqqunngitsumik nalunaarutiginninnermik il.il. tunniussineq, § 94, nr. 1 malillugu allakkanik ammaaneq, § 94, nr. 4 malillugu pisinnaatitaanani inunnik sumiiffinni tikikkuminaatsuniittunik pisinnaatitaanani assiliineq imaluunniit qinngutit atorlugit isiginnaarneq, § 95 malillugu namminerisamik inuunermtu tunngasunik nalunaarutini imaluunniit assinik pisinnaatitaanani ingerlatitseqqinneq, § 96 malillugu illumi eqqissisimanissamik innarliineq, imaluunniit § 113 malillugu aserorterineq uani pineqarsinnaapput. Aalajangersagassatut siunnersuutigineqartoq taanna aamma pinerluttulerinermi aalajangersakkat naleqquttut allat malillugit ataatsimoortillugit eqqartuussisoqarsinnaasoq, pisuni taamaattuni aamma naatsorsuutigineqarpoq. Aalajangersakkap allap tamakkiisumik iliuutsimi siullertut taaneqartumi imarineqartoq ilanngulluinnarsimappagu, aamma taamaammat iliuuseq iliuuserineqarsimasoq naammattumik pissusilersorsimappagu, pisumi piviusumi pinerluttulerinermi inatsimmi aalajangersakkamik atuineq taamaallaat pinngitsoortinneqarsinnaavoq.

Qanilleqqusinnginneq, anisitsineq imaluunniit najugaqataasinnaannginneq, aalajangersagassatut siunnersuutigineqartup unioqqutinneqarneranut atillugu unioqqutinneqarpat, qanilleqqusinnginneq pillugu inatsimmi § 21, imm. 1-p unioqqutinneqarneranut aammattaaq eqqartuussisoqarsinnaavoq.

Pinerluttulerinermi inatsimmi § 88 b-tut aalajangersagassatut siunnersuutigineqartoq malillugu unnerluussinermut atatillugu, qanilleqqusinnginneq pillugu inatsimmi ilitersuisussaatitaanermik pisussaaffik § 15, imm. 2-miittoq malillugu, qanilleqqusinnginneq pillugu inatsimmi malittarisassat pillugit eqqunngitsuliorfigineqartoq ilitersuunneqassanersoq, politiit isumaliutigisariaqarpaat. Pissutsit assigiinngitsut malillugit qanilleqqusinnginnerup, najugaqataasinnaannginnerup imaluunniit anisitsinerup taassuma noqqaassuteqarneratigut aalajangiiffigineqarsinnaanera pillugu eqqunngitsuliorfigineqartup ilitersuunneqarnissaa, taamaammat naleqquttuusinnaavoq.

Aammattaaq inatsisissatut siunnersuummi nalinginnaasumik oqaaseqaatini imm. 2.1 innersuussutigineqarpoq.

Nr. 4-mut

Kalaallit Nunaanni eqqartuussisarnermi kinaassutsimik atornerluineq pinerluutinngortinneqanngilaq, taamaattoq pinerluttuliornermik allamik pinerluuteqarnissaq siunertaralugu, inuup allap kinaassusianik atornerluineq pippat, pinerluttulerinermi inatsimmi aalajangersakkat arlallit nassaassapput.

Pinerluttulerinermi inatsimmi § 95 a-tut nutaamik aalajangersakkamik ilanngussisoqarnissaa siunnersuutigineqarpoq, tamatumalu kingorna inuk pisinnaatitaanani inuk alla pillugu paasissutissanik atuisoq, matumani cpr-normu, ateq aamma asseq ilanngullugit, ileqqussaannngitsumik taannaasuusaartoq, imaluunniit pisinnaatitaanani atortussanik ingerlatitseqqittoq, tassani inuup taassuma saqquminera, ileqqussanngitsumik uukapaasialalugu paasissutissanik taamaattunik atuisimasoq, kinaassutsimik atornerluisutut eqqartuunneqassaaq.

Paasissutissanik, matumani cpr-normumik, atermik aamma assimik, ileqqussaannngitsumik aallaasuusaarniarluni atuneq, siunissami pinerluttulerinermi inatsiseqartitsineq malillugu akisussaatitsissutaassasoq, § 95 a, nr. 1-itut aalajangersagassatut siunnersuutigineqartup kinguneraa. Taamaaliorneq uiggiullugu naak inatsisit unioqqutinneqanngikkaluartut, aamma kinaassutsimik atornerluinerup digitaliusumik digitaliunngitsumilluunnii pisimanera apeqqutaatinagu, tamanna atuuttussaavoq.

MISSINGIUT

Kinaassutsimik atornerluinerup aalajangersimasumik siunertaqarluni pisimanissaanik, assersuutigalugu inuup allap isumaqarfigineqarnerata ajoquserneqarnissaa imaluunniit aningaasatigut iluanaaruteqarnissap siunertarineqarnera, aalajangersagaq piumasaqaatitaqanngilaq. Kinaassutsimik atornerluinerit taamatut ilusillit taamaalillutik aallaaviatigut ullumikkut nikanarsaaneq aamma peqquserluttuliorneq pillugit pinerluttulerinermi inatsimmi aalajangersakkani ilaatinneqareersimassapput.

»Kinaassutsimik atornerluineq«-mi pisut, tassani iliuuseqartup pisinnaatitaani paasissutissanik atuineratut, matumani ileqqussaannngitsumik allaasuusaarniarluni cpr-normumik, atermik aamma assimik atuinera ilanngullugu, paasineqassaaq. Kinaassutsip inuup allap kinaassusaanut naapertuuteqqissaarnissaa, piumasaqaataanngilaq. Assersuutigalugu pisut pisinnaapput, tassani paasissutissat katitigaasut atorneqarlutik, taamaalilluni inuup assinga allamik atilerlugu assigisaanilluunniit iliornerit atorneqarlutik.

»Paasissutissat« pillugit oqaatsip imarisaa atituumik paasineqassaaq aamma assersuutigalugu cpr-normu, ateq, asseq, oqarasuaatip normua, namminerisamik najugarisaaq atsiorderlu tassani ilaatinneqarput.

Eqqunngitsuliorfigineqartoq akuersiteqqaarnagu, inuup kinaassusaa atermik imaluunniit assermik sunaassusilik atorlugu, inoqatinut attaveqaatini ilisarititsissummik eqqunngitsumik iliuuseqartoq pilersitsippat imaluunniit aappassarsiorfimmi aappassarsiorlutut ilisarititsissummik pilersitsippat, aalajangersagassatut siunnersuutigineqartoq assersuutigalugu pisuni taakkunani atorneqarsinnaassaaq. Iliuuseqartup assersuutigalugu inuup piviusup allap assinganik pisussaataitanani atuinerani, kisianni paasissutissanik allamik atuinani, taamaaliornikkut ilisarititsissut inummik allamik paarlaanneqarluni, tamanna aamma atuutissaaq. Pisuni, taakkunani inoqatinut attaveqaatini allagarsiussatut taaneqartartumik pilersitsisoqarluni, inuk alla piviusoq pillugu pisinnaatitaanani paasissutissat atorneqarlutik, aamma aalajangersakkap atuuffissaanut ilaatinneqarsinnaassapput.

Iliuuseqartoq pisinnaatitaanani inuup allap kinaassusaanik atuippat aamma inuup taassuma kinaassusaa nassiussutut allallugu, taannaasuusaarluni allakkanik piviusunik najugaqarfinnut nassiussuippat, taamaaliorneq aammattaaq aalajangersakkamut ilaatinneqarsinnaassaaq.

Iliuuseqartup »pisinnaatitaanani« paasissutissat pineqartut, matumani cpr-normu, ateq aamma asseq ilanngullugit, atuisimanissaa pillugu piumasaqaatip, inuk paasissutissanut tunngassuteqartoq, taamaaliornissamut

MISSINGIUT

akuersissuteqarsimappat, atuinerup aalajangersagassatut
siunnersuutigineqartup atuuffissaanut ilaannginnissaa kinguneraa.

Iliuuseqartoq aamma »allaasuusaarnissaminut« siunertaqarsimassaaq.
Iliuuseqartup, allaasuusaarnissani siunertaralugu paasissutissanik, matumani
cpr-normumik, atermik assimillu, atuinissaminik siunertaqarsimanissaa,
tamatuma kinguneraa.

Allaasuusaanerup »ileqqussaannngitsuunissaanik« piumasaqaatip, aamma
pisuni akuersissuteqartoqarsimatillugu – pisoqarsimasinnaasoq, taakkunani
taannaasuusaarnermi inuk alla pillugu paasissutissat atornerqarnerat
aalajangersakkamik unioqqutitsinerunaviaratik – tamatuma kinguneraa.

Aasersuutigalugu pissutsit assigiinngitsut malillugit, pisut, tassani
namminerisamik attaveqarnerni, ilaarutilliiinernut quiasaarutiginninnernullu
atatillugu imaluunniit eqqumiitsuliornermut atatillugu, paasissutissat
atornerqarnerat uani pineqarput. Ilaarutilliiinerni, eqqumiitsuliani il.il. inuit
tusaamasat assiisa il.il. atornerqarsinnaanerat annertunerusoq, tassunga
atatillugu naatsorsuutigineqartariaqarpoq. Assersuutit tamakkiissut uani
pineqanngillat, aamma pisuni ataasiakkaani allaasuusaarluni
saqqummersitsinerup ileqqussaannngitsuunera piviusumik
nalilersorneqartussaassaaq, ilaatigut killiligaanani oqaaseqarsinnaatitaaneq
mianeralugu.

Politiit ullumikkutut annertussusilimmik kinaassutsit eqqunngitsut atorlugit
ilaatigut pinerluttoqarsimaneranik paasiniaassinnaassussaammata, matumani
politiit assersuutigalugu inoqatinut attaveqaammi ilisarititsissut, internettimi
ilisarititsissutip piviusup assigisaa atorsinnaammassuk, tassunga atatillugu
maluginiarneqassaaq. Pisuni taamaattuni allap kinaassusaata
ileqqussaannngitsumik atornerqarnera pineqanngilaq.

Kinaassutsimik atornerluineq pillugu suliat ingasassusaat
assigiinngiaarsinnaapput aamma annikinnerusumik innarliinertut
pissuseqarlutik ataasiartumik pisuusinnaapput, aammali alla pillugu
paasissutissanik ingasattumik atornerluinerusinnaallutik. Sivisunerusumik,
systematiskiusumik aamma uteqqiattumik pisut pineqarpata, ingasattumik
kinaassutsimik atornerluineq ilaatigut pisinnaavoq. Kinaassutsimik
atornerluinerup qanoq uppernartiginera, aamma taamaaliorneq
eqqunngitsuliorfigineqartumut immikkut ittumik innarliinersoq, matumani
assersuutigalugu eqqunngitsuliorfigineqartoq pillugu paasissutissat pornomut
tunngassuteqartumi ilaatinneqarnersut ilanngullugit, eqqartuussiviup

MISSINGIUT

pineqaatissiisummik aalajangiinerani pingaartinneqartussaassaaq. Ajoqusiineq eqqunngitsuliorfigineqartumut qanoq annertuginissaanut naatsorsuutigineqarsinnaasut, matumani assersuutigalugu inoqatinut attaveqarfinni arlalinni kinaassutsimik atonerluineq pisimanersoq ilanngullugit, aamma eqqunngitsuliorfigineqartup atassuteqarfiinut, matumani sulisitsisuanut, ilaqutaanut ikinngutaanut il.il., qanoq annertutigisumik iliuuseqartup attaveqarsimanera, aammattaaq pingaartinneqartussaassaaq.

Pineqaatissiinermik toqqaanermi sivissusiliinermilu, iliuuseqartut ataasiakkaat inuttut atugarisaat, matumani pinerluttulerinermi inatsimmi § 121, imm. 1, nr. 2 malillugu pineqartup inatsisinik unioqqutitseqqinnginnissaanut pisariaqartutut naatsorsuutigineqartut ilanngullugit, eqqartuussiviup pingaartissavai. Kisianni inatsimmik unioqqutitsinerup ingasassusaa aamma pingaartinneqassaaq, matumani § 121, imm. 1, nr. 1 malillugu iliuutsit pineqartut akiorneqarnissaat pillugit inuiaqatigiit soqutigisaat ilanngullugit.

Inunnik paasissutissanik suliarinnittarneq, assersuutigalugu internettikkut eqqunngitsunik, inuup allap atia aamma/imaluunniit assia, atorlugit ilisarititsisummik pilersitsinermut atatillugu pisut, pissutsit assigiinngitsut malillugit aammattaaq Inunnik paasissutissanik suliarinnittarneq pillugu inatsimmik, kunngip peqqussutaatigut nr. 1238-ikkut, 14. oktober 2016-immersukkut Kalaallit Nunaanni atuutilersinneqartumik, aamma peqqussutikkut nr. 898-ikkut, 26. juni 2023-imeersukkut allanngortinneqartumik unioqqutitsinerusinnaammata, aammattaaq maluginiarneqassaaq.

Assersuutigalugu eqqunngitsumik nalunaaruteqarneq pillugu pinerluttulerinermi inatsimmi § 57-p, nalunaarutinin il.il. pisinnaatitaanani ingerlatitseqqinneq pillugu § 95-p, nikanarsaaneq pillugu § 99-ip, tillinniarnaq pillugu § 102-p, peqquserlunneq pillugu § 104-p imaluunniit paasissutissat pillugit peqquserlunneq pillugu § 105-p unioqqutinneqarnerisa peqatigisaanik imaluunniit kingornatigut, pisuni, taakkunani kinaassutsimik atonerluineq pillugu aalajangersagassatut siunnersuutigineqartoq unioqqutinneqarluni, aalajangersagassatut siunnersuutigineqartup aalajangersakkat allat taakku ataatsimoortillugit atorneqarsinnaanissaat naatsorsuutigineqarmat, aammattaaq maluginiarneqassaaq.

Pinerluttulerinermi inatsimmi kapitalit tallimaanni malittarisassat malillugit ingerlatseqatigiiffiit il.il. (inatsisitigut pisinnaatitaasut pisussaataasullu)

pinerluttulerineq pillugu inatsiseqartitsineq malillugu
akisussaatinneqarsinnaapput.

Inuup taassuma saqquminera ileqqussaannngitsumik uukapaatitsiviginiarlugu, pisinnaatitaanani atortussanik ingerlatitseqqinneq, tassani inuk alla pillugu paasissutissat atorineqarsimallutik, matumani cpr-normu, ateq aamma asseq ilanngullugit, siunissami pinerluttulerineq pillugu inatsiseqartitsineq malillugu akisussaattissasoq, § 95 a, nr. 2-mi aalajangeragassatut siunnersuutigineqartup kinguneraa.

Naak taamaaliornermut uiggiullugu inatsisit unioqqutillugit iliuuseqartoqanngikkaluartoq, aamma kinaassutsimik atornerluineq digitaliusumik digitaliunngitsumilluunniit pinera apeqqutaatinnagu, tamanna atuutissaaq. Kinaassutsimik atornerluineq aalajangersimasumik siunertaqarluni pisimanissaa, aalajangersakkami piumasaqaataanngilaq.

Iliuuseqartup »pisinnaatitaanani« atortussanik ingerlatitseqqissimanissaa pillugu piumasaqaatip, tassani inuk alla pillugu paasissutissat atorineqarsimallutik, matumani cpr-normu, ateq aamma asseq ilanngullugit, inuk paasissutissanut tunngassuteqartoq, taamaaliornissamut akuersissuteqarsimappat, ingerlatitseqqinneq aalajangersagassatut siunnersuutigineqartup atuuffiata iluaniinnginnissaa kinguneraa.

Pisuni iliuuseqartumit atortussat tamanut tikiinneqarsinnaasunngortinneqarneri, matumani internettikkut, imaluunniit atortussat allanut ingerlateqqinneqarneri, »ingerlatitseqqinneq«-tut paasineqassapput.

Inuup allap saqqumineranik uukapaatitsineq pillugu piumasaqaatip »ileqqussaannngitsumik« iliuuseqarfigineqarsimanissaata – aamma pisut, taakkunani akuersissuteqarsimaneq pisimalluni – pisimasuusinnaapput, taakkunani atortussat ingerlateqqinneqarneri aalajangersakkamik unioqqutitsinerussanatik, taakkunanilu inuk alla pillugu paasissutissat, inuup taassuma uukapaasiarinissaanut atorineqarsimallutik.

Assersuutigalugu pissutsit assigiinngitsut malillugit, namminerisamik naapeqatigiinnerni ilaarutilliisoqartillugu, quiasaarutiginnittoqartillugu imaluunniit kulturimut imaluunniit eqqumiitsuliornernut atatillugu, paasissutissat atorineqarnerat, uani pineqarput. Inuit tusaamasat assiinik il.il. ilaarutilliinerni, eqqumiitsuliornerni il.il. atuisinnaaneq annertunerusoq, tassunga atatillugu naatsorsuutigineqarpoq. Assersuutit tamakkiisuunngitsut pineqarput, aamma pisuni ataasiakkaani inuup allap saqqumineranik

MISSINGIUT

ukapaasiarinninneq ileqqussaannigitsuunersoq pillugu piviusumik naliliisoqartussaassaaq, ilaatigut killiligaanani oqaaseqarsinnaatitaaneq qajassuullugu.

»Atortussat«-tut ilaatigut allatatut, nipitut- imaluunniit assit pillugit atortussatut paasineqassapput.

»Inuup allap saqqumineranik ukapaasiarinninneq«-tut oqaatsit imarisai, ima paasineqassapput, ilaatigut atortussat attuumassuteqartut sunnerneqarlutik allanngortinneqarlutilluunniit, taamaalilluni inuup pineqartup qanoq iliornera, isikkua, oqaaseqaatai il.il. eqqortuunngitsumik saqqummersinneqarlutik.

Taamaalilluni pissutsit assigiinngitsut malillugit, pissutsit deepfakes-iusut, imaappoq teknikkilerineq nammineerluni eqqarsarsinnaasoq atorlugu nipi aamma video ukapaasiarineqarlutik, taamaalilluni inuk videoni il.il. ilaasutut saqqummersinneqarluni, tassani pineqartup piviusumi iliuuserisimanngisaanik imaluunniit oqaatigisimanngisaanik pineqartoq arlaanik iliorluni imaluunniit oqaaseqarluni, aalajangersagassatut siunnersuutigineqartumi ilaatinneqarsinnaapput. Aammattaaq pisut tassaasinnaapput, eqqunngitsuliorfigineqartup kiinaa assigiinngitsunik ilusilerlugu atortussani pornomut tunngassuteqartuni qiortorlugu ilanngunneqarluni, taamaalilluni eqqunngitsuliorfigineqartoq kinguaassiuutitigut atoqateqarnerni pineqartuni peqataasimasutut saqqummiunneqarluni. Aammattaaq assersuutigalugu pisuni, tassani eqqunngitsuliorfigineqartup assia videomi nipitalimmi qiortarlugu ilanngunneqarsimasinnaavoq, tassani eqqunngitsuliorfigineqartoq oqaaserisimanngisaminik oqaaseqartillugu saqqummersinneqarluni.

Pisut qulaani taaneqartut pissutsit assigiinngitsut malillugit aamma pinerluttulerinermi inatsimmi aalajangersakkanit allanit aalajangersaavigineqarsinnaammata maluginiarneqassaaq, matumani pinerluttulerinermi inatsimmi kannguttaatsuliorneq pillugu § 84 ilanngullugu.

Iliuuseqartoq pisinnaatitaanani atortussanik ingerlatitseqqinnissaminut siunertaqarsimassaaq, tassani inuup allap saqquminerata ukapaasiarinissaanut, inuk alla pillugu paasissutissat, matumani cpr-normu, ateq, asseq il.il. atorneqarsimallutik. Ukapaasiarinninnerup taamaattup pisimaneranut iliuuseqartoq siunerunertaqarsimassaaq, aamma atortussat ingerlateqqinneqarnissaannut pisinnaatitaani siunertaqarsimassalluni.

Kinaassutsimik atornerluinerit pillugit suliat ingasassutsimikkut assigiinngiaarsinnaapput aamma pisut ataasiakkaajusinnaapput annikinnerusumik innarliissutaasut, aammali alla pillugu paasissutissanik ingasattumik atornerluinerusinnaallutik. Ingasattumik kinaassutsimik atornerluineq ilaatigut, piffissami sivilisunerusumi, systematiskiusumik aamma uteqqiattumik pisut pineqarpata, pisinnaalluni. Kinaassutsimik atornerluineq qanoq uppernartiginera, aamma eqqunngitsuliorfigineqartumut immikkut ittumik innarliisimanera, matumani assersuutigalugu eqqunngitsuliorfigineqartoq pillugu paasissutissat pornomut tunngassuteqartumik atorneqarsimanera, eqqartuussiviup pineqaatissiisummik aalajangersaanerani pingaartinneqartussaassaaq. Aammattaaq eqqunngitsuliorfigineqartumut ajoquserneqarnermik sunniutaasinnaasutut naatsorsuutigineqartoq suunersoq, matumani kinaassutsimik atornerluineq inoqatinut attaveqarfinni arlalinni ingerlanneqarsimanersoq, aamma iliuuseqartup qanoq annertutigisumik eqqunngitsuliorfigineqartup qanigisaanut, matumani sulisitsisuanut, ilaqutaanut, ikinngutaanut il.il, attaveqarsimanera ilanngullugit, pingaartinneqartussaassapput.

Pineqaatissiisummik qinersinermi aalajangiinermilu, iliuuseqartut ataasiakkaat inuttut atugarisaat, matumani pinerluttulerinermi inatsimmi § 121, imm. 1, nr. 2 malillugu pineqartup pinerluuteqaqqinnginnissaanut pisariaqartinneqartutut naatsorsuutigineqartut ilanngullugit, eqqartuussiviup aammattaaq qajassuutissavai. Kisianni inatsimmik unioqqutitsinerup ingasassusaa, matumani § 121, imm. 1, nr. 1 malillugu iliuutsit pineqartutut ittut akiorneqarneqarnissaannut inuiaqatigiit soqutigisaat ilanngullugit, aamma qajassuunneqassapput.

Aammattaaq inunnik paasissutissanik suliarinninneq, assersuutigalugu inuup allap atia aamma/imaluunniit assia atorlugu internettikkut ilisarititsissutinik eqqunngitsunik pilersitsinermut atatillugu pisut, aammattaaq pissutsit assigiinngitsut malillugit inunnik paasissutissanik suliarinnittarneq pillugu inatsimmik unioqqutitsinerusinnaammata aamma maluginiarneqassaaq, taannalu Inunnik paasissutissanik suliarinnittarneq pillugu inatsit kunngip peqqussutaatigut nr. 1238-ikkut, 14. oktober 2016-imeersukkut Kalaallit Nunaannut atuutilersinneqarpoq, taannalu peqqussutikkut nr. 898-ikkut, 26. juni 2023-imeersukkut allanngortinneqarsimavoq.

Eqqunngitsumik nalunaaruteqarneq pillugu pinerluttulerinermi inatsimmi § 57-p, nalunaarutinik il.il. pisinnaatitaanani ingerlatitseqqinneq pillugu § 95-p, nikanarsaaneq pillugu § 99-ip, tillinniarnaq pillugu § 102-p,

MISSINGIUT

peqquserlunneq pillugu § 104-p imaluunniit paasissutissat pillugit peqquserlunneq pillugu § 105-p unioqqutinneqarnerisa peqatigisaannik imaluunniit kingornatigut, pisuni, taakkunani kinaassutsimik atornerluineq pillugu aalajangersagassatut siunnersuutigineqartoq unioqqutinneqarluni, aalajangersagassatut siunnersuutigineqartup aalajangersakkat allat taakku ataatsimoortillugit atorneqarsinnaanissaat naatsorsuutigineqarmat, aammattaaq maluginiarneqassaaq.

Pinerluttulerinermi inatsimmi kapitalit tallimaanni malittarisassat malillugit ingerlatseqatigiiffiit il.il. (inatsisitigut pisinnaatitaasut pisussaataasullu) pinerluttulerineq pillugu inatsiseqartitsineq malillugu akisussaatinneqarsinnaapput.

Aammattaaq inatsisissatut siunnersuummi oqaaseqaatini nalinginnaasumi imm. 2.3 innersuussutigineqarpoq.

Nr. 5-imut

Nikanarsaaneq pillugu unnerluussut tunngavissaqanngitsoq (atortussaajunnaarsitsinermik taaneqartartoq), eqqunngitsuliorfigineqartup piunasaqaataa malillugu eqqartuussutip naanerani tamanna pillugu oqaaseqaatip ilanngunneqarnissaa pillugu, pinerluttulerinermi inatsimmi § 99-imi imm. 5-imi aalajangersakkamik imaqarpoq. eqqartuussutip tamanut saqqummiunneqarnerani aningaasartuutit matussuserneqarnissaannut aningaasat amerlassusaasa aalajangiiffigineqarnissaat aalajangersakkami imm. 6 aalajangersakkamik imaqarpoq.

§ 99, imm. 6 pisariaqanngitsutut ullutsinnullu naleqqutinngitsutut atorunnaarsinneqassasoq aamma imm. 5 nutaamik oqaasertaliorneqassasoq, siunnersuutigineqarpoq.

Taamaalilluni nikanarsaaneq pillugu unnerluussut tunngavissaqanngippat (atortussaajunnaarsitsineq), eqqunngitsuliorfigineqartup piunasaqaataa malillugu eqqartuussutip naanerani tamanna pillugu oqaaseqaatip ilanngunneqarnissaa § 99, imm. 5-itut siunnersuutigineqartumi takuneqarsinnaavoq.

§ 99, imm. 5-p atuuttup ingerlateqqinneqarnera pineqarpoq, aamma aalajangersagassatut siunnersuut taamaallaat pasilliutitut nikanarsaataasunut (statement of facts/piviusut nassuiarneqarnerannut) atorneqarnissaanit

MISSINGIUT

allaanerusumik, allamik allannguisoqarnissaa siunertarineqanngilaq, illuatungaani aalajangersagaq atuuttoq pasilliutitut, ilaatigut aamma “nalilimmik tamatumunnga tunngatillugu ileqqorissaarnermut, eqqumiitsuliornermut, kusanartuliornermut, uppernermut imaluunniit allamat tunngatillugu naliliineq”-rnut (nalilimmik naliliinerit/value judgements) tunngatillugu atorineqartarluni.

Tamanna pillugu piumasaqaateqartoqarpat, aamma allakkut § 99-imik unioqutitsisoqarsimappat, atortussaajunnaarsitsineq pinngitsoorneqarsinnaassanngilaq.

Aammattaaq inatsisissatut siunnersuummi nalinginnaasumik oqaaseqaatini imm. 2.6 innersuussutigineqarpoq.

Nr. 6-imut

Eqqartuunneqarsimasup imaluunniit allap, eqqartuussutip kingorna oqaaseqaammik, nalunaarummik imaluunniit assimik il.il., pinerluttulerinerimi inatsimmi §§ 94-imik, 95 a-mik aamma 99-imik attuumassuteqartumik, nungutitsinissat pillugu pinerluttulerinerimi inatsit ullumikkut aalajangersakkamik imaqqanngilaq.

Internettikkut paasissutissanik pisinnaatitaanani ingerlatitseqqinneq pillugu eqqartuussut, pissutsit assigiinngitsut malillugit, paasissutissat, taakku pinerluttulerinerimi inatsimmi § 166, imm. 2 aamma 167, imm. 2 malillugit internettimi inuup unioqutitsisutut akisussaasuusup paasissutissat atorsinnaappagit imaluunniit atorpagit, arsaarinnissutigineqarnerannik aalajangersakkamik imaqsinnaassaaq. Taamaattoqarpat suliap suliarineqarnerata nalaani pissutsit assigiinngitsut malillugit eqqartuussisarnermik inatsimmi kapitali 37-imi malittarisassat malillugit arsaarinnittoqarsinnaassaaq.

Inunnik paasissutissanik suliarinnittarneq pillugu inatsit (inunnik paasissutissanik suliarinnittarneq pillugu inatsit) kunngip peqqussutaatigut nr. 1238-ikkut, 14. oktober 2016-imeersukkut aamma peqqussutikkut nr. 898-imi, 26. juni 2023-imi allanngortinneqartukkut, Kalaallit Nunaannut atuutilersinneqarpoq.

Paasissutissat eqqunngitsutut imaluun

niit salloqittaataasutut imaluunniit assigisaanik inatsisit imaluunniit inatsit malillugu aalajangersakkanik atulersinneqartunik unioqqutitsisut, tamanna pillugu inuup noqqaassuteqarneratigut, paasissutissanik akisussaasuusup naqqissagai, nungutissagai imaluunniit matussagai, Inunnik paasissutissanik suliarinnittarneq pillugu inatsimmi § 37, imm. 1-p aalajangersarpaa. Tamatuma saniatigut inunnik paasissutissanik suliarinnittarneq pillugu inatsimmi § 5-imi tunngaviusumik inunnik paasissutissanik suliarinnittarnermut piumasaqaatit isiginiarneqassapput. Inunnik paasissutissat suliarineqarnerat ima aaqqissuunneqassasoq, paasissutissat pisariaqartinneqartumik nutarterneqarnerat suliarineqassalluni, aamma paasissutissat eqqunngitsut imaluunniit salloqittaataasut suliarineqannginnissaat qulakkeerniarlugu nakkutilliineq pisariaqartinneqartoq suliarineqassasoq, ilaatigut tamatuma kinguneraa. Inunnik paasissutissat, eqqunngitsuusut imaluunniit salloqittaataasut paasineqarpat, piaarnerpaamik nungutinneqassapput imaluunniit aaqqinneqassallutik. Aammattaaq inunnik paasissutissat katersorneqarsimasut ima toqqorneqassanngillat, toqqorsineq piffissami sivilunerusumi, inunnik paasissutissat suliarineqarnerannut siunertaasut eqqarsaatigalugit pisariaqartinneqartumit sivilunerusumik, nalunaarsorneqarsimasup kinaassusersineqarnissaanik periarfissiissalluni.

Oqaaseqaatit taakku il.il. tikikkuminartumiinnissaat aamma annertunerusumik siammarterneqarnissaat akornuserniarlugu, oqaaseqaatit, nalunaarutit imaluunniit assit il.il., pinerluttulerinermi inatsimmi §§ 94-ip, 95 a-p aamma 99-ip unioqqutinneqarnerannut atassuteqartut, nunguterneqartarnissaat pillugit pinerluttulerinermi inatsimmi § 99 a-mi aalajangersakkamik nutaamik ilanngussisoqarnissaa siunnersuutigineqarpoq.

Siunnersuummi *imm. 1* malillugu, §§ 94-imik, 95 a-mik aamma 99-imik unioqqutitsineq pillugu eqqartuunneqarnermi, oqaaseqaatit, nalunaarutit imaluunniit assit il.il., tamanna periarfissaappat, nungutinneqassasut tamatuma peqatigisaanik aalajangerneqarsinnaavoq.

Inunnik paasissutissanik suliarinnittarneq pillugu inatsisip (inunnik paasissutissanik suliarinnittarneq pillugu inatsisip), Inunnik paasissutissanik suliarinnittarneq pillugu inatsit kunngip peqqussutaatigut nr. 1238-ikkut, 14. oktober 2016-imeersukkut Kalaallit Nunaannut atuutilersinneqartup, taannalu peqqussutikkut nr. 898-ikkut, 26. juni 2023-imeersukkut allanngortinneqarsimasup suliassa qarfianni aalajangersagaq taanna immikkut ittumik nungutiterinissamik pisussaaffimmik imaqassanngilaq. Pisussaaffik taanna taarsiullugu inunnik paasissutissanik suliarinnittarneq pillugu

MISSINGIUT

inatsimmi § 37, imm. 1-imi malittarisassiuunneqarpoq, tassanilu inuk nalunaarsorneqarsimasoq tamanna pillugu noqqaassuteqarpat, paasissutissanik akisussaasuusup, paasissutissat, eqqunngitsuusutut imaluunniit salloqittaataasutut paasineqartut imaluunniit assingusumik inatsit imaluunniit inatsisip malitsigisaanik aalajangersagaq atulersinneqartoq unioqqutillugu suliarineqarsimasut, iluarissavai, nungutissavai imaluunniit mattutissavaa.

Nungutitsinissaq pillugu pisussaaffik pillugu, pisut inunnik paasissutissanik suliarinnittarneq pillugu inatsisip avataaniittut pineqartillugit, aalajangersagassatut siunnersuutigineqartup nungutitsinissaq aalajangersarpaa, soorlu aamma pinerluttulerinermik suliap suliarineqarneranut atatillugu pisussaaffiup taassuma eqqartuussivinni atortinneqarnissaa aalajangersakkap kingunerissaagaa. Pisuni Inunnik paasissutissanik suliarinnittarneq pillugu inatsisip malillugu nungutitsinissaq pillugu pisussaaffiup avataaniittuni, aalajangersakkap taamaalilluni nungutitsinissamik pisussaaffiliiffia tassaavoq assersuutigalugu inunnik paasissutissanik suliarinnittarneq pillugu inatsimmi §§ 1 aamma 2 (inatsisip suliaasaqarfia) atorineqarsinnaannginneranut tunngatillugu, imaluunniit inatsimmik unioqqutitsineq inunnuunngitsoq allanut pisimaneranut tunngatillugu, nunguerinissamik pisussaaffeqarneq aalajangersakkakut aalajangersarneqarnera.

§ 94-imek, 95-imek aamma 99-imek unioqqutitsisimasutut inuup eqqartuunneqarnerani pisunut, siunnersuut killilerneqarpoq. Tamanna pillugu eqqartuussummi taamaalilluni siunnersuut malillugu tamatuma peqatigisaanik, oqaaseqaammik imaluunniit nalunaarummik imaluunniit assimik il.il., saqqummiussisimasut, siammarterisimasut imaluunniit ingerlatitseqqissimasutut eqqartuussutaasoq nunguterneqassasoq, tamatuma peqatigisaanik aalajangerneqarsinnaassaaq.

Oqaaseqaatinut, nalunaarutitut imaluunniit assitut il.il., §§ 94-imek, 95 a-mik imaluunniit 99-imek unioqqutitsinermut pisariaqartinneqartumik atassuteqanngitsunut aalajangersagassaatut siunnersuut atorineqarsinnaanaviannilaq. Pisuni, oqaaseqaammik imaluunniit nalunaarummik nikanarsaanermik imaqartumik § 99-ip unioqqutinneqarneranut atatillugu eqqartuussisoqarnerani, aalajangersakkap atorineqarfiani, soorlu aamma asseq taanna, § 95 a-mi aalajangersagassatut

siunnersuutigineqartoq unioqqutillugu ingerlateqqinneqarsimappat, aalajangersagaq atorineqassaaq.

Inunnik paasissutissanik suliarinnittarneq pillugu inatsimmi malittarisassat malillugit nungutitsinissamut pisussaaffik ataannassaaq, naak tamanna aalajangersagassatut siunnersuutigineqartup malitsigisaanik atuutinneqarsinnaanngikkaluarpat imaluunniit piviusumik atuutinneqaraluarpat. Taamaalilluni inunnik paasissutissanik suliarinnittarneq pillugu inatsimi malittarisassat malitsigisaanik nungutitsinissamut pisussaaffik aalajangersagassatut siunnersuutigineqartup arlaannaatigulluunniit annikillisissanngilaa. Taamaalilluni nalunaarsorneqarsimasup toqqaannaq paasissutissanik akisussaasuusumut nungutitsinissamik pisinnaatitaaffini toqqaannaq innersuussutigisinnaassavaa, soorlu aamma nalunaarsorneqarsimasoq Datatilsyn-imut naammagittaalliuuteqarsinnaassasoq, taakkumi inunnik paasissutissanik suliarinnittarneq pillugu inatsimmi §§ 58, imm. 1-p, aamma 59, imm. 1-p malitsigisaanik paasissutissanik akisussaasoq paasissutissanik nungutereqqullugu peqqussuteqarfigisinnaassavaat.

Aalajangersakkami imm. 1 malillugu pisussaaffik, unioqqutitsinermut eqqartuunneqartumut pisussaaffiussasoq, *imm. 2-mi oqaaseqatigiinni siullerni* siunnersuutigineqarpoq.

Taanna eqqartuunneqartoq oqaaseqaammik, nalunaarummik imaluunniit assimik atuisinnaanngippat, pisussaaffik taamatut atuisinnaasumut pisussaaffinngortinneqarsinnaasoq, tassunga uiggiullugu *imm. 2-mi oqaaseqatigiit aappaanni* siunnersuutigineqarpoq.

Pingaarnertut pisussaaffik eqqartuunneqartumut pisussaaffiussasoq, aalajangersakkap kingunerissavaa. Taamaalilluni, taakku oqaaseqaammik il.il. eqqartuunneqartup atorsinnaanngisaanik atuisinnaappata, aalajangersagaq allanut taamaallaat atorineqarsinnaassaaq. Oqaaseqaatip il.il. sumiiffinni arlalinni nassaassaanera pissutigalugu – naammattumik nunguterinissap anguneqarnissaanut tamanna pisariaqartinneqarpat – eqqartuunneqartunut aamma allanut amerlanerusunut aalajangersagaq atorineqarsinnaavoq.

Atuisinnaaneq ima paasineqassaaq, oqaaseqaatip il.il. pineqartup nunguterneqarnissaa periarfissaassalluni. Periarfissaq taanna assersuutigalugu internettikkut nittartakkamik, oqaaseqaammik imaqartumik (inatsisit malillugit) aaqqissuisinnaagaanni, imaluunniit Facebook-imi aaqqissuussinermi atuinermut atermik aamma oqaatsimik akuerineqaatissamik peqarluni (inatsisit malillugit) isersinnaagaanni, tassani oqaaseqaat il.il. siammarterneqarsimalluni, periarfissaassaaq.

Tamanna eqqartuussamut imaluunniit inummut allamut periarfissaappat, oqaaseqaat il.il. nunguterneqassasoq, peqqussutip kinguneraa. Oqaaseqaatinik, eqqartuussap atorsinnaanngisaanik, naak eqqartuussap nammineq taakku siammartersimagaluarai, pisussaaffik taamaattoq inunnik paasissutissanik suliarinnittarneq pillugu inatsisip malitsigisaanik pisussaaffiunngippat, taakku nungutitsinissaat siunertaralugu, maskiinanut ujaasissutinut, inoqatinut attaveqarfinnut il.il. eqqartuussaq saaffiginneqqullugu peqqussummik isumasiuineq imaqartinneqarsinnaanngilaq. Kisianni aalajangersagaq malillugu maskiinat ujaasissutit, inoqatinut attaveqarfiit il.il. toqqaannartumik pisussaaffilerneqarnissaat periarfissaavoq.

Oqaaseqaatip il.il. peerneqarnissataa periarfissaanissaa pillugu nangaassutip, atuakkiortunut il.il. naleqqiullugu, tusagassiuutini imarineqartut aqquutigalugit unioqqutitsisimasutut eqqartuunneqarsimasunut, Tusagassiuisarnermi akisussaassuseqarneq pillugu Inatsisartut inatsisaanni ilaatinneqartoq malillugu, pisussaaffik aaqqissuisumut, tusagassiorfiup internettikkut nittartagaanik atuisinnaasumut, pisussaaffinngortinneqassasoq, tamatuma kinguneraa.

Taamaalilluni ilaatigut, tassani atuakkiortoq, siusinnerusukkut aaqqissuisoq imaluunniit naqiterisitsisoq aalajangersakkanik taaneqartunik unioqqutitsisimasutut, assersuutigalugu internettikkut aviisimi ilanngutassiami, aamma tassani taakku arlaata tusagassiuutip internettikkut aviisiani atuisinnaanngitsillugu taamaammallu ilanngutassiamik peersinissamut periarfissaangitsillugu, pisut taamaattut eqqumaffigineqarnissaat aalajangersakkami siunertarineqarpoq. Oqaaseqaammik il.il., tusagassiummi, Tusagassiuisarnermi akisussaassuseqarneq pillugu Inatsisartut inatsisaanni ilaatinneqartumi, imaritinneqartukkut siammarterneqarsimasumik, peersitsinissamik pisussaaffik, taamaalilluni pisuni tamani imm. 2 malillugu qaqugukkulluunniit aaqqissuisumut akisussaasuusumut pisussaaffinngortinneqartussaassaaq, pissutigalugu taanna assersuutigalugu

MISSINGIUT

atuakkiortumut akerliusumik, tusagassiuutip internettikkut aviisianik atuisinnaammat, matumani ilanngutassianik peersisinnaanermik imaluunniit allannguisinnaanermik periarfissaqarnera ilanngullugu.

Tassunga atatillugu erseqqissumik aallaaviusutut nikanarsaaneq tusagassiuutitigut, Tusagassiuisarnermi akisussaassuseqarneq pillugu Inatsisartut inatsisaanni ilaatinneqartumi, imaritinneqartutigit nikanarsaataasimanissaa piumasaqaataassaaq. Kinaluunniit Tusagassiuisarnermi akisussaassuseqarneq pillugu Inatsisartut inatsisaanni § 9 malillugu tusagassiuutip imaanik akisussaatinneqarpat, aalajangersakkap atornerqarnissaa, piumasaqaatip taassuma kinguneraa. Taamaalilluni tamanna pillugu peqqussut piviusumik EMRK-p (Europami Inuit pisinnaatitaaffii pillugit isumaqatigiissut) artikilianik 10-mik naapertuuttut nalilerneqarpat, nikanarsagaaneq taanna pissutissaqartumik tusagassiuutimit ingerlateqqinneqarsimappat, innarliineq, inummit tusagassiummut atassuteqanngitsumit innarliutaasimappat, aaqqissuisoq aallaaviatigut innarliinermik peersitseqqullugu pisussaatinneqarsinnaanngilaq.

Iliuseqartumit allaanerusoq elektroniskiusumik tusagassiummik atuisinnaatillugu, nalunaarutigineqartup imaluunniit assip pineqartup nungutinneqarnissaanik peqqussut, pineqartup ingammik EMRK-mi artikili 10 malillugu killiligaanani oqaaseqarsinnaatitaanera innarlernerqassanersoq pillugu eqqartuussiviit pisuni tamani immikkut ittumik nalilersuisussaasariaqassammata, tassunga atatillugu maluginiarneqassaaq.

Nikanarsaanerup nunguterneqarnissanut susoqartoqarnissaa piviusumik naliliinermik tunngaveqassaaq. Assersuutigalugu ilanngutassiaq pineqarpat, ilanngutassiap internettikkut peerneqarneranit (saqqummiussaaajunnaarsillugu) nikanarsaaneq nungutinneqarsinnaavoq. Nalunaarsuiffimmit peerneqarnera naammannaviannngilaq, pissutigalugu, naak ujaasinermi oqaaseq ikiorsiullugu nassaarineqarsinnaanera periarfissaanngikkaluartoq, ilanngutassiaq sulii internettikkut nassaassaasussummat. Pisussaaffik Google-mut imaluunniit assingusumik maskiinamut ujaasissummut, internettimi sumiiffimmi, oqaaseqaatip il.il. siammarterneqarfigisaani atuisinnaanngitsumut pisussaaffinngortinneqarsimappat, pisussaaffik kisianni nalunaarsuiffimmiit peerneqarneranik kinguneqassaaq. Tusagassiuutit ilanngutassiaq aallaqaataani suliarineqartoq il.il. toqqoqqasinnaagaat naatsorsuutigineqarpoq, toqqorsinerullu eqqunngitsuliorfigineqartumut nutaamik nikanarsaanissaq pitsaaliussavaa, imaappoq ilanngutassiaq tamanit tikinneqarsinnaajunnaarsinneqarsimassaaq.

Pissutsit assigiinngitsut malillugit ilanngutassiani eqqunngitsuliortup kinaassusaata ilisarnarunnaarsinneqarnera imaluunniit oqaatsip nikanarsaataasup imaluunniit oqaaseqatigiit peerneqarnerat naammassaaq, taamaalilluni ilanngutassiaq allakkut internettimiiginnarsinnaassammat. Kisianni tamanna tunngavigalugu eqqunngitsuliorfigineqartoq, aamma oqaaseqaat sorleq pineqarnersoq paasineqarsinnaappat, tamanna nammannaviannngilaq.

Pinerluttulerinermi suliani inummut akuunngitsumut pisussaaffiup pisussaaffinngortinneqarnissaa pillugu piumasaqaateqartoqarpat, oqaaseqarsinnaanissaq siunertaralugu taanna suliami eqqartuussivimmi sassaqquneqassaaq.

Aammattaaq inatsisissatut siunnersuummi oqaaseqaatini nalinginnaasuni imm. 2.4 innersuussutigineqarpoq.

Nr. 7-imut

Inunnut, pinerluttulerinermi inatsimmi § 157, imm. 1 malillugu eqqartuussivimmi aalajangiineq malillugu napparsimavimmi imaluunniit paaqqinniffimmi inissinneqarsimasunut, anisinnaatitaaneq il.il. pillugit ullumikkut Kalaallit Nunaanni immikkut ittumik malittarisassanik peqanngilaq, soorlu aamma inunnut taakkununga anisinnaatitaaneq pillugu allaffissornikkut aalajangiinissamut pisariaqartinneqartumik piginnaatitsissummik tunniussisumik, pinerluttulerinermi inatsit aalajangersakkanik imaqanngitsoq.

Pinerluttulerinermi inatsimmi § 157, imm. 1 malillugu inunnut eqqartuussivimmit aalajangiineq malillugu, Kalaallit Nunaanni imaluunniit Danmarkimi inissinneqarsimasunut, allaffissornikkut malittarisassanik aalajangersaanissamut inatsiseqarnermut ministerip pisariaqartinneqartumik piginnaasinneqarnissaata pilersinneqarnissaa siunertaralugu, pinerluutulerinermi inatsimmi § 160 a-tut aalajangersakkamik nutaamik ilanngussisoqarnissaa siunnersuutigineqarpoq.

Ataani taaneqartoq malillugu, *isumaqatigiinniartartut akuusut eqqarsaatigalugit ilanngussinnginneq ataaseq minillugu*, inatsimmik allanngorneri ilanngullugit nalunaarutiginninnermi nr. 1360-imi 28. september 2022-imeersumi, kingusinnerusukkut allanngortinneqartumi, qallunaat pillaaasarnermik inatsisaanni § 73 a, aalajangersagassatut siunnersuutigineqartup assigaa.

Naalakkersuisut, social- aamma boligministeri kiisalu indenrigs-aamma sundhedsministeri isumaqatigiinniarfigereerlugit, § 157-p malitsigisaanik aalajangiineq malillugu inunnut napparsimavimmi unitsinneqarsimasunut imaluunniit paaqqinniffimmi allami inissinneqarsimasunut anisinnaatitaaneq il.il. pillugit nalunaaruteqarnissaq pillugu inatsiseqarnermut ministeri malittarisassanik aalajangersaasinnaasoq, § 160 a-mi *oqaaseqatigiittut siullertut* siunnersuutigineqartup aalajangersarpaa. Aammattaaq inatsisissatut siunnersuummi oqaaseqaatini nalinginnaasuni imm. 2.7 innersuussutigineqarpoq.

Anisinnaatitaaneq il.il. pillugit akuersissutit nalunaarutigineqarnissaannut utertinneqarnissaannullu piginnaasaqarnerup, tarnikkut napparsimasunut katsorsaavinni nakorsaanermut, aamma social service pillugu inatsimmi § 108 malillugu najugaqarfinni, kommuninit, nunap ilaanit aamma namminersortunit ingerlanneqartuni, aqutsisumut aamma aqutsisup sinniisaanut, suliassiissutigineqarsinnaanera pillugu, *oqaaseqatigiit aappaattut* siunnersuutigineqartoq malillugu, inatsiseqarnermut ministeri malittarisassanik aalajangersaasinnaavoq.

Aalajangiinerit, malittarisassat taakku malillugit aalajangerneqartut, *oqaaseqatigiit pingajuattut* siunnersuutigineqartoq malillugu allaffissornikkut oqartussanut qaffasinnerusunut saqqummiunneqarsinnaanngitsut, tassunga atatillugu inatsiseqarnermut ministerip aammattaaq aalajangersinnaavaa.

Inatsisissatut siunnersuutigineqartoq akuerineqassappat – Naalakkersuisut, social- aamma boligministerip kiisalu indenrigs-aamma sundhedsministerip siunnersuummi isumaqatigiinniarnissaat

MISSINGIUT

aalajangerneqartut nangaassutigalugu – inunnut ilaatigut pinerluttulerinermi inatsimmi § 157, imm. 1 malillugu eqqartuussivimmi aalajangiineq malillugu napparsimavimmi il.il. inissinneqarsimasunut anisinnaaneq il.il. pillugit nalunaarummik atulersitsisoqarumaartoq naatsorsuutigineqarpoq.

Aammattaaq inatsisissatut siunnersuummi oqaaseqaatini nalinginnaasuni imm. 2.7 innersuussutigineqarpoq.

Nr. 8-mut

§ 99, imm. 6-p atorunnaarsinneqarnissaa pillugu § 1, nr. 5-itut siunnersuutigineqartup kingunerisaanik, § 262, imm. 2 atorunnaarsinneqassasoq siunnersuutigineqarpoq.

Aammattaaq inatsisissatut siunnersuummi oqaaseqaatini nalinginnaasuni imm. 2.6 innersuussutigineqarpoq.

§ 2-mut

Nr. 1-miit 2-mut

Eqqartuussisarnermik inatsimmi § 301, nr. 4-mi nutaamik normumik ilanngussisoqarnissaa pillugu, § 2, nr. 3-tut siunnersuutigineqartup allannguutissatut siunnersuutigineqartut kinguneraat.

Aammattaaq inatsisissatut siunnersuummi oqaaseqaatini nalinginnaasuni imm. 2.4 aamma 2,6 innersuussutigineqarput.

Nr. 3-imut

Suliat, tassani inatsisitigut, inatsisartut inatsisaatigut imaluunniit inatsisartut peqqussutaatigut, tamanna immikkut ittumik aalajangerneqarsimappat, aamma suliat tassani makku pillugit piumasaqaateqartoqarluni 1) pisortanut naammassinninnissamut immikkut ittumik kinguneqartitsitsinerit inatsisit ilaannik unioqqutitsinernut aalajangersarneqartut, matumani sanaartorneq pillugu inatsit aamma akileraartarnermut inatsisit ilanngullugit, 2)

peqatigiiffimmik atorunnaarsitsineq, imaluunniit 3) kingornussisussaajunnaarneq, pinerluttulerineq pillugu inatsiseqartitsinermini malittarisassat malillugit suliarineqassaat, eqqartuussisarnermik inatsimmi § 301-p malitsigaa.

Eqqartuussisarnermik inatsimmi § 301-imi *nr. 4-mik* nutaamik ilanngussisoqarnissaa siunnersuutigineqarpoq, taamaalilluni suliat pinerluttulerinermini inatsimmi § 99, imm. 5-itut aalajangersagassatut siunnersuutigineqartoq malillugu pisortat atorussaajunnaartitsinissaq pillugu piumasaqaateqarlutik, imaluunniit nikanarsaanerit tamanut unnerluussutigineqarpata, pinerluttulerinermini inatsimmi § 99 a-tut aalajangersagassatut siunnersuutigineqartoq malillugu unnerluussisoqarpat, suliat taakku pinerluttulerineq pillugu inatsiseqartitsinermini malittarisassat malillugit suliarineqassapput.

Nikanarsaaneq pillugu eqqartuussutip tamanut saqqummiunneqarnissaa pillugu pinerluttulerinermini inatsimmi § 99, imm. 6-imi aalajangersakkap atorunnaarsinneqarnissaa, § 99, imm. 5-imut siunnersuutigineqartoq malillugu atorussaajunnaartitsineq pillugu § 99, imm. 5-ip nutaamik oqaasertaliorneqarnissaa, aamma § 99 a-tut siunnersuutigineqartoq malillugu nutaatut nikanarsaatit il.il. assersuutigalugu internettimit peerneqarnissaannik peqqussuteqarsinnaaneq pillugit siunnersuuteqarnerup allannguutissatut siunnersuutigineqartoq kinguneraa.

Aammattaaq inatsisissatut siunnersuummi oqaaseqaatini nalinginnaasuni imm. 2.4 aamma 2.6 innersuussutigineqarput.

Nr. 4-mut

Suliani, tassani eqqartuussisarnermik inatsimmik ingasannerusumik unioqqutitsisimaneq pillugu pinerluttulerinermini inatsimmi kapitali 31 malillugu inissiisarfimmi inissiisoqarnissaanik eqqartuussisoqarsimatillugu, tassani nakuuserneq, tarnikkut nakuuserfigineqarneq, qunusaarineq imaluunniit inummut navianaatilimmik pinerluttuliorneq imaluunniit kinguaassiuutitigut pinerluttuliorneq ilaalluni, eqqartuunneqartoq eqqartuunneqartinnani tigummigallagaasimappat aamma eqqartuussutip nalunaarutigineqarnerani naammassineqarneranilu iperagaasimanngippat, eqqartuunneqartup ilagineqarani aninissaanut siullermut aamma iperagaanissaanut piffissaq aamma qimaasimappat qimaasimanera pillugu, noqqaassuteqarneq malillugu eqqunngitsuliorfigineqartoq

nalunaarfigineqassasoq, eqqartuussisarnermik inatsimmi § 336 b, imm. 1-imi oqaaseqatigiit siulliit malitsigaat.

Pisuni taamaattuni, aalajangersakkami imm. 1-imi oqaaseqatigiit aappaat malillugu, pinerluuteqartoq pillaatisiamik atuinermi nalaani aamma inissiisarfiup suliassa qarfianni inissiisarfiup ilisimasaqarfigisaanik Kaalaallit Nunaanni aallakaatinneqartussatut sanaartorneqartumi TV-kkut imaluunniit radiokkut aallakaatitassiani peqataappat, tassani pineqartoq pingaarutilimmik atuuffeqarpat, imaluunniit kalaallit aviisianni ullormut saqqummertartumi inuup allaatigineqarnera pillugu apeqqarissaarfigineqarpat, noqqaassuteqarnikkut eqqunngitsuliorfigineqartoq aammattaaq nalunaarfigineqassaaq. Aalajangersakkami imm. 1-imi oqaaseqatigiit pingajuat malillugu, pisuni taamatut inissiisarfiup suliassa qarfiata avataani TV-kkut radiokkulluunniit aallakaatitassiamik immiussinermi peqataanermi, tassani inissiisarfik aninissamut akuersissuteqarsimalluni aamma taamaaliortoqarnissaanut ilisimasaqarluni, tamanna aamma atuuppoq. Eqqunngitsuliorfigineqartoq toqusimappat, § 336 b, imm. 1-imi oqaaseqatigiit sisamaat malillugu eqqunngitsuliorfigineqartup qanigisai noqqaassuteqartoqarneratigut nalunaarfigineqassapput. Aalajangersakkami imm. 1-imi oqaaseqatigiit tallimaat malillugu pinerluuteqartumut qajassuussinissat pingaaruteqartutut isigineqarpata, nalunaarutiginninneq itigartinneqarsinnaavoq.

Eqqartuussisarnermik inatsimmi § 336 b, imm. 1-imi oqaaseqatigiinni siullerni pinerluttulerinermi inatsimmi § 88 b-tut siunnersuutigineqartumut innersuussisummik ilanngussisoqarnissaa siunnersuutigineqarpoq.

Pinerluttulerinerмик unioqqutitsinermit ingasannerusumut inissiisarfimmi inissinneqarnissamik eqqartuunneqarnermut tunngatillugu, tassani inatsisissatut siunnersuummi § 1, nr. 3 malillugu § 88 b-mi aalajangersagassaatur siunnersuutigineqartoq malillugu malersuineq ilaalluni, ilaatigut nakuuserneq aamma tarnikkut nakuuserfigineqarneq assigalugit, § 336 b, imm. 1-imi malittarisassat erseqqinnerusut malillugit noqqaassuteqartoqarneratigut eqqunngitsuliorfigineqartoq imaluunniit taassuma qanigisai nalunaarfigineqartussaassat, tamatuma kinguneraa.

Inatsisissatut siunnersuutikkut inatsiseqartitsinermi pissutsit allanngortinneqarnissaa allakkut siunertarineqanngilaq.

Aammattaaq inatsisissatut siunnersuummi oqaaseqaatini nalinginnaasuni imm. 2.2 innersuussutigineqarpoq.

Nr. 5-mut

Politiit video atorlugu killisiuisarnerat pillugu eqqartuussisarnermik inatsimmi § 340 a malittarisassanik imaqarpoq. Inuk 13-it inorlugit ukioqarpat, imaluunniit inuk 15-it inorlugit ukioqarpat, aamma pinerluttoqarsimaneranik paasiniaaneq pinerluttulerinermi inatsimmi § 74-mik (ilaquttatut qanigilluinnakkamik atoqateqarnermik) imaluunniit pinerluttulerinermi inatsimmi kapitali 18-imi (kinguaassiuutitigut pinerluuteqarnermut), § 86, imm. 1-imi (toqutsinermut), imaluunniit § 88-imi oqaaseqatigiit siullernut, imaluunniit § 88 a-mut (nakuusernermut aamma tarnikkut nakuuserfigineqarnermut), tunngassuteqarpat, tassani inuk imaluunniit taassuma qaniginerpaasaa eqqunngitsuliorfigineqartuulluni, isumaqatigiinniarnernup pingaarnernup nalaani immiussap uppersaaitut atorneqarnissaa siunertaralugu, politiit inummik killisiuinerat videokkut immiunneqarsinnaasoq, aalajangersakkami imm. 1-ip malitsigaa. Inuk 18-it inorlugit ukioqarpat aamma pissutsit immikkut ittut video atorlugu killisiuinissaq pissutissaqartippagu, imaluunniit inuk 18-inik qaangerlugilluunniit ukioqarpat aamma taassuma saniatigut ilungersunartumik tarnikkut nappaateqarpat imaluunniit annertuumik pisinnaanermigut killeqarpat, aamma pissutsit immikkut ittut video atorlugu killisiuinissaq pissutissaqartippagu.

Eqqartuussisarnermik inatsimmi § 340 a, imm. 1, nr. 2, litra b-mi, pinerluttulerinermi inatsimmi § 88 b-tut aalajangersagassatut siunnersuutigineqartumut innersuussummik ilanngussisoqarnissaa siunnersuutigineqarpoq.

Ilaatigut taama tulleriillutik, nakuuserneq aamma tarnikkut nakuuserfigineqarneq pillugit pinerluttulerinermi inatsimmi § 88-imi oqaaseqatigiit siullit aamma § 88 a-p unioqqutinneqarnerat pillugu pinerluttoqarsimaneranik paasiniaaneq assigalugu, pinerluttulerinermi inatsimmi malersuineq pillugu § 88 b-tut siunnersuutigineqartup unioqqutinneqarsimanagera pillugu pinerluttoqarsimaneranik paasiniaanermi, inunnik 15-it inorlugit ukiulinnik video atorlugu killisiuisoqarsinnaasoq, tassani inuk imaluunniit taassuma qaniginerpaasaa

MISSINGIUT

eqqunngitsuliorfigineqarluni aamma inuk pasineqartoq, inuup qaniginerpaasaralugu, tamatuma kingunerissavaa.

Inatsisissatut siunnersuutikkut inatsiseqartitsinermi pissutsit allanngortinneqarnissaa allakkut siunertarineqanngilaq.

Aammattaaq inatsisissatut siunnersuummi oqaaseqaatini nalinginnaasuni imm. 2.2 innersuussutigineqarpoq.

Nr. 6-imut

Eqqartuussisarnermik inatsimmi § 361 pissutissalimmik pasisap tigummigallagaaneranut atatillugu qanoq iliornissamut piareersaatit annikinnerusumik akuliunnerusut pillugit malittarisassanik imaqarpoq, matumani § 361, imm. 2, nr. 3 aamma 4 malillugit pissutissalimmik pasineqartup najukkami naleqquttumi imaluunniit paaqqinniffimmi (nr. 3) najugaqassasoq, imaluunniit pisariaqarpat napparsimavimmi imaluunniit immikkut ittumik paaqqinniffimmi imigassamik, ikiaroornartumik assigisaanilluunniit pinngitsuuisinnaannginnerminut katsorsarneqarnissaa (nr. 4) ilanngullugit.

Kalaallit Nunaanni eqqartuussisarnermik inatsimmi § 361, imm. 4-imi aalajangersagaq atuuttoq malillugu, tassunga allakkut isummertoqarsimatinnagu, inunnut imm. 2, nr. 3-p imaluunniit 4-p malitsigisaanik paaqqinniffinni imaluunniit napparsimavinni il.il. inissinneqarsimasunut, eqqartuussisarnermik inatsimmi § 361, imm. 4 malillugu anisinnaatitaaneq il.il. pillugit akuersissutit nalunaarutigineqarnissaannut malittarisassanik inatsiseqarnermut ministeri aalajangersaasinnaavoq. Aalajangiinerit, malittarisassat taakku malillugit aalajangerneqartut, allaffissornikkut oqartussanut qaffasinnerusunut saqqummiunneqarsinnaannginnerat, Inatsiseqarnermut ministerip aalajangersarsinnaavaa.

§ 361, imm. 4-imi oqaaseqatigiinni siullerni, ”ministeri”-p kingorna” Naalakkersuisut, social-, aamma bolig ministeri kiisalu indenrigs-

aamma sundhedsministeri isumaqatigiinniarfigereerlugit” ilanngunneqassasoq siunnersuutigineqarpoq.

§ 361, imm. 2, nr. 3 imaluunniit 4 malillugit eqqartuussivimmit aalajangiineq malillugu inunnut, Kalaallit Nunaanni imaluunniit Danmarkimi napparsimavimmi paaqqinniffimmiluunniit inissinneqarsimasunut, anisinnaatitaanermut il.il. akuersissutit pillugit malittarisassat aalajangersarneqarnissaannut pisariaqartinneqartumik § 361, imm. 3, nr. 3-mi piginnaatitsissutip qulakkeerneqarnissaa, allannguutissatut siunnersuutigineqartumi siunertarineqarpoq.

§ 361, imm. 4-mi oqaaseqatigiinni siullerni aalajangersagaq, allannguutissatut siunnersuutigineqartukkut, inatsimmik allanngorneri ilanngullugit nalunaarutiginninneq nr. 250, 4. marts 2024-imeersoq malillugu, ataaseq minillugu, qallunaat eqqartuussisarnermik inatsisaanni § 765, imm. 6-mi imaritinneqartut assigissavaa, tassami siumut isigisumik piginnaatitsinermi Naalakkersuisut, social- aamma boligministerip kiisalu indenrigs- aamma sundhedsministerip isumaqatigiinniarfigereerlugit, tamanna allakkut isummerfigineqarsimatinnagu, inunnut imm. 2, nr. 3-p imaluunniit 4-p malitsigisaanik paaqqinniffimmi napparsimavimmiluunniit inissinneqarsimasunut, anisinnaanermut il.il. akuersissutit nalunaarutigineqarnissaat pillugit malittarisassanik inatsiseqarnermut ministeri aalajangersaasinnaavoq.

Inatsisissatut siunnersuutigineqartoq akuerineqassappat – Naalakkersuisut, social- aamma boligministerip kiisalu indenrigs- aamma sundhedsministerip siunnersuummi isumaqatigiinniarnissaat aalajangerneqartut nangaassutigalugu – inunnut ilaatigut eqqartuussisarnermik inatsimmi § 361, imm. 2, nr. 3 imaluunniit 4 malillugu eqqartuussivimmi aalajangiineq malillugu napparsimavimmi il.il. inissinneqarsimasunut anisinnaaneq il.il. pillugit nalunaarummik atulersitsisoqarumaartoq naatsorsuutigineqarpoq.

Aammattaaq inatsisissatut siunnersuummi oqaaseqaatini nalinginnaasumi imm. 2.7 innersuussutigineqarpoq.

Nr. 7-mut

Eqqartuussisarnermik inatsimmi § 436 pissutissalimmik pasisamik inummik misissuinerit pillugit malittarisassanik imaqarpoq, matumani imm. 2 malillugu tarnikkut misissorneqarnissamut piumasaqaatit pineqarneri ilanngullugit. Kalaallit Nunaanni avataaniluunniit napparsimavimmi paaqqinniffimmiluunniit assigisaani, pissutissalimmik pasisap tarnikkut misissorneqarnissaanut tamanna pisariaqartinneqarpat, tamanna pillugu eqqartuussivik aalajangiissasoq, imm. 3-mi oqaaseqatigiit siulliit malitsigaat.

Inunnut, eqqartuussisarnermik inatsimmi § 436, imm. 3 malillugu eqqartuussivimmi aalajangiineq malillugu napparsimavimmi imaluunniit paaqqinniffimmi inissinneqarsimasunut, anisinnaatitaaneq il.il. pillugit ullumikkut Kalaallit Nunaanni immikkut ittumik malittarisassanik peqanngilaq, soorlu aamma inunnut taakkununga anisinnaatitaaneq pillugu allaffissornikkut aalajangiinissamut pisariaqartinneqartumik piginnaatitsissummik tunniussisumik, eqqartuussisarnermik inatsit aalajangersakkanik imaqanngitsoq.

§ 436, imm. 3 malillugu eqqartuussivimmit aalajangiineq malillugu Kalaallit Nunaanni Danmarkimiluunniit napparsimavimmi il.il. inissinneqarsimasunut anisinnaatitaanermut il.il. akuersissutit pillugit aalajangersaasoqarnissaanut, inatsiseqarnermut ministerimut pisariaqartinneqartumik piginnaatitaanerup pilersinneqarnissaa siunertaralugu, eqqartuussisarnermik inatsimmi § 436-imi nutaamik imm. 6-imik ilanngussisoqarnissaa siunnersuutigineqarpoq

Inatsimmik allanngorneri ilanngullugit nalunaarutiginninneq nr. 250, 4. marts 2024-imeersoq malillugu, aalajangersagassatut siunnersuutigineqartup, [isumaqatigiinniarsinnaanermut akuusunut tunngatillugu ataaseq minillugu](#), qallunaat eqqartuussisarnermik inatsisaanni § 811, imm. 2 assigaa.

Naalakkersuisut, social-, aamma bolig ministeri kiisalu indenrigs-aamma sundhedsministeri isumaqatigiinniartigereerlugit, imm. 3-p malitsigisaanik inunnut napparsimavimmi il.il. inissinneqarsimasunut, anisinnaanermut akuersisummik nalunaarutiginninnissaq pillugu Inatsiseqarnermut ministeri malittarisassanik aalajangersaasinnaasoq, § 436, imm. 6-imi *oqaaseqatigiittut siullertut* siunnersuutigineqartup [kinguneraa](#).

[Inatsisissatut siunnersuutigineqartoq akuerineqassappat](#) – Naalakkersuisut, social- aamma boligministerip kiisalu indenrigs-aamma sundhedsministerip siunnersuummi isumaqatigiinniarnissaat aalajangerneqartut nangaassutigalugu – tamanna pillugu inatsisissatut siunnersuummi nalinginnaasumik oqaaseqaatini imm. 2.7.2 erseqqinnerusumik malillugu, inunnut ilaatigut eqqartuussisarnermik inatsimmi § 436, imm. 3 malillugu eqqartuussivimmi aalajangiineq malillugu napparsimavimmi il.il. inissinneqarsimasunut anisinnaaneq il.il. pillugit nalunaarummik atulersitsisoqarumaartoq naatsorsuutigineqarpoq.

Aalajangiinerit, malittarisassat taakku malillugit aalajangerneqartut, *oqaaseqatigiit aappaattut* siunnersuutigineqartoq malillugu allaffissornikkut oqartussanut qaffasinnerusunut saqqummiunneqarsinnaanngitsut, tassunga atatillugu inatsiseqarnermut ministerip aammattaaq aalajangersinnaavaa.

Aammattaaq inatsisissatut siunnersuummi oqaaseqaatini nalinginnaasuni imm. 2.7 innersuussutigineqarpoq.

§ 3-mut

Inatsit ulloq [1. juli 2025](#) atuutilissasoq siunnersuutigineqarpoq.

Ilanngussaq 1

**Inatsisissatut siunnersuutip inatsimmut atuuttumut
ataatsimoortinneqarnera**

<i>Oqaasertaliussat atuuttut</i>	<i>Inatsisissatut siunnersuutigineqartoq</i>
	§ 1 Inatsimmik allanngorneri ilanngullugit nalunaarutiginninneq nr. 1187, 18. september 2023-imeersoq, inatsisinillu nr. 1782-ikkut, 28. december 2023-imeersukkut aamma inatsisikkut nr. [...] -ikkut allanngortinneqartoq malillugu, Kalaallit Nunaanni pinerluttulerinermi inatsimmi allannguinerit tulluuttut suliarineqassapput:
§ 21. --- <i>Imm. 2-4. ---</i> <i>Imm. 5.</i> Unnerluussuteqarnissamut piffissaliussaq unitsinneqartassaaq pineqartoq unioqqutitsi- nermut pasineqarluni eqqartuussivikkut iliuuseqartoqarneri tamaasa. Suliassani, eqqartuussisarnermik inatsit naapertorlugu akiliisitsissummik politiinit sananeqarsimasumik akuersissuteqarnikkut aalaja-ngiiffigineqarsinnaasuni, unnerluussuteqarnissamut piffissaliussaq unitsinneqassaaq pasisaq akiliisitsis- summik ilisimatinneqarpat. Allanik pisoqartillugu, unioqqutitsinermut pinerluttulerinermi inatsisitigut akisussaatitsinissaq allaffissornikkut pisortanit aalajangiiffigineqarsinnaagaangat,	1. § 21, <i>imm. 5,</i> ima oqaasertaliorneqassaaq: »<i>Imm. 5.</i> Pineqartoq unnerluutiginninneq pillugu ilisimatinneqarpat, imaluunniit suliasamik eqqartuussisutigoortumik suliarinninnissaq aalajangiinissarlugu pillugit alloriartoqarnissaanik unnerluussisussaatitaasut noqqaassuteqarpata, tamatumuuna pineqartoq unioqqutitsineq pillugu unnerluunneqarluni, unnerluussuteqarnissamut piffissaliussaq unitsinneqassaaq Inatsisitigut pisinnaatitaasup pisussaatitaasullu akisussaanera pillugu eqqartuussisarnermik inatsimmi § 135 malillugu inatsisitigut pisinnaatitaasoc pisussaatitaasorlu sinnerlugu inummut

piffissaliussaq unit- sinneqassaaq pineqartoq unioqqutitsinermut pasineqarnerminik ilisimatinneqarpas. Unnerluussuteqar- nissamut piffissaliussaq unitsinneqarsinnaanngilaq inummut inatsisitigut pisinnaatitaasumut pisussaati- taasumullu tunngatillugu, inunnut inatsisitigut pisinnaatitaasoq pisussaataasorlu sinnerlugu iliuuseqar- simasunut tunngatillugu sunniuteqartumik. <i>Imm. 6. ---</i>	nalunaarutiginninnernik tiguisinnaasumut, unnerluussuteqarnissamut piffissaliussaq unitsitsineqarsinnaavoq.«
§ 22. --- <i>Imm. 2-4. ---</i> <i>Imm. 5.</i> Aalajangersakkat imm. 1-4-miittut aamma atuutissapput inatsisitigut malitseqartitsissuti- nut § 99, imm. 5-imi 6-amilu eqqartorneqartunut tunngatillugu, taamaattorli ukiut pingasut pisoqali-soornissamut piffissaliunneqassapput.	2. § 22, <i>imm. 5-imi</i>, : »aamma 6« peerneqassaaq.
§ 88 a. ---	3. § 88 a-p kingorna ilanngunneqassaaq: »§ 88 b. Periaaseq, inuup allap eqqissisimaneranik innarliinissamut naleqquttoq atorlugu, systematiskiusumik aamma pineqartumik ataavartumik attaveqarfiginnittoq, malersuisoq imaluunniit allakkuut nakkarsaasoq, malersuisutut eqqartuunneqassaaq.«
§ 95. ---	4. § 95-p kingorna ilanngunneqassaaq: »§ 95 a. Inuk pisinnaatitaanani kinaassutsimik atornerluisutut eqqartuunneqassaaq ima pisoqartillugu 3) inuk alla pillugu paasissutissanik atuisoq, matumani cpr-normu ateq aamma asseq ilanngullugit atuilluni

	pissuserinnerunngitsumik taanaasuusaartoq imaluunniit 4) atortussanik ingerlatitseqqittoq, tassani inuk alla pillugu paasissutissat atorneqarsimallutik, matumani cpr-normu, ateq aamma asseq ilanngullugit atuilluni pissuserinnerunngitsumik inuup taassuma pissusaa pillugu uukapaatitsiniarluni.»
§ 99. --- <i>Imm. 2-4. ---</i> <i>Imm. 5. Pasilliut</i> nikanarsaataasooq tunngavissaqanngippat ajuallatsitap piumasaqaateqarnera naapertorlugu eqqartuussissutip inernerani tamanna pillugu oqaaseqaateqartoqassaaq. <i>Imm. 6. Kinaluunniit</i> nikanarsaataasumik pasilliisutut eqqartuunneqartoq ajuallatsitap piumasaqaateqarnera naapertorlugu ajuallatsitamut akiliisussanngortinneqarsinnaavoq eqqartuussissusut anner-tussusiliinerat naapertorlugu, eqqartuussissutip inerneranik taamaallaat imaluunniit aamma eqqartuussissummut tunngavilersuutini aviisimi ataatsimi arlalinniluunniit saqqummersitsinermi aningaa-sartuutitut matussutissanik. Tamanna atuuppoq naak eqqartuussissut imm. 5 naapertorlugu atortussaa-junnaartitsinermik taamaallaat imaqaraluartoq. <i>Imm. 7. Inummik toqusimasumik</i> nikanarsaasutut eqqartuunneqassaaq kinaluunniit nikanarsaa-taasunik oqaluttoq siaruaasorluunniit inummik toqusimasumut tunngatillugit.	5. § 99, imm. 5 aamma 6, atorunnaarsinneqassapput taarsiulluguli ilanngunneqassaaq: »Imm. 5. Nikanarsaaneq pillugu unnerluussut tunngavissaqanngippat, eqqunngitsuliorfigineqartup piumasaqaataa malillugu eqqartuussutip naanerani tamanna pillugu oqaaseqaat ilanngunneqassaaq.« Tamatuma kingorna imm. 6 imm. 7- innigussaaq.
§ 99. ---	6. § 99 kingorna ilanngunneqassaaq: »§ 99 a. §§ 94-imik, 95 a-mik aamma 99-imik unioqqutitsinermi

	eqqartuussummi, oqaaseqaat, nalunaarut imaluunniit asseq il.il., tamanna ajornanngippat, nunguterneqassasoq, tamatuma peqatigisaanik aalajangerneqarsinnaavoq. <i>Imm. 2.</i> Imm. 1 malillugu pisussaaffik, unioqqutitsinermik eqqartuunneqartup pisussaaffigaa. Taassuma oqaaseqaat, nalunaarut imaluunniit asseq atorsinnaanngippagu. taamatut atuisinnaasumut pisussaaffik pisussaaffinngortinneqarsinnaavoq.«
§ 160. ---	7. § 160-ip kingorna ilanngunneqassaaq: »§ 160 a. Inunnut, § 157 malillugu aalajangiinerup malitsigisaanik napparsimavimmi unitsinneqarsimasunut imaluunniit paaqqinniffimmi allami inissinneqarsimasunut, anisinnaatitaanermik il.il. akuersissuteqarnissaq pillugu Naalakkersuisut, social- aamma boligministeri kiisalu indenrigs- og sundhedsministeri isumaqatiginniarfigereerlugit, Inatsiseqarnermut ministeri malittarisassanik aalajangersaasinnaavoq. Tassunga atatillugu social service pillugu inatsimmi § 108 malillugu, najugaqarfinni kommuninit, nunap ilaanit, namminersorlutillu ingerlatsisunit ingerlanneqartuni anisinnaatitaanermut il.il. akuersissutip nalunaarutigineqarnissaa aamma utertinneqarnissaa pillugu

	piginnaatitaaneq tarnikkut napparsimasunut katsorsaasarfinni nakorsaanernut taassumalu tullersortaanut suliassiissutigisinnaavaa. Malittarisassat taakku malillugit aalajangiinerit, allaffissornikkut oqartussaasumut qaffasinnerusumut saqqummiunneqarsinnaannginnerat, inatsiseqarnermut ministerip tassunga atatillugu aammattaaq aalajangersinnaavaa.«
Taamaattorli § 99, imm. 6 naapertorlugu aalajangiineq eqqartussap toqunerata kingorna naammassineqarsinnaavoq. Imm. 3. Aammattaaq unnerluussisussaataasut arsaarinninnerup attatiinnarneqarnissaa pillugu apeqqu eqqartuussivimmut saqqummiussinnaavaat. Arsaarinninneq taamaallaat attatiinnarneqarsin- naavoq pineqarpata pigisat imaluunniit aningaasat, pinerlunnermi pissarsiarineqarsimasut imaluunniit pissarsiat taamaattut assingi. Eqqartuussisuusut arsaarinninnermik aalajangiineq allanngortissinnaavaat, taamaalilluni pigisanut taarsiullugu aningaasat arsaarinnissutaatillugit.	8. § 262, imm. 2, atorunnaarsinneqassaaq. Tamatuma kingorna imm. 3 imm. 2- nngussaaq.
	§ 2 Inatsimmik allanngorneri ilanngullugit nalunaarutiginninneq nr. 1186, 18. september 2023-immersoq, inatsisikkut nr. 1781-ikkut, 28. december 2023- imeersukkut, inatsimmi nr. 1782-imi, 28. december 2023-imi § 2-kkut aamma inatsisikkut nr. [...] -kkut allanngortinneqartoq, malillugu

	Kalaallit Nunaanni eqqartuussisarnermik inatsimmi allannguinerit tulluuttu suliarineqassapput:
§ 301. Aammattaaq immikkoortumi matumani malittarisassat malillugit suliarineqartassapput suliassat, tamanna inatsisikkut, inatsisartut inatsisaasigut imaluunniit inatsisartut peqqussutaasigut immikkut aalajangerneqarsimatillugu aamma suliassat piumasaqaateqarfiusut makku pillugit 1) --- 2) peqatigiiffimmik atorunnaarsitsinissaq, imaluunniit 3) kingornussissinnaassusermik annaasaqarneq.	1. § 301, nr. 2-mi, »peqatigiiffimmik imaluunniit« ima allanngortinneqassaaq: »peqatigiiffimmik,«. 2. § 301, nr. 3-mi, »kingornussissinnaassusermik. « ima allanngortinneqassaaq: »kingornussissinnaassusermik imaluunniit«. 3. § 301-imi nr. 4-tut ilanngunneqassaaq 4) Nikanarsaanerit tamanut ammasumik unnerluussutigineqarpata, pinerluttulerinermi inatsimmi § 99, imm. 5 malillugu atortussaajunnaartitsineq, imaluunniit pinerluttulerinermi inatsimmi § 99 a malillugu peqqussuteqarneq.«
§ 336 b. Suliami isertitsivimmiinnissamut eqqartuussineqarsimappat, tak. pinerluttulerinermi inatsimmi kapitali 31, pinerluttulerinermi inatsimmik sakkortunerusumik unioqqutitsinerni, nakuusernemi, qunusaarinerni imaluunniit inummut navianartumik	4. § 336 b, imm. 1, oqaaseqatigiinnu siullerni, »nakuusernemi,« kingorna ilanngunneqassaaq: »malersuinerni,«.

MISSINGIUT

pinerluttuliornerni,	imaluunniit	
kinguassiuutitigut	pinerlunnerni,	
noqqaassuteqarnikkut	pinerlineqartoq	
ilisimatinneqassaaq	eqqartuunneqartoq	
siullerpaamik	ingiallorteqarani	
aneertitaanissaanik	aamma	
iperagaanissaanik	aamma	
pinngitsoortitsisinnaanermik,		
eqqartuussaq	eqqartuussut	sioqqullugu
tigummisassanngortinneqarsimappat		
iperagaasimananilu	eqqartuussutip	
nalunaarutigineqarnerata		
naammassineratalu	akornanni.	
Pinerlineqartoq	pisuni	taamaattuni
noqqaassuteqareernermigut		
ilisimatinneqassaaq,	pinerluttoq	
pineqaatissinneqarnermi	nalaani	
oqartussat	inissiivanni,	tassannga
inissiivimmit	ilisimaneqartumik,	
aallakaatitassiamut	tv-kkut	imaluunniit
radiokkut	Kalaallit	Nunaanni
aallakaatinneqartussamut	pingaarutilittut	
peqataaneranik	imaluunniit	Kalaallit
Nunaanni	naqitamut	saqqummersartumi
immikkut	ilisisaritinneqarluni	
peqataaneranik.	Tamanna	aamma
atuuppoq	pisortat	inissiiviata
avataani		
pinerluttoq	tv-kkut	imaluunniit
radiokkut		
aallakaatitassiamut	peqataappat,	pisumi
oqartussat	inissiiviat	pinerluttup
anigallarnissaanut	akuersaarsimasoq,	
ilisimallugu	aallakaatitassiamut	
peqataanissaa.	Pinerlineqartoq	toqukkut

MISSINGIUT

qimagussimappat, pinerlineqartup qanigisai noqqaassoqarnera malillugu ilisimatinneqassapput. Ilisimatitsinissaq pinngitoortinneqarsinnaavoq pinerluttumut tunngatillugu innimigisassat tamatumunnga naapertuuppata. <i>Imm. 2-3. ---</i>	
§ 340 a. § 476 a (video atorlugu killisiuineq) malillugu eqqartuussutissap isumaqatiginniutigineqarnerani immiussap uppersaaitut atorneqarnissaa siunertaralugu politiit inummi killisiuinerat videokkut immiunneqarsinnaavoq inuk 1) --- 15-t inorlugit ukioqarpat, paasiniaarnerlu ukuninnga unioqqutitsinernik tunngasuuppat a) --- Kalaallit Nunaanni pinerluttulerinermik inatsimmi § 86, imm. 1, imaluunniit § 88, oqaaseqatigiit siulliit, inuk taassumaluunniit qanigisaa pinerlineqarsimappat, pasineqartorlu inuup qanigisaanut ilaappat,	5. § 340 a, imm. 1, nr. 2, litra b-mi, »imaluunniit § 88 a« ima allanngortinneqassaaq: »§ 88 a imaluunniit § 88 b«.

3-4) --- Imm. 2-4. ---	
§ 361. --- Imm. 2-3. --- Imm. 4. Inatsiseqarnermut ministeri malittarisassiorsinnaavoq inuit, paaqqinniffimmi imaluunniit napparsimmavissuarmi il.il. imm. 2, nr. 3 imaluunniit 4 malillugu inissinneqarsimasut aneernissamut akuerineqartarnissaat pillugit, tamanna isummerfigineqareersimassanngippat. Inatsiseqarnermut ministeri tamatumunnga atatillugu aalajangersaasinnaavoq aalajangiinerit malittarisassat taakku naapertorlugit aalajangiissutaasut pisortatigoortumik oqartussanut qulliunerusunut saqqummiunneqarsinnaassanngitsut.	6. § 361, imm. 4-imi oqaaseqatigiinni siullerni, »malittarisassiorsinnaavoq«-p siuliani: »Naalakkersuisut, social-aamma boligministeri kiisalu indenrigs-aamma sundhedsministeri isumaqatigiinniarfigereerlugit« ilanngunneqassaaq.
§ 436. --- Imm. 2-5. ---	7. § 436 imm. 6-itut ilanngunneqassaaq: »Imm. 6. Tamanna allakkut isummerfigineqarsimanngippat, imm. 3 malillugu inunnt, § napparsimavimmi unitsinneqarsimasunut il.il., anisinnaatitaanermik il.il. akuersissuteqarnissaq pillugu Naalakkersuisut, social-aamma boligministeri kiisalu indenrigs- og sundhedsministeri

MISSINGIUT

	isumaqatiginniarfigereerlugit, Inatsiseqarnermut ministeri malittarisassanik aalajangersaasinnaavoq. Malittarisassat taakku malillugit aalajangiinerit, allaffissornikkut oqartussaasumut qaffasinnerusumut saqqummiunneqarsinnaannginnerat, inatsiseqarnermut ministerip tassunga atatillugu aammattaaq aalajangersinnaavaa.«
--	--